

31e 12 April: m. 12

Bf. Biën. B. II. 25

Biblioteka
Ojców Kamedulów
w Bieniszewie



IN NOMINE
CHRISTI CRUCIFIXI,
SENTENTIÆ
S A C R Æ

In Quinq; Opuscula Divisa.

De Symbolo Apostolorum.

SEV DE FIDE.

De alijs Virtutibus. & quæ his sunt annexa

De Opposito Virtutum scilicet

De PECCATIS.

De DECEM DEI PRÆCEPTIS,

ubi breviter de Præceptis Ecclesiæ.

Tandem De SACRAMENTIS.

In gratiam & commodum

ORDINANDORVM

AUTHORE

P. M. F. FERDINANDO OHM aliàs

JANISZOWSKI, -Ord: Prædic.

His annexa brevis Monitio ad Lectorem Opus-

culorum jam impressorum scilicet SENTENTIARUM


MORALIUM & THOMISTARUM.

Cum licentia Superiorum.

CRACOVIAE, Typ: NICOLAI ALEXANDRI

SCHADEL, S. R. M. Typ: A. D. M. DC. XCIX.

*Exemplum Cameracense Monasterii Regii
ad Varsaviam*



THOMAS à KEMPIS

L. 1. de Imitatione Christi C. 3.

Humilis tui cognitio certior via est ad Deum, quam profunda scientiæ inquisitio. Non est culpanda scientia, aut quælibet simplex rei notitia, quæ bona est in se considerata, & à Deo ordinata, sed præferenda est semper bona conscientia & virtuosa vita. Quia verò plures magis student scire, quam bene vivere: ideo semper errant, & pene nullum vel modicum fructum ferunt.

O si tantam adhiberent diligentiam ad extirpanda vicia, & virtutes inferendas, sicuti ad movendas quæstiones: non fierent tanta mala & scandala in populo, nec tanta dissolutio in cœnobijs. Certè adveniente die Iudicii, non quæretur à nobis quid legimus, sed quid fecimus: nec quàm bene diximus, sed quàm RELIGIOSÈ viximus. Thom. à Kempis loco citato.



ms)(✠)(50

CHRISTO CRUCIFIXO

DILECTO

CHRISTI CRUCIFIXI

SERVO

S. ROMVALDO

Eremitarum Camaldulensium

PATRI,

SACRO

EREMITARŪ CAMALDULENSIŪ

ORDINI


Fr. FERDINANDVS OHM aliàs JA.

N. SZOŃSKI Ord: Prædic.

In Signum Profundissimæ

Venerationis

OFFERT.



*Um alij magnis Principi-
bus sua op-er-a-n-secrant, ut
omnia sub eorum tutela pro-*

spiro

spiro

spero gressu incedant: hac occasione
Magne Eremitarum Camaldulensium
PRINCEPS SENTENTIAS SACRAS
in gratiam & commodum ORDINANDORUM
collectas Tuo Nomini consecrandas
dixi (præmissa Tibi Christe Crucifixe
super profundissimâ submissione)
verè enim Magnus es, non solum
inter homines, utpote ex Illustri-
ssima familia Ducum natus, sed
quod majus, apud Deum. Magnitudo
hæc excellentiâ virtutum mensuratur.
Fuit ergo in Te sincerus Religionis af-
fectus, dum in Monasterio Classeensi
militiam Christi sub Regula S. P. BE-
NEDICTI inchoasti. Fuit profundissi-
ma ad tollendas Sathane insidias humi-
litas: magno tamen apud Principes &
Reges in honore fuisti, multique Tuo
Glo mundi illecebris abjectis solitu-
dinem petere. Sufficiat adducere Pe-
trum Crisolum Venetiarum Ducem.
Fuit admirabilis patientia amor: in-
clusus enim circa paludem Cammias
clen.


clenssem dictam Orizarium, ita inde
totus tumefactus & depilatus exivisti,
ut non eadem quæ inclusa fuerat facies
videtur. Nam & caro sic viridis erat
ut vix stellioni discolor appareret. Quid
de rigore jejuniij? præter alia jejuniij
onera per continuum annum singulis
diebus nihil habuisti nisi unum pugil-
lum elixi ciceris. Sed quis singula es
narraret? sufficiat, in Te B. PATER
& Tuis Discipulis antiquorum Ere-
mitarum rigorem expressum: taliter
enim in Syria cum Tuus vixisti, ac si
altera denuo Nitria videretur. Omnes
siquidem nudis pedibus incedentes,
omnes pallidi, & nimiam omnium rei-
rum extremitate contenti. Nonnulli
verò damnatis januis clausi, ita mors
tui videbantur mundo, velut in sepul-
chro positi. Vinum nec in gravissima
agritudine petebatur. Sed cur ego de
Monachus loquor, cum & ipsi Mona-
chorum famuli, ipsi quique custodes pec-
corum jejunaverint, silentium tenes-
runt

vint. disciplinas inter se fecerint, & de
quibuslibet verbis pœnitentiam flagi-
taverint. O aureum (exclamat B.
Petrus Damianus) Romualdi secu-
lum, quod etsi tormenta persecutorum
non noverat spontaneò tamen Marty-
rio non carebat. Cujus tamén causâ
in Pannoniam profectus, sed morbo re-
verti coactus, relicto ibidem perpetuo
per Discipulos fructu.

Etiam ad vos Venerabiles Eremita Car-
malitenses sermo meus dirigitur, cum
& sub Vestro Venerabili Nomine Sa-
crarum Sententiarum Opusculum
lucem publicam videre desideret. Ve-
nerabile enim Nomen Vestrum: Vos
enim antiquorum Eremitarum (quo-
rum magnifica opera univèrsus Orbis
stupet, quorum collationibus seu dictis
Angelicus Doctor suam Angelicam vi-
tam componebat) veri imitatores.
Hic de causa candidus Ordo Vester,
mirabili visione præsignatus Scalam
enim à terra calumpertingentem, per
quam

quam homines in veste cādda ascende-
bat, per visum S. S. Patriarcha Vef-
ter corripuit, eoque Sacra Camaldien-
tem Religionem designari mirabili-
ter agnovit. Hæc inquam de causa: tali
enim visione, veros antiquarum Eremita-
tarum imitatores præsignari congrue-
bat. Felix adhuc seculum, quod, anti-
quorum Eremitarum splendore non spoli-
atum inter mortuorum & viventium seras tot
cælestium Hierusalem cives alit. Et licet
in profunda silentio constituti, Eccl. scā
tam militatam, exemplari nocturni
nā dūm, p. psalmodiā, alijsq; ad De-
um superoptimum suis precibus, sus-
sistentis. Qui etiam Apostolica in cæ-
lis corona (ut legentibus & confiden-
tibus, S. PAULI primi Eremitæ vi-
tam patet) possidetur. Accedit Reli-
giose conversationis odor quo populo
prædicatis. O quā benè docet, qui
exemplo docet. Sub Tanti ergo &
Tali Nomine Opusculum meum
tucem publicam videri desiderat. Fave inter-
cession: S. Patris Favere precibus tanti

Patris Filij.



M O N I T I O

*Ad LECTOREM SENTENTIARVM
THOMISTICARVM.*

Perplexo bono sensu excusentur. Vbi sciendum, multas conclusionum probationes potius esse tantum declaratione : & sic non obiciatur inefficacia rationi, cum non adsit.

Perplexitates nonnullæ in particulari insinuantur vñ cum editione Sententiarum Thomisticarum.

Ad tollendam verò perplexitatem l. 4. d. 39. sciendum, cum idem sit objectum habitus quod & actus primarij, ideo cum objectum formale *Quod contritionis sit peccatum sub ratione injuriæ Deo illatæ* &c: idem erit objectum formale habitus poenitentiae, vt etiam habet N. P. Labat d. 1. de Sac: Poen: dub: 4. §. 1. ibi. *probatur vltima pars*. Et sic quando dicitur esse objectum materiale, dicitur comparative ad formale *Quo*, quod est ius diuinum laesum &c. vt habet citatus

Do.

Doctor lect. §. 3. ibi. Colliges 4^{to}. Et
sic prima ratio quâ probatur pœnitenti-
am distingvi à charitate est omittenda.
Consequenter in ratione qua probatur
pœnitentiam distingvi à religione non
interponendum jus divinum, sed sic di-
catur. Item distingvi à religione quæ
pro objecto formali respicit
cultum Dei & non sa-
tisfactionem.



MONI.

M O N I T I O

Ad LECTOREM SENTENT: MORALIUM

*M*Onui: perplexa sane intelligenda, at-
tendendo antecedentia & sequentia 2
præcipue prima editionu. v. g. ex omissione ali-
cujus particule (aliena inadvertentiâ) omiffæ,
sane intelligenda intentio Authoru.

v. g. in 2. d. 29. conc. 2. post ly, cui censere-
tur subjectus, adde, tunc enim teneretur.
sc. se conformare.

Id m. dic, dum aliqua particula casu irrepfit.
Æg. ly non, ut in additione tertiâ. 2. edit. & c.

Idem: dum unus terminus pro alio ponitur. v. g.
quantitas cibi. p. qualitas cibi. 1. d. 19

Nec mihi contrarior, licet nonnullæ conclusio-
nes sint in se tales. Nam quandoq. in aliena sen-
tentia, vel in communè, non attendendo leger
particulares, loquor. vel tanquam se uiuës vel
saltem ut probabile propono. Et sic nec d. Thomæ
contrarior. v. g. in 2. d. 66. Conc. 6. & in 4. d. 6.
Conc. 8

Inadaquatio censurarum relatarum, etiam sub
sta. tria.

substantialis, sic excusetur, ut merentur excusari
Auctores ex quibus non praemonitus desumpsi.
Minor quod non moneant.

Inadequatio censurarum substantialium est v. g.
quando omittitur conditio ad incurrendam cen-
suram necessaria. v. g. si non restituerit Acci-
dentalis: quando, v. g. non referuntur complices
Vel quando non enumerantur alia poena.

Hic inadequationem substantialem habes l.
7 d. 35, de Decimis cens., 4^a primae editionis,
sed in 2. edit: sublatam. His inadequationes
substantiales quantum potui (non tamen omni-
modam securitatem promitto) in secunda edi-
tione, tractando de Censuris, sustuli, & in mo-
nitione secunde editionis insinuavi.

Inter alias, extra Bullam Coena D. reserva-
tas, in prima editione inadequatè retuli, De-
cimam quintam, vigesimam, trigessimam quar-
tam & trigessimam sextam. Inter non reserva-
tas vero vigesimam septimam.

Sequendi impressione in qua impressa Theol. P.
Gottij omisi in prima editione excommunicatione
nem Bulla C. D. de advocantibus causas spiri-
tuales &c.


Quod

*Quodd autem in vno vel altero casu reſervatur
Author pro authorē. Papa pro alio Papa Numerus
pro numero. Minoris eſt momenti.*

*L: 4: d: 19. ¶ Dices: ſic habeo. Dices non
licet juvare reum juſtē damnatum &
rumpat carcerem ergo nec conſulere,
vel præbere inſtrumenta R. N. nūl-
los negare cqm. Sed ego non video di-
ſparitatem. Dico tamen te melius conſide-
ratā, agnoſcenda diſparitas.*

*L: 2: d: 42. legatur conjunctim ut habet S:
Th ſc. reverentia minueretur & ſervor chari-
tatis non multum augetur.*

*Videnda ergo monitio ſecunda editio-
ni præfixa, & alia in fine
ejuſdem editionis
poſita.*



Facul-

*Facultas & Approbatio
Ordinarij.*

EGO M. FRANCISCUS PRZE-
WOSKI S. T. D. & Professor.
S. R. M. S. S. Floriani Præpositus.
Ordinarius Librorum Censor. Opu-
sculum, cui Titulus SENTENTIAE SÆ-
CRÆ in gratiam & commodum,
Ordinandorum ab A. R. P. F. FER-
DINANDO JANUSZOWSKI S. T. D.
collectæ, vidi. Quod cum nihil Or-
thopoxæ fidei aut bonis moribus
dissonum in se contineat: sed non
solum Ordinandis verum omnibus
legentibus sit proficuum & utile.
ideò illud approbo & in lucem
publicam prælo ed: do & concedo
facultatem, Datum in Præpositu-
ra S. Floriani 30 Ianuarij 1699.

M. FRANCISCUS PRZEIWOSKI
S. T. D. & Professor, Præpositus S. Flo-
riani, S. R. M. S. Ordinarius Librorum
Censor.

Facultas Ordinis

F. VINCENTIUS KVLESZA

S. T. M. Provincialis Prov: Pol:

S. O. *Prædicatorum.*

Authoritate Officij N. ac præ-
lentie serie vobis A. R. R. P. P.
Almi Studij N. Generalis Conven-
tūs Crac: Prov. Pol. Moderatori-
bus ad præsens, gubernium Tho-
misticæ Scholæ tenentibus, com-
mittimus ac in meritum S. Obe-
dientia mandamus, quatenus O-
pusco: (cui titulus SENTENTIAE SA-
CRÆ in gratiam & commendam Or-
dinandorum) ab A. R. P. S. T. M. F.
Ferd: Obm Janutz n. s. s. compo-
situm diligenter perlegant, revide-
ant, recognoscantq; , sicq; reco-
gnitum, relectum ac revitum iuxta
S. Conc: Trid. Can: prout in Dño
judicaverint Typis publicis exu-
dendum approbent, In N. P. & F.
& Sp. S. Amen: In quorum fidem

hii

his manu N. subscriptis sigillum
officij apponi mandavimus D. in
Conv. N. Cr. SS. Trin. 17 Septi 1698.

*Conf. in D. VINCE: KULESZ A,
M. PROV. Rta P. 232. mpr.*

*F. JONATIUS KOWNACKI S. T.
Praesentatus Prior Elbig. &
Soc. mpr.*

*Approbatio Theologorum Ordinis
SENTENTIAS SACRAS in gratiam &
con modum Ordinandorum ab
A. R. P. S. T. M. F. Ferdinando Janu-
ponski accuratissime collectas ex
mandato A. R. P. M. Prov. cum fru-
ctulosa iucunditate perlegi, quan-
tum q; omnibus Ordinandis, imò
& ceteris legentibus proficuae fu-
turae sint, ipse probavi. ideo prae-
dicto signascentio. Crac: in Conv.
SS. Trin. 18 Januarii. 1699.*

*Ego F. THOMAS ENGVER Bacca-
laureus actualis & Pro Regens
Suius Gen: Crac: Ord: Prae:
mpr.*

Opus certè desideratissimum,
Opusculis *A. R. P. S. T. M. F.*
Ferdinandi Olm alias Jarussonski S.
O. P. C. Crec: comprehensum pro
eruditione Christiana Catholica,
& utilitatis *S. Ordinis* colles-
ctum ex *SS. PP.* ex mandato &c.
vidi, legi & perpendi, quod ad
laudem Dei, & utilitatem *S. Ecclē.*
sic Romanæ, utpote abtq̃ omni
ruga & ævo, prælo publico ex-
ponendum. *judicavi Cracovi ad*
Aedes SS. Trin. Cræt Pæd: 1698.
13. Decemb.

F. VRBANUS BÄHRINOWSKI,
O. P. S. T. L. & Mag: studiij
Gen: Crac: mpr.

OPV.




OPVSCVLVM

PRIMUM,

De Symbolo Fidei

PROLOGVS.

I.  YMBOLVM FIDEI est
Collectio articularum Fidei.
Est autem Articulus Fi-
dei, *invisibilis veritas de Deo*
nos arctans ad credendum.

Particula *arctans* non debet sumi pro ne-
cessitate coactionis, cum credere sit vo-
luntarium, sed pro necessitate finis, quia
accedentem ad Deum oportet credere
& sine fide impossibile est placere, ut
Apostolus dicit ad Hebr., 11, sic explicat
S. Th., 22. q. 1. a. 6, ad 3.

2. Si plures veritates non habent
specialem difficultatem, censentur una
veritas, v.g. quod Christus D; sit passus,



2. *De SYMBOLO APOSTOL.*
mortuus, & sepultus. Vel si vna veritas
contineretur virtualiter in alia, ut ve-
ritas Sacramenti Eucharistiae sub verita-
te d. Omnipotentia Dei, ut docet S. Th
loco cit. a: 8. ad 6.

3. Tria numerantur Symbola. 1. A-
postolorum, 2. Nicænum, a primo tan-
tū secundū maiorem explicationem
distinctum. 3. S. Athanasij.

DISTINCTIO I.

De primario Objecto Symboli Fidei.

1. **D**EVS sic explicari potest, *Ens per
essentiam, id est, Ens cui necessarium
convenit existere.* Ex illo Exod: 3. *Ego sum
qui sum.* 2. *Ens super omne ens, & à quo
omne aliud ens dependet:* 3. *Ens quo nihil
majus aut melius excogitari potest.*

2. Deus est ubiq; per essentiam, prae-
sentiam & potentiam. *Esse ubiq; per
essentiam, est adesse immediatè omnibus
secundū suam entitatem. Per prae-
sentiam, est cognoscere omnia. Per poten-
tiam, est posse operari in omnibus rebus
quo.*

De SYMBOLO APOSTOL. 3

quicquid vult S. Thom. 1. p. q. 9. at 3.

3, Quamvis Deus sit ubiq;, specialiter tamen est in caelo empyreo 1. Ob loci dignitatem. 2, Quia in eo specialius splendet Divina Majestas, quam in alijs mundi partibus. 3, Quia ibi specialiter operatur, Beatisq; seipsum manifestat & fruendum exhibet.

4. Sanctissima Trinitas, sunt tres personae, Pater & Filius & Spiritus S. in unitate essentiae Divinae. Quod mysterium nonnullis similitudinibus explicari solet. S. Dionysius L. de Divinis Nominibus c. 5. comparat tribus luminosis unitis, quorum est idem lumen Alij comparant tribus plicis ejusdem vestis. Alij aliter. Quae similitudines deficiunt. Alias tantum mysterium, non esset tantum mysterium.

DISTINCTIO II.

*De numero Articulorum Symboli
Apostolorum.*

1, **A**postoli antequam in mundum dispergerentur Symbolū composue-

4 De SYMBOLO APOSTOL.

runt, ponentes singuli singulos articulos. Qui autem hunc vel illum in particulari, non conveniunt Theologi. Propterea circa hoc non molestandi Ordinandi. P^{re}cedendum B. V. MARIAM, in medio Apostolorum tanquam Magistram fuisse, dum Symbolum componebatur. S. Paulus Apostolus nullum Symboli articulum composuit, quia non fuit adhuc electus.

2. Secundum Catechismum ex Decreto Tridentini jussu Pij V. editum, duodecim hoc modo numerantur articuli, Symboli Apostolorum.

1. Credo in DEUM Patrem Omnipotentem, creatorem cali & terræ.

2. Et in IESUM Christum, Filium ejus unicum Dominum nostrum.

3. Qui conceptus est de SPIRITU S^{an}cto, natus ex MARIA Virgine.

4. Passus sub Pontio Pilato, crucifixus, mortuus & sepultus.

5. Descendit ad inferos, tertiâ die resurrexit à mortuis.

6. Ascendit ad cælos, sedet ad dexteram
tam

De SYMBOLO APOSTOL.

ram Dei Patris Omnipotentis.

7. Inde venturus est iudicare vivos & mortuos.

8. Credo in Spiritum sanctum.

9. Sanctam Ecclesiam Catholicam, Sanctorum communionem.

10. Remissionem peccatorum.

11. Carnis resurrectionem,

12. Vitam æternam, Amen;

3. Ex his primus articulus pertinet ad Deum Patrem. Sex sequentes ad Deum Filium. Alij ad Deum Spiritum sanctum. Et sic Symbolum fidei in tres partes dividitur. Prima, circa Personam Patris, & creationem Patri appropriatam. Secunda circa Personam Filij, & redemptionem. Tertia circa Personam Spiritus S. & Sanctificationem huic appropriatam.

4. Secundùm S. Thomam 22, q. 1. a. 8. quatuordecim numerantur articuli. Septem ad Divinitatem, Septem ad humanitatem. Circa Divinitatem, 1. de unitate Essentia. 2. de Persona Patris, 3. de Persona Filij, 4. de Persona Spi-

6 De SYMBOLO APOSTOL.

ricus S. 5. de creatione, 6. de Sanctificatione, dum dicitur, *Sanctam Ecclesiam Catholicam. Sanctorum communionem. Remissionem peccatorum.* 7. de remuneratione.

5. Circa humanitatem Christi D: 1. de Incarnatione, seu de Conceptione Christi 2. de Nativitate ejus ex Virgine, 3. de Passione ejus, Morte & Sepultura, 4. de Descensu ad inferos. 5. de Resurrectione. 6. de Ascensione. 7. de Adventu ad judicium.

6. Nec putes Authores Catechismi Romani contraire S. Thome, cum fuerint Ordinis nostri & Discipuli S. Doctoris. Fuerunt F. Franciscus Forerius Lusitanus. F. Leonardus Marinus Archiepiscopus Lancianensis. F. Ægydius Fulcarius Episcopus Mutinensis. F. Thomas Manriq; S. Palatii Magister, & F. Eustachius Lucatellus, Ordinis N. Procurator Generalis. Sed hi duo ultimi tantum reviderunt. Præfari ergo, dum Symbolum fidei in duodecim articulos divisum, numerum Apostolorum compo-

DE SYMBOLO APOSTOL. 7

neritum attenderunt. S. verò Thomas res contentas attendit. Qui etiam Upsilonulo 5. ait. *Nec refert ad veritatem fidei, vel errorum vitiationem, qualiter distinguantur.*

DISTINCTIO III.

Circa primum Articulum

De Omnipotentia Dei Patris & opere creationis.

Iccèt omnes Personæ sint omnipotentes: quia tamen Pater est principium omnis productionis; & ipse à nullo producitur, ideo ei omnipotentia appropriatur, seu specialiter, nostro modo loquendi, attribuitur.

1. Opera sex dierum hoc ordine procedunt. Primo die creavit Deus cælum & terram. 2. fecit firmamentum, divisiq; aquas quæ erant sub firmamento, ab his quæ erant supra firmamentum. 3. Congregavit aquas quæ sub cælo erant in locum vnum, & apparuit arida, produxitq; terra herbam virentem, & lignum faciens fructum. 4. fecit Solem, Lunam,

8 PRIMVS ARTICVLVS.

Lunam & Stellæ. 5. reptilia & volatilia.

6. Bestias & reptilia terræ. Difficultates circa hæc videantur apud S. Thom. 1. p. præcipue à q. 68

3. Circa creationem hominis hæc occurrunt, 1. Licet homo inter creaturas corporeas primatum teneat, postremo tamen creatus. 2. Homo ad imaginem & similitudinem Dei creatus, quæ est secundum animam, inquantum hæc habet incorruptibilitatem. S. Thomæ Opusc. 6. 1. Locus ubi Adam creatus ignoratur, certum tamen extra paradysum fuisse conditum.

4. Probabile, in agro Damasceno. 4. Creatus à Deo perfectus secundum magnitudinem corporis & ætatem, scientia, aliis donis, etiam dominio in creaturas irrationales. ornatus, 5. Ex hujus costa Evam effinxit, quod præstitit, ut ostenderet mulierem sociam & collateralem esse viri, non servam, neq. dominam sed viro capiti suo subditam. 6. Fuiſſet immortalis (cùm per peccatum

SYMBOLI APOSTOL: 9

catum intraverit mors in mundum ad Rom. 5) transferendus, tempore à Deo destinato, in cælum, S. Th: 1. p. q. 102. art. 4.

5. Immortalitatem causabat, quædam virtus supernaturalis inexisteret animæ, per quam anima poterat corpus ab omni corruptione præservare, quamdiu ipsa Deo subiecta mansisset, S. Th: 1. c. q. 97. a. 1. Lignum enim vitæ semel sumptum præservabat quidem à corruptione, sed tantum ad determinatum tempus. S. Th 1. c. 2. 4.

6. Res invisibiles, idest Angeli (de quibus loquor ordine Symboli Nicæni) non sunt creati ante mundum corporeum, sed simul. Concilium Lateranense C. Firmiter, ubi dicitur. Deum simul ab initio temporis, utramq; de nihilo condidisse creaturam, spirituales & corpoream, Angelicam & mundanam. Et quidem primâ die creati sunt Angeli, si locum petas, in cælo empyreo. S. Th: 1. p. q. 61. a. 4.

7. Tres sunt Angelorum hierarchiæ.

As.

Pri.

10 SECUNDVS ARTIC:

Prima continet Seraphinos, Cherubinos, Thronos, Secunda. Dominationes Virtutes, Potestates. Tertia. Principatus, Archangelos, Angelos. Et sic sunt novem chori Angelorum. Quorum officia describo in 2. sententiarum Thomisticarum distinctione 7. Vbi alia de Angelis videantur calamo brevi & facili descripta.

DISTINCTIO IV.

Circa secundum Articulum.

1. **H**ic articulus proponit Iesum Christum esse filium Dei, verum, unigenitum, ejusdem naturæ cum Patre. Et sic esse verum Deum, æqualem Patri, coeternum, personaliter distinctum, Dominum omnium. Licet autem & nos dicamur Filij Dei secundum illud ps: ego dixi Deus es tu. & filij exaltati omnes, hoc tantum secundum participationem & adoptionem, non secundum naturam.

2. Hæc circa Nomen I E S V S sunt scienda, 1, IESVS est Nomen significans De-

SIMBOLI APOSTOL: II

Deum & hominem. 2. Significans Salvatorem, 3. Voluntate Dei impetrum, *Et vocabis Nomen ejus IESVM*, Mat. 1. 4. cum cætera nomina Christi D. salutem quam nobis dedit, attingant, hoc ipsum universæ salutis humanæ vim completur. Catholicismus Romanus. & propterea dicitur nomen super omne nomen. 5. ad pronuntiationem hujus Nominis inclinamur.

3. Additur Christus, id est, unctus, quia verè oleo Spirituali unctus ad triplicem dignitatem, Sacerdotis: Regis & Prophetæ.

4. Erat Sacerdos. Officium Sacerdotis est esse Mediatorem inter Deum & populum, inquantum preces populi Deo offert, & pro eorum peccatis Deo satisfacit, hoc autem maxime convenit Christo D. 8: Th. 3 p. q 22. a: 1.

5 Erat Rex. *Regnabit in Domo Jacob in æternum & regni ejus non erit finis* Luc. 1: Hic regnum spirituale atq; æternum, in Ecclesia militante, eam fundando, Sacramenta instituendo &c. inchoatur,

12 SECUNDVS ARTIC.

tur, & in triumphante perficitur.

6. Negari non debet Christum D ut hominem habuisse dominium super omnia regna mundi in temporalibus, licet id in paucis actionibus exercuerit, non quidem supremum, quod illi ut Deo tantum competebat, nec infimum fundatum in voluntate humana. Iure enim humano introducta est divisio rerum, & jurisdictio ad servandam inter homines pacem. Tali dominio carere, perfectionis erat, sicut tali carere ad religionem pertinet perfectionem. Habuit tamen dominium medium fundatum in unione hypostatica, hoc enim conducebat ad exaltationem sui Nominis, ut in Nomine Iesu omne genu flectatur, ita P. M. Iulius Bianchi Venetus, Professor Romanus super Minervam, tractando in 3. p. D, Thomæ.

7. Erat verè Propheta, & in eo fuit verè prophetia. S. Th: 3. p. q. 7. a. 8. *Propheta magnus surrexit in nobis*, Lucæ 7. Quæ enim procul, ab aliorum viatorum, notitia erant, annuntiabat. Scias ex

N. P. M.

SYMBOLI APOSTOL: 13

N. P. M. Labit in 3. p. d. sp. 5. dubi 3.
¶ 3. prophetiam ex se non importare
claram vel obscuram cognitionem, sed
solum notitiam eorum quæ procul sunt
ab aliorum viatorum cognitione, siue il-
la sit clara, siue obscura.

DISTINCTIO V.

Circa tertium Articulum

In hoc Articulo & Conceptio
Christi D. seu Incarnatio,
& Nativitas declaratur.

I, **Q** Vando ergo B. V. Maria credidit
Angelo & consensit, dicendo,
*Ecce ancilla Domini fiat mihi secundum ver-
bum tuum*, tunc Spiritus S, supervenit in
eam, hoc est, fecundavit eam, & forma-
vit in instanti de purissimo sanguine B.
Virginis, corpus, & in eodem instanti
in quo formatum est corpus, creata est
anima de nihilo, & hæc eodem instanti
conjuncta est corpori organizato. & illa
duo scilicet corpus & anima simul fuerunt
Divinitati unita in Filij Dei persona, &
sic

14 TERTIUS ARTICVL:

sic eo instanti facta Incarnatio quo B. V. M. consensit, dicendo, *fiat mihi secundum verbum tuum.* Hæc ex B. Alberto Magno L. 4. c. 4. Compendij Theologicæ veritatis.

2. Licet opera ad extra sint communia toti Trinitati, Conceptio tamen Christi D. appropriatur, seu nostro modo loquend, specialiter tribuitur Spiritui S. quia hoc opus bonitatis, opera autem bonitatis specialiter attribuuntur Spiritui S.

3. Nec tamen Spiritus S. potest dici Pater Christi D. nam licet Christus D. secundum quod homo sit de Spiritu S. conceptus sicut de principio activo, non tamen secundum similitudinem speciei, sicut homo nascitur de Patre suo.

4. Nativitas Christi D. est triplex. Divina, humana & gratuita. Prima ex Patre ab æterno Secunda ex Matre in tempore. Tertia in mente per gratiam. B. Albertus M. loco cit. c. 10. & hanc triplicem Nativitatem representat Ecclesia per tres missas die Nativitatis D.

Missæ

SYMBOLI APOSTOL: 15

Missæ noctu celebrata repræsentat Nativitatem Divinam. In aurora, secundum carnem ex B. V. Maria. Cantata in die, gratulam. B. Albertus M. loco cit, quem vide.

5. Secundum temporalem Christi D: Nativitatem B. V. Maria est vera Mater. Nam corpus Christi D. est de B. V. sumptum, & ex purissimo sanguine Beatissimæ formatum. Seu quod in id. m. red. & Conceptus est de Maria Virgine materiam mi. n. ante in similitudinem speciei, quod sufficit ad rationem veræ Matris, S. Th: 3. p. q. 32. ar. 3 & q. 35. a. 3

6. Per medium annorum quo Christus D. venit intelligitur plenitudo temporum, id est tempus gratiæ. Dicitur medium, quia mediat inter annum iræ, qui fuit Veteris Testamenti, & annum gloriæ. Dionysius Carthusianus super Ganticnm. Abacuc. *Audiui auditionem tuam & timui.*

DISTIN-

DISTINCTIO VI.

Circa quartum Articulum,

Hic Articulus Passionem Christi
D. in Cruce suspensionem,
Mortem & Sepulturam
creden dam proponit.

SECUNDUM S. Vincentium Ferrerium
Relatum à P. M. Seraphino à Por-
recta in 3 p. D. Thomæ q. 47. art. 14
Christus D. his instrumentis flagellatus,
sc. Virgis spinæis, flagellis habentibus
nonos, aculeis acutissimis transfixos. &
cathenis habentibus in summitatibus
vincos. Primi enim milites flagellantes
habuerunt virgas de spinis, & vepi-
bus acutissimis confectas, quibus flagel-
lando cutem Christi aperuerunt. Secun-
di primis fatigatis succedentes habuerunt
flagella, in quorum summitate erant co-
di aculeis acutissimis transfixi, & his
flagellando Sanctissimam carnem scin-
debant. Tertij secundis succedentes ha-
buerunt cathenas, in quarum summa-
tibus vinci, quibus flagellando Sanctissi-
mam carnem extraxerunt.

ARTIC: IV. SYMB: APOST. 17

2. Quidam ex revelatione numerant supra quinque millia ictuum. Alanus de Rupe c. 17. dicit, Divo Bernardo à Christo D. revelatum. *Qui amat mecum portare Crucem, is in dies, mihi passo, recipet quindecim, Pater N & Ave per annum solidum, & complebitur numerum vulnerum meorum.* Fors essent quinque millia vulnerum, quadringenta septuaginta quinque;

3. Secundum S. Anselmum in Dialogo de Passione Domini, corona Christi Domini non fuit de spinis, quæ vulgò dicuntur spinæ, sed de juncis marinis, quæ acutiores habent aculeos, Idem docet S. Bonav. Ludolphus Carthusianus apud P. M. Rufzel l. 1. p. 1. c. 8. ubi alias sententias refert.

4. Secundum S. Greg. Nazianzenum & S. Bonaventuram. Christus D. tribus clavis fuit Cruci affixus. S. Greg. Turonensis. Innocentius III. Consalvus Duranthus, Gohelmus Luntanus Episcopus & alij tenent, quòd quatuor. Pedes enim duobus affixi, ut est in revelationibus S. Birgæ l. 4. c. 70.

18 ARTIC: QVARTVS.

5. Non numerando titulum Crucis; de quatuor lignis fuit Crux Christi D. sc. de Cedro, Cupresso, Palma & Oliva, Titulus secundum Bedam de buxo Et sic numerando titulum de quinque lignis, V. P. Magistrum Ruszel l. 2 de S. Cruce parte 1. c. 1. 2. 3, & 4. Hæc ligna & positio eorum exprimuntur his versibus.

6. Pes Crucis est Cedrus. Corpus tenet alta Cupressus. Palma manus retinet. Titulus latatur Olivâ.

7. Antequam poneretur Columna pro sustentanda tabula tituli, Crux Domini erat ad instar T. Ita Innocentius III, in præfatione ad Patres Concilij Lateranensis Tau (ait) est ultima litera Hebraici Alphabeti exprimens formam Crucis, qualis erat antequam Domino Crucifixo Pilatus titulum superponeret. V. P. M. Ruszel loco cit. c. 7.

8. Secundum Ludolphum Carthusianum de vita Christi 2. p. c. 63. Pars superior Crucis signat janua cæli apertionem, inferior interni destructionem, à dextris gratiæ collationem, à sinistris peccatorum remissionem,

SYMBOLI APOST: 19

9. Christus D. non fuit totus nudus in Cruce Ita S. Anselmus de Passione D; & multi alij apud Ludolphum Garthufianum, p. 2. c. 58. & 63. Alij SS. Patres qui oppositum sentire videntur loquuntur de nuditate moraliter omnimoda; qualem censetur habere existens in balneis, licet aliqua pars tegatur, parum enim pro nihilo reputatur. Rationem dat Consalvus Duranthus l. 1. c. 17. quod Christus D. coram Sanctissima Matre, alijsq; mulieribus sanctitate conspicuis sic apparere noluerit. Flagellatus tamen nudus omnino fuit, ut pater ex revelatione S. Birgittæ l. 1. c. 10. ibi allegat: *tunc autem nihil omnino operimenti habebat sed sicut natus est stabat & patiebatur erubescentiam suæ nuditati.* Vide P. M. Rulzel l. 1. p. 1. c. 18.

DISTINCTIO VII.

Circa quintum articulum.

Hoc Articulo proponitur v. ctos
riolus Descensus ad inferos, &
gloriola Resurrectio à mortuis
2. Ani;

1. **A** Nima Christi D. tanto tempore fuit apud inferos, quanto corpus in Sepulchro. S. Th. 3. p. q. 52. a. 4. Hora autem Resurrectionis eduxit Christus Dominus de limbo Patrum animas, & die Ascensionis in cælum perduxit. De loco damnatorum & cum solo originali decedentium (nam & hi sunt essentialiter damnati) nullum eduxit. S. Th. 1. c. 46. & 47. De purgatorio illos tantum quierant sufficienter purgati, vel etiam, qui dum adhuc viverent, meruerunt per fidem & devotionem ad mortem Christi D. Ut eo descendente, liberentur à temporali purgatorii pœna S. Th. 1. c. 48.

2. Ex his patet præter cælum quatuor esse receptacula animarum. Primum, ubi damnati, pœna damni, id est carentiâ visionis beatificæ, & pœna sensus torquentur. Secundum, locus Purgatorii, immediatè existens supra damnatorum infernum. Tertium, limbus puerorum cum solo originali decedentium. Quartum, limbus Patrum, à quo Christus

stus

SYMBOLI APOST:


82

Itus D. animas antiqui testamenti h. e. originali & mortali decedentium adduxit. Ita hæc receptacula ordinat Samuel de Lublino v. Purgatorium & sentit ignem inferni, qui in profundo cruciat damnatos, ascendere ad purgatorium, qui tamen ad decedentes cum solo originali non ascendit, cum hi pœnam damni tantum patiantur, multò minùs ascendebat ad Patres in lybo. Hæc circa descensum ad inferos.

3. Circa Resurrectionem hoc inter alia sciendum, ideo Christum D. retinuisse Sacras cicatrices. 1. ad maiorem sui gloriam. 2. ad confirmandum corda Discipulorum circa fidem suæ Resurrectionis. 3. ut Patri pro nobis supplicans, quale genus mortis pro homine pertulerit, semper ostendat. 4. ut suâ morte redemptis, quàm misericorditer sint adjuvi, propositis ejusdem mortis indicij, intinuet. 5. ut in judicio, quàm justè damnentur ibidem denuntiet,

ita S. Th. 3. p. q. 54. a. 4.

DISTIN.



DISTINCTIO VIII.

Circa sextum Articulum.

De Triumpho Ascensionis in cæ-
lum & Throno sessionis à
dextris æterni Patris.

1. **Q**ui resurrexerunt Matt: 17. non a-
scenderunt in corporibus cum
Christo. S. Th. 3. p. q. 53. a. 1. ad 2.
ex S. Aug. Et sic solus Christus D. per-
fecta Resurrectione, id est, non mortu-
us, ante vniversalem resurrectionem
resurrexit. Ex priuilegio B. V. M. & piè
creditur de S. Ioanne Euangelista, ait S.
Thom. opusc. sexto explicando præsen-
tem articulum.

2. Si loquamur de Christo D. ut Deo,
sedet ad dexteram Patris, idem est ac, est
in æqualitate Patris, Si loquamur ut de
homine, *sedet ad dexteram Patris*, id est,
est in bonis paternis potioribus præ cæ-
teris creaturis, id est, in maiori beatitu-
dine, & habens iudiciariam potestatem.
S. Th. 3. p. q. 58, a. 3. & 4. Et sic per
dexte-

ARTIC. VI. SYMB: APOST. 23
dexteram Patris intelligitur, gloria Pa-
tris, beatitudo & potestas iudiciaria,

DISTINCTIO IX.

Circa septimum Articulum.

De extremo Iudicio.

Ilcet in morte subeamus iudicium
particulare, necessarium tamen
iudicium vniuersale, ut omnibus inno-
tescat iusta Supremi Iudicis de factis no-
stris sententia. Colligi potest ex Scriptu-
ris quod Christus D. ad iudicium uni-
uersale sit descensurus, circa locum
Montis Oliveti, sicut & inde ascendit.
Præmiat autem Mons Oliveti valli
Iosaphat. Scias ex B. Alberto Magno in
Compendio Veritatis Theologicæ l. 7.
Christus D. sedebit in loco eminenti
cum Sanctis, mali verò subtus in terra
quam dilexerunt.

2. Sol & Luna non obscurabuntur
tempore Adventus Christi D. quia to-
tus mundus innovabitur Christo D. ve-
niente & Sanctis resurgentibus. Ob-

scura;

24 ARTIC: SEPTIMVS

scurabuntur ergo tempore propinquo ante iudicium, vel simul, vel diversis temporibus, S. Th. in supp. 3. p. q. 73. art. 2.

3. Omnes ante diem iudicii mori-
entur. Quia omnes homines Dei sen-
tentiâ morti adjudicati sunt propter pec-
catum. S. Th. in supp. 3. p. q. 78. a. 1.
Quando autem in Symbolo dicitur, *ven-
turus est iudicare vivos & mortuos*, per vivos
non intelliguntur qui nunquam mortui,
sed qui tempore propinquo & signorum
vi mortui, S. Th. loco cit. ad 1.

4. De igne ultimæ conflagrationis
hæc è multis scienda. 1. Ignis occupa-
bit tantum de spatio, quantum occupa-
verunt aquæ diluvij, & sic quindecim
cubicis erit altior montibus, S. Th. in
supplemento 3. partis q. 74. a. 6. Qua-
re non perveniet ad sphaeram ignis, nec
purgabit elementum ignis, S. Th. loco
cit. 2. Post iudicium involvet malos,
S. Th. l. c. a. 7. Quicquid de illo igne
calidum, ustivum & impurum reperie-
tur, descendet ad inferos ad augendam
penam

SYMBOLI APOSTOL. 25

pœnam malorum, quicquid verò subtile & lucidum, remanebit superius ad augendam gloriam Beatorum. S. Th. 2.9, immò quicquid ignobile in mundo ad locum pœnarum confluet. B. Albertus M. in Compendio Veritatis Theologicæ L. 7. c. 20. Ex dictis intelliges durante iudicio mundus stabit in igne conflagrationis, ut etiam docet Dionysius Carth. Dominica 1. Adventus in enarratione Evangelij.

5. De Cruce quæ tempore iudicii apparebit sequentia habet Carth. loco cit. serm. quintus. *Tunc apparebit Crux Christi, atq; ut aliqui volunt reintegrabitur. vel aliquid lucidum in Cruce specie apparebit.*

6. Docet Philippus à S. Trinitate tract. 22 in 1. 2. disp. 9. dub. 5. ad 2. Sententiæ finales sc. *Venite benedicti &c. ite maledicti &c.* tantum diriguntur ad adultos. Nam in ultimo iudicio tantum fiet mentio operum bonorum ad laudem, & malorum ad confusionem.

7. Et sic sententia à Christo D. contra reprobos fulminanda, contra mor-

B

tuos

26 ARTIC: SEPTIMVS

tuos in solo originali, licet in iudicio apparebunt, non dirigitur, quamvis hi sint essentialiter damnati, utpote carentes visione Dei. In carentia enim claræ visionis Dei consistit essentialiter damnatio, sicut in clara visione Dei, consistit essentialiter beatitudo.

8. Pœnam damni & sensûs patientur damnati. Per pœnam damni intelligitur amissio seu carentia beatitudinis æternæ. per pœnam sensûs intelligitur, quæ inferendo aliquid nocivum sive corpori, sive animæ, torquet & affligit. Dicitur autem pœna sensûs quamvis anima torqueatur, quia nocumenta nociva potissimum sensibus percipiuntur. Ex his pœna damni, utpote amissio summi boni, est major, quam solam experiuntur morientes, cum solo originali decedentes. pœna enim sensûs solum per peccatum personale contrahitur secundum S. Bernardum dicentem, in inferno solam propriam ardere voluntatem,

9. Pro coronide circa præsentem articulum quaeritur quomodo innovabitur munus:

SYMBOLI APOSTOL. 27

mundus? R. dicit Carthusianus Domini-
nica 1. Adventûs serm. 4. *Complanabitur
terra, erit pulchra ut aurum. aqua sicut chri-
stallus. aer ut calum. ignis ut sidera. lux Luna
erit septemplex, seu tanta ut modò Solis. lux
Solis septies tanta ut nunc. Siderum quæq; lux
proportionaliter tunc creditur augenda. Sol
perpetuò stabit in oriente. Luna iugiter plena
erit in occidente, & motus cessabit calorum,
eruntq; omnia in termino* Ita ille, quem
Cardin: Bellarminus doctissimum &
sanctissimum vocat. S. tamen Thomas
in supplem. 1. p. q. 91. a. 4. docet, ter-
ram fore in superficie perviam ut vitrum.
Sic ergo terra & cælum, quoad acciden-
tia, transibunt.

DISTINCTIO X.

Circa octavum Articulum.

Credo in Spiritum sanctum.

1. **N**omen spiritus S. duobus modis
sumitur. 1. complexè seu ut com-
positum ex duabus dictionibus. 2. ex
vfu Ecclesiæ, incomplexè seu per mo-
dum

28 *ARTIC: VII: SYMB: APOST.*

dum vnius dictionis. Primo modo est commune tribus Personis, quia qualibet & Spiritus & sancta. Secundo modo, soli tertiæ personæ convenit, Quo nomine congruè ab Ecclesia nominatur, quia Spiritus à spirando est quidam impulsus, Spiritus autem S. procedat ut impulsus, cum procedat ut amor, qui est impulsus seu inclinatio in rem, secundum illud. *amor meus pondus meum, eo feror, quocunq; feror.*

2. Hæc inter alia de Spiritu S. credenda. Esse consubstantialem seu ejusdem naturæ cum Patre & Filio. Procedere à Patre & Filio.

3. Spiritus S. in specie columbæ super Christum D. baptizatum apparuit, ad designandam dispositionem requisitam in baptizando, sc. nè fustus accedat. S. Th. 3. p. q. 39. a. 6. ad 4. In igneis verò lingvis super Apostolos, ad designandum fervorem, quo corda Apostolorum erant commovenda, ad prædicandum Christum D. ubiq; inter pressuras, S. Th. loco citato.

DISTIN

DISTINCTIO XI.

Circa nonum Articulum.

Sanctam Ecclesiam Catholicam,
SS. communionem.

1. **E**cclēsia dividitur in militantem,
Epurgantem & triumphantem. Mi-
litans timet & exp. ctat. Epurgans, tan-
tū expectat. Triumphans ab utroque
libera.

2. Ecclesia militans est societas visibi-
liū fideliū baptizatorum sub vno capite Chri-
sto in calce, & Petro o. ejus in terrā, inter se
eodem cultu communicantium. Hæc voca-
tur regnum Dei, sponsa Christi, cuius
mysticum Christi.

3. Quatuor sunt notæ & conditio-
nes veræ Ecclesiæ à Concilio Nicæno
expressæ, ibi. *Credo, vnam, Sanctam, Ca-
tholicam & Apostolicam Ecclesiam.* Addunt
aliqui quintam scē Romanam. Sed hæc
non tam est nota, quam subiectum præ-
dictarum notarum. Hæc explico inten-
tentis Thomisticis in 3. d. 57.

4. Etiam peccatores quāvis sint ex

reprobis seu damnandis, modò sint fideles, pertinent actu ad Ecclesiam, secus hæretici. De fideleibus excommunicatis dubium, sed probabile puto pertinere ad Ecclesiam ut doceo in præfato opusculo l. 4. d. 13.

5. Aliqui per communionem Sanctorum intelligunt congregationem fidelium. In primitiva enim Ecclesia fideles etiam peccatores dicebantur Sancti ob sanctitatem Ecclesiæ cuius erant membra. Et sic hæc pars articuli solùm ponitur claritatis gratiâ.

6. Sanctus Thomas Opusculo 6. circa præsentem articulum per communionem Sanctorum, intelligit participationem tum bonorum Christi D. utpotè Capitis, qualia sunt Sacramenta & merita ejusdem. tum bonorum Fidelium, adinvicem. Nam bonum Christi communicatur omnibus Christianis, sicut virtus capitis omnibus membris. Et sic communicantur nobis Sacramenta & merita Christi. Item quicquid boni faciunt omnes justi communicatur in charita-

SYMBOLI APOST: 31

ritate existentibus, secundum illud, Psal.
118. *Particeps ego sum omnium timentium*
te. Et inde, qui in charitate vivit parti-
ceps est omnis boni quod fit in toto
mundo. Sed tamen specialius illi pro
quibus specialius fit aliquod bonum.

7: Et sic per *ly Sanctorum* intelligi pos-
sunt res sacræ, ut sunt merita Christi
D. Sacramenta, dona gratiæ, doctrinæ
Christi D. Intelligi etiam possunt ho-
mines iusti, qui ad invicem de bonis o-
peribus participant, quemadmodum in
corpore naturali operatio unius mem-
bri cedit in bonum totius corporis.

8, Fit autem hoc modo hæc partici-
patio bonorum operum, quod benefa-
cta iustorum subveniant alijs in necessi-
tatibus, defendant in periculis, confir-
ment in bonis. Sumitur ex Synodo Co-
lonensi in præfati.

9. Hæc communio bonorum exten-
ditur ad purgatorium, cum animæ ibi-
dem existentes uniantur nobis per cha-
ritatem,

10. Participant etiam mali de bene-

factis iustorum, non quidem vt iusti per quandam derivationem cum sint in umbra mortua, sed per impetrationem, qua sæpè auxilia divina resurgendi à peccatis conceduntur, auxilia inquam efficaciacia. Participant item de benefactis iustorum, inquantum intuitu horum sæpè evadent afflictiones & vindictam Dei.

II. Ex dictis patet, in hac communionem Sanctorum fundari indulgentias vivorum & suffragia mortuorum.

DISTINCTIO XII.

Circa decimum Articulum.

Remissionem peccatorum.

NON datur tam immane scelus, vel tantus peccatorum cumulus qui non possit per poenitentiam deleri. Nam dicitur iohis 2. *Deus prestabit super malitia.* id est miser cordia & bonitas divina vincit quolibet malitiam peccatoris. Peccant contra hunc articulum, de misericordia Dei desperantes.

SYMBOLI APOSTOLI: 33

2. Quando Mater 12 dicitur, peccatum in Spiritum sanctum neque in hoc saeculo neque in futuro remitti non est sensus, quod nullatenus remittatur, sed difficulter, quia fontem gratiae & pietatis sc. Spiritum sanctum fastidit ac repellit. Sicut morbus lethalis & insaniabilis dicitur, qui difficulter curatur, & quo aegrotus medicinam odit & Medicum abominatur.

3. Vnum peccatum mortale nequit remitti sine alio. Quia dum peccatum mortale remittitur gratia sanctificans infunditur, quae nullum peccatum mortale compatitur.

4. Seclusa revelatione scire certo non possumus peccatum nobis esse remissum. Conjecturali tamen notitia per aliqua signa id fieri potest. Haec autem signa, quod aliquis percipiat se delectari in Deo, & contemnat res mundanas, & non sit conscius alicuius peccati mortalis. S. Th. 1. 2. q. 112. a. 5. Signa quibus conjecturaliter cognoscitur praedestinatio, recito in 1. Sent. Thomisticae, dist. 26.

DISFIN.

DISTINCTIO XIII.

*Circa undecimum Articulum,
Carnis Resurrectionem.*

1. **R**esurrectionis nostræ habemus sym-
bolum in rebus naturalibus. Nam
granum seminatum corrumpitur, putre-
scit & moritur, postmodum repulular,
reviviscit & resurgit.

2. Hæc circa corpora resurgentium,
ex S. Th. Opusc. sexto circa præsentem
articulum sunt scienda. 1. Idem cor-
pus quod nunc est, & quantum ad car-
nem & quantum ad ossa resurget. 2.
Corpora resurgentia erunt alterius qua-
litatis, quàm nunc sint, quia non so-
lùm beatorum sed & damnatorum erunt
incorruptibilia, quia boni semper erunt
in gloria & mali semper erunt in pœ-
na. 3. Omnes, boni & mali cum omni
integritate ad perfectionem corporis
pertinente resurgent. non enim erit ibi
cæcus vel claudus, nec aliquis def. ctus.
4. Omnes resurgent in ætate perfecta,
qualis fuit Christi D. ultimas duas par-

ARTIC. XI. SYMB: APOST. 35

res docet B. Albert: M. loco mox citado.
De primis enim duabus non est difficul-
tas.

5. Hæc circa qualitatem corporum.
Bonorum scienda ex S. Th. loco cit:
Sancti habebunt corpora glorificata, in
quibus erit quadruplex conditio (aliàs,
dos) prima est claritas. secunda impas-
sibilitas. tertia agilitas, quarta subtili-
tas. Adverte ex Philippo à SS. Trin.
diap 6, in 1. 2. dub. 3 per hanc dotem
non habet corpus gloriosum esse in eo-
dem loco cum alio corpore, sed habet
quòd facile possit partes dividere & per
eas se intronittere. Allegat S. Thomam
V. citatum l. c.

6. Circa qualitatem verò corporum
malorum, hæc sunt scienda, ex S. Th.
l. c. 1. Corpora eorum erunt obscura.
2. passibilia, licet nunquam corrumpantur.
3. gravia. 4. adiusta putridorum.

7. Per tubam ad cuius tonitum re-
surgemus intelligit S. Greg. relatus à B.
Alberto M. in Compendio verit: Theo-
logica L. 7, c. 16. manifestam Christi
appa-

36 ARTIC: VNDECIMVS.

apparitionem, vi scilicet ut habet vin-
culum in perij. S^r Thom: in Supp. 3.
p. q. 26. a. 2. intelligit vocem imperan-
tem Christo. Secundum alios intel-
ligitur ministerium Angelorum in colligen-
dis cineribus.

S^r Satis probabiliter à quibusdam
dicitur, quod resurrectio erit crepuscu-
lo. Sole existente in Oriente & Luna in
Occidente, quia in tali dispositione, Sol
& Luna creduntur esse creata, ut sic e-
orum circulario compleatur penitus
per reditum ad idem punctum. Vnde de
Christo dicitur, quod tali horâ resurre-
xit, ita in terminis S. Th. loco c. q.
77. art. 3.

DISTINCTIO XIV.

Circa duodecimum Articulum.

Vitam æternam.

1. **A**D vitam æternam omnes homines
creati, Deus enim vult omnes sal-
vos fieri. Non tamen omnes perveniunt
ad vitam æternam, immo pauciores.
mul.

SYMBOLI APOSTOL. 37

multi enim sunt vocati, pauci electi. immo ex Christianis pauciores salvabuntur, tanquam probabilius docet Philippus à SS. Trin. disp. 17. in 1. p. dub. 4. sequens Caiet: & refert S. Greg. M. S. August: S. Hier. & Chrysostomum. Hæc perditio erit ex nobis. Cur ergo Deus hos creavit quos futuros malos præscivit? respondet Magister Sent: in 2. d. 13. quia prævidit quid boni de eorum malis esset futurus.

2. Vita æterna seu beatitudo nostra consistit in clara visione Dei. Dicit enim S. P. Aug: in Soliloquijs (36) *Hoc est plena beatitudo, & tota glorificatio hominis videre faciem Dei sui.* Vident autem Beati non solum essentiam Dei, sed & alia quæ sunt formaliter & eminenter in Deo. Formaliter sunt attributa & relationes, eminenter creaturæ.

3. Proprietates vitæ æternæ seu beatitudinis hæc sunt. 1. Felix amand necessitas. 2. Summum gaudium seu delectatio. Primum gaudent Beati de bono divino in se considerato. Secundo de bono

38 ARTICVL: DVODECIMVS

bono proprio, & felicitate qua potiuntur, vt tamen relata ad Deum tanquam ad vltimum finem, 3. Felix impotentia peccandi. 4. Perpetuitas.

4. Dotes animæ beatæ, sunt, visio, comprehensio, seu tentio & delectatio. Intelligent autem Theologi per has dotes, ornamenta quædam seu dispositiones animæ, elevantes eam ad statum dissimilem virtutis, & conjunctionem spirituales cum Deo. Harum explicationem vltiorem vide in 4. Sent. Thomisticarum dist. 59.

5. Tres etiam sunt aureolæ Beatorum, sc. Martyrij Virginitatis & Doctoratus: Est autem aureola gaudium quod Beati habent ex victoria de mundo, carne, vel diabolo, sicut aurea vocatur, tum ipsa beatitudo, tum gaudium de beatitudine. Aureola Martyrij est gaudium ex victoria de mundo. Virginitatis, ex victoria de carne. Doctoratus, ex victoria de Diabolo, qui per doctrinam ab hominibus pellitur. Hæc debetur etiam Confessarijs & Scriptoribus, ea quæ ad
salu.


SYMBOLI APOSTOL. 39

salutem dirigunt, scribentibus. Ex his nobilior Martyrij, deinde Virginitatis, tandem Doctoratus.

6. Q. V. Aureola differat à fructu ?
scias, nunc de fructu sermo est, secundum quod ex semine consurgit, spirituale autem semen est verbum Dei. R. ergo, sic loquendo de fructu, fructus verbi Dei differt ab aurea, & ab aureola : quia aurea consistit in gaudio, quod habetur de Deo, aureola verò in gaudio de operum perfectione, sed fructus consistit in gaudio quod habetur de ipsa dispositione operantis secundum gradum spiritualitatis, in quem proficit homo ex semine Verbi Dei. S. Thom: in supp. 3. p. q. 96. a. 2. Id est, fructus consistit in gaudio quod habetur de utilitate, ex perceptione Verbi Dei, hominem quodammodo spiritualizantis. Hic fructus soli continentie correspondet : hæc enim præcipuè liberat hominem à subjectione carnis, & quodammodo hominem spiritualizat, ratione cuius fructus homini respondet. S. Th. loco cit. 2. 36.
Et


40 *ARTIC: XII. STMB: APOST.*

Et hæc de vita æterna, quæ de numero
Novissimorum (hæc autem sunt 4.
sc. Mors: Iudicium. Infernus.
Gloria cælestis) & de Symbolo
Apostolorum, in honorem
Capitis Apostolorum.



OPVSCVLVM
SECUNDUM,
De Virtutibus & ijsdem
annexis.

PROLOGVS.

 Irus est *bona qualitas menti, quâ*
rectè vivitur, quâ nullus malè vitur.
ex 3. Th: 1. 2. q. 55. a. 4. Divi-
ditur in intellectualem, moralem, &
Theologicam Intellectualis est illa quæ
perficit intellectum ad cognitionem ve-
ri, Moralis, quæ voluntatem complect
ad

De VIRTUTIBVS 41

ad prosecutionem boni honesti. Theologica, quæ circa Deum immediatè versatur. Intellectualis subdividitur in habitum primorum principiorum, sapientiam, scientiam, artem & prudentiam. De natura harum vide dicta in 3. Sent. Thomistarum distinct: 52. Moralis subdividitur in 4. Cardinales tanquam principales, sc. prudentiam, iustitiam, fortitudinem & temperantiam. Theologica in Fidem, Spem & Charitatem.

DISTINCTIO I.

De Fide.

1. **F**ides, aliàs prima virtus requisita in Christiano, est *habitus supernaturalis quo certò credimus veritates à Deo Ecclesiæ reuelatas*. Definitio apud S. Paulum, (*fides est sperandarum substantia rerum, argumentum non apparentium*) vtpote profundior, relinquitur Scholasticis. V. S. Th. 2 2, q 4. a. 1. Inter alias prærogativas, fides iua certitudine superat omnium scientiarum naturalium certitudi-

nem

nem, & sic circa res fidei nulla debet esse vacillatio.

2. Fides, alia est formata, alia informis. illa est in hominibus justis, hæc in peccatoribus. Alia explicita, alia implicita. Hæc est quæ creduntur veritates in alio, v: g. credo quicquid credit Ecclesia. Illa est quæ quis credit veritates fidei in seipsis distinctè, v.g. Trinitatem Personarum Divinarum. Incarnationem, &c.

3. Credere Deo, Deum & in Deum sic differunt. Credere Deo est firmiter tenere vera esse quæ revelat, Credere Deum est firmiter tenere Deum esse. Credere in Deum est credendo tendere in Deum tanquam in ultimum finem: & sic nequit dici credo in B.V. Mariam.

4. Ad eliciendum actum fidei hæc requiruntur. Ex parte intellectus præter habitum fidei, requiritur illustratio actualis. Ex parte voluntatis pia affectio, ex gratia Spiritus sancti in doctrinam Christi concepta. Et hoc est vocari ad fidem interiùs. Aliquando præter hæc
voca.

vocamur ad fidem per prædicationem
exteriùs.

5. Hæc ex multis sunt motiva quæ faciunt fidem nostram credibilem. 1. Quòd modo mirabili fides Christiana per mundum propagata. Mirabili inquam modo, quia celeriter per pauculos Piscatores, pauperes, contemptibiles, ante rudes, qui non solum homines rudes, sed & suo tempore doctissimos, & principes ad fidem Christi traxerunt. 2. Quòd multis magnisq; miraculis fides nostra à Christo ejusq; Discipulis confirmata. Id præter alia constat ex quatuor Evangelijs, vbi, cæci, muti, surdi &c. leguntur sanati. 3. Quòd inter Doctores Ecclesiæ tanta circa fidem concordia, ut etsi diversarum nationum fuerint, diversisq; sæculis floruerint, idem tamen docuere. Plura motiva videantur apud Theologos.

6. Sicut qui vno peccato mortali Deum offendit amittit totaliter charitatem, ita qui vni articulo discredid amittit totaliter fidem. S. Th. 22. q. 5. a. 3.

7. Præter sacram Scripturam aliquæ traditiones non scriptæ ad regulam fidei pertinent. Pater ex S. Paulo 2. ad Thess. 2. Itaq; fratres state, & tenete traditiones quas didicistis, sive per sermonem sive per Epistolam nostram.

DISTINCTIO II.

Qua tenetur Christianus scire & credere.

1. Christiani à Christo cujus fidem profitentur, dicuntur. Primò autem sic vocari cæperunt Antiochiæ, cum antea vocarentur Fideles, Discipuli, Fratres, Sancti, Galilæi & Nazaræi à Iesu de Nazaret Galilæo.

2. Tenetur quilibet Christianus necessitate mediæ credere explicitè hæc duo principia, Deum esse & esse remuneratorem.

3. Suppositâ sufficienti promulgatione Evangelij, tenemur eadem necessitate credere explicitè mysterium SS. Trinitatis, Incarnationis & Redemptionis, immò

Immo Philippus à SS. Trinitate disp. 4.
in 2. 2. dub. 5. citans S. Bonavi & Bona-
cina circa 1. Decalogi præceptum. q. 2.
punct 2. cum M. Bannez, idem docent
de Morte & Resurrectione Christi D.
Alios articulos tenemur credere ne-
cessitate præcepti. Quomodo distingua-
tur necessitas mediij & præcepti patebit
ex dicendis de Baptismo.

4. Tenemur necessitate præcepti de
B. v. M. credere, Verbi Divini Inearna-
tionem in ejus utero. Esse Virginem.
Matrem Dei.

5. Tenemur necessitate præcepti scire
tria Sacramenta. sc. Baptismum. Eu-
charistiam. Pœnitentiam Reliqua tunc
quando recipimus. Præcepta Decalogi.
Præcepta communia Ecclesiæ, maxime
confessionis & communionis annuæ. im-
mortalitatem animæ. Peccatum origi-
nale. Necessitatem gratiæ Deum esse
orandum, consequenter scienda oratio
Dominica. Deum esse timendum, cum
possit mittere in gehennam.

6. Quamvis Fidelibus svadendum.

vt Symbolum, Decalogum, Orationem
Dominicam & Salutationem Angelicam
explicitè sciant & memoriâ teneant, Ve
sicut & signaculum Crucis, non tamen est in
mortale illa nescire, dummodo illorum pro
substantia sciatur. Ita docet de primis Qu
quatuor Suarez, & de ultimo Sanchez, cia
relati in Summa Dianæ V. Fides. Et sic de
quoad orationem Dominicam sufficiet luri
scire ejus summam, sc. à Deo omnia ef. Di
se petenda. Quoad Symbolum Aposto. 2.
lorum, Sacramenta, Decalogum & Ec. da
lesix præcepta sufficiet quòd rogati de po
singulis sciant respondere.

7. Nec sufficit ad æternam salutem, qu
prædicta credere, sed sunt adhuc non-
nullæ obligationes. 1. Exigente occa-
sione mori pro fide. 2. Agere Deo gra-
tias pro ad fidem vocatone. 3. Imitari
fidem Christi, quæ habenda pro
speculo quotidiano;

DISTINCTIO III.

De S P E.

1: Spes

1. **S**pes est habitus supernaturalis, quo certum est speramus beatitudinem ex auxilio Dei. Vel secundum Magistrum Sententiarum in 3. d. 16. Est expectatio certa beatitudinis proveniens ex gratia Dei & merito nostro. Quod autem aliqui habentes spem deficiant à consecutione beatitudinis est ex defectu liberi arbitrij ponentis obstaculum sc. peccatum, non autem ex defectu Divinæ potentiz & misericordiz. S. Th. 2. 2. q. 18. a. 4. Ex quo intellige, fundamentum certitudinis spei esse omnipotentiam & misericordiam Dei.

2. Spes dicitur ex meritis provenire, quantum ad ipsam rem expectatam, prout aliquis sperat beatitudinem se adepturum ex gratia & meritis, non autem dicitur provenire ex meritis quantum ad certitatem: sic enim ex sola gratia infunditur.


3. Ex dictis patet spem consistere in hoc, quod homo innitens auxilio Divino confidat bene agendo ad æternam beatitudinem pertingere.

4. Licet sperare in creatura ut secundariò

dario juvante, & sic B. V. Maria dicitur nostra spes: Licet etiam considerare in proprijs meritis ut proficiantur ex gratia Dei.

5. Hos effectus causat in nobis spes beatitudinis æternæ. 1. Facit nos observare mandata Dei. Scias. Licet benè operari intuitu retributionis æternæ, secundum illud Psalmi 118. *Inclinavi eorum ad faciendas justificationes tuas in æternum propter retributionem* Hinc merito Alexander VIII. sequentem in ordine decimam damnavit propositionem. anno 1690. die 7. Decembris. *Intentio quæ quia detestatur malum & prosequitur bonum, merè ut celestem obtineat gloriam. non est recta nec Deo placens.* Merito inquam damnavit. 2. Spes beatitudinis æternæ consolatur nos in tentationibus & alijs afflictionibus. 3. Tollit anxietatem in morte.

DISTIN-



DISTINCTIO IV.

De CHARITATE.

Hæc virtus est maximè necessaria Christiano, cum ut patet ex Apost. 1. ad Corint. 13.

nihil sine charitate finis

1. **C**haritas est virtus (vel potius habitus) supernaturalis quo Deum diligimus ex toto corde, ex tota anima, & ex totis viribus & proximum sicut nos ipsos, Dixi: vel potius habitus, assignando aliud genus, in gratiam eorum, qui sciunt quid sit habitus. Idem erat advertendum in definitione fidei & spei. Ex dicta definitione habes duo esse charitatis præcepta; unum de Deo, alterum de proximo.

2. Quando dicitur ex toto corde &c, non putes amorem Dei debere esse summum intensivè, sed appreciativè, ita ut pluri Deum ames, quàm omnes creaturas simul sumptas.

3. Signum hujus amoris ordinarium, sumitur ex observantia mandatorum,

C

&

50 *De CHARITATE*

& exercitio virtutum. Extraordinarium. ex præparatione animi, effundendi, pro fide, sanguinem.

4. Charitatem esse formam aliarum virtutum, est per eam ordinari alias virtutes in ultimum finem. S. Th. 2. 2. q. 23. a. 8. Et sic licet fides & alie virtutes in peccatoribus sint secundum suam naturam & entitatem virtutes, non tamen habent statum perfectum virtutis, & sunt veluti mortuæ, utpotè informes. Hæc ratione charitas est excellentissima omnium virtutum.

5. Nomine proximi intelligitur, qui nobiscum communicat, vel communicare potest in beatitudine æterna. S. Th. 2. 2. q. 25. a. 10. Et sic Angeli, inimici, peccatores veniunt nomine proximi. Quò etiam reducitur corpus nostrum, cum sit aliquomodo particeps beatitudinis, inquantum ex beatitudine animæ redundat quædam beatitudo in corpus sc, sanitatis & incorruptionis vigor. S. Th. loco cit, a. 5.

6, Et sic patet quæ sit ratio, cur aliquis

DE CHARITATE 51

quis ut proximus à nobis diligatur. sc. communicatio in beatitudine æterna. Vtteriùs patet Dæmones & alios damnatos nomine proximi non venire. Possumus tamen naturam Dæmonum diiungere, non quidem volendo bonum vitæ æternæ, sed ut conserventur in suis naturalibus ad gloriam Dei. S. Th. 1. c. a. 11. Eodem modo discurre de creaturis irrationalibus. S. Th. 1. c. a. 1.

7. His declaratur charitas erga proximum. 1. Non solùm verbo, sed & re juvare. 2. Infirmiratem supportare. 3. Gaudere in prosperis. 4. Compati in adversis. 5. Et quidem præcipuè, à peccato reducere. Ex quibus hæc etiam inimicis ostendenda, quæ alijs communiter ostenduntur. Sola enim signa amicitiae specialia, possunt inimicis, excipe articulum mortis, denegari. S. Th. loco cit. a. 9. Quod intellige per se loquendo, Nam si omissio signorum amicitiae specialium esset scandalosa, aut per aliquid horum posses sine tuo incommodo, inimicum tibi & Deo reconciliare,

52 De CHARITATE.

id omittere esset grave peccatum, vel etiam, si inæqualis persona toleret alium salutando prævenire, v. g. subditus Prælatum, ut advertit P. Hermannus in Medulla Theologiæ Moralis l. 2. tr. 3. c. 2. dub. 1. ex P. Layman.

8. Quatuor sunt ex charitate diligenda scilicet, Deus. Proximus. Corpus nostrum. Nos ipsi. S. Th. l. c. 2. 12. Hic autem est ordo charitatis, ut post Deum plûs homo diligat animam suam, quàm aliorum: deinde plûs animas aliorum, quàm proprium corpus, proprium verò corpus magis quàm corpora aliorum. S. Th. l. c. q. 26. a. 2. 3. 4. 5. Q. An aliquando obigemur elicere actus Fidei, Spei & Charitatis? R. quòd sic, saltem semel in anno. Sermo autem est de obligatione sub p. mortali, cùm loquamur de re magni momenti, v. 1. Sent. Mor: d. 2: 3. 4

DISTINCTIO V.

De Virtutibus Cardinalibus,

1: **I**Nter virtutes morales, hoc est, ad com;

componendos mores ordinatas, quatuor sunt principales, sc. prudentia, iustitia, fortitudo & temperantia. Ideo vocantur cardinales, quia super eas volvitur tota conditionis humanæ ratio, etq; veluti cardinibus, vniuersa vitæ humanæ moles subnixa est.

2. Prudentia est *recta ratio agibilium*. seu est *virtus moralis*, quæ prescribit quid hæc & nunc liceat, expediat aut debeat fieri secundum rectam rationem.

3. Nomine agibilium, primariò intelligenda sunt moralia id est, ad bonos mores pertinentia, & ad finem moraliter bonum, id est, honestum conducantia. Secundariò intelligenda sunt, quæ pertinent ad commodum vitæ humanæ, & ad bene vivendi quomodocunq; rationem.

4. Iustitia est *perpetua & constans vultus* ius suū unicuiq; tribuens, seu est, *virtus moralis*, quæ ius suum unicuiq; tribuit. Per ius hic & nunc intellige id quod debetur alteri secundum æqualitatem, vel arithmeticeam ut in iustitia commutativa, vel geometricam

54 De VIRT: CARDIN:

tricam, vt in iustitia distributiva, quæ
potius dicenda proportio, quam æqua-
litas.

5. Partes integrales iustitiæ, hoc est,
necessariæ ad officium integrum iustitiæ,
sunt, facere bonum & declinare à ma-
lo. Aliàs dicuntur officia iustitiæ Chri-
stianæ.

6. Bonum & malum hic & nunc non
sumuntur in generali, sic enim pertinent
ad omnem virtutem: sed bonum sumi-
tur vt habet rationem debiti ad proxi-
mum, malum verò vt habet rationem
nocivi.

7. Partes subiectivæ seu species iusti-
tiæ sunt tres, Legalis, distributiva, com-
mutativa.

8. Iustitia legalis est quâ damus bono
communi quod suum est. v. g. Inimicus facit
incursum contra civitatem, cives ex iu-
stitia legali & propter bonum commune
obligantur ad sumenda arma.

9. Distributiva est quâ damus unicuique
suum debitum secundum merita, v. g. duo
vel tres concurrunt pro dignitate obti-
nenda,

De VIRT: CARDIN: 55

nenda, ex iustitia distributiva oritur obligatio conferendi digniori.

10. Commutativa est, quâ damus vni cuiq; secundum aequalitatem rei ad rem, ut patet in emptione & venditione.

11. Fortitudo est considerata periculorum susceptio & laborum perpassio, vel aptius ex D. Th. Fortitudo est virtus existens in irascibili, coercitiva timori & audacie moderativa instantibus periculis. Duplex est actus fortitudinis, sc. aggredi & sustinere.

12. Temperantia est, virtus, qua moderatur appetitum circa delectabilia secundum tactum & gustum, prout rectam rationem dicit, ob specialem honestatem, quæ est in tali moderatione. P. Gonet in Manuali Thomistarum de Virt: Cardinalibus c. 5. § 2. Et sic temperantia propriè sumpta tantum moderatur delectationes quæ sunt in cibo, potu & rebus venereris, idem ex S. Th.

DISTINCTIO VI.
De DONIS SPIRITVS SANCTI
Beatitudinibus Evangelicis. &
Fructibus Spiritus S.

Quoad I.

1. **D**onum Spiritus S. generaliter sumptum est id quod gratia à Spiritu S. ut à causa efficiente procedit, Et sic omnes gratiae & virtutes infusae possunt dici dona Spiritus sancti.

2. Donum Spiritus sancti specialiter sumptum est, specialis dispositio à Spiritu S. anima impressa, quae disponitur ut facile ab eo ad opera extraordinaria moveatur. Sed hujus explicatio ad Theologos Scholasticos vide dicta in 3. Sententiarum Thomisticarum Distinct. 7.

3. Septem sunt dona Spiritus sancti, ut patet ex Scriptura Isaiae xi. sc. Donum Sapientiae. Intellectus. Consilij. Fortitudinis. Scientiae. Pietatis. Timoris Domini. Horum explicationem V. loco citato,

Quo-

Quoad II,

4. Beatitudines Evangelicæ sunt quidam actus donorum spiritus S, quibus ex instinctu & motione speciali spiritus sancti ad vitam æternam seu beatitudinem consummatam accedimus. Et sic sunt quædam inchoationes beatitudinis futuræ,

5. Beatitudines Evangelicæ sunt octo
 1. Beati pauperes spiritu quoniam ipsorum est regnum cælorum. 2. Beati mites, quoniam ipsi possidebunt terram. 3. Beati qui lugent, quoniam ipsi confortabuntur. 4. Beati qui esuriunt & sitiunt iusticiam, quoniam ipsi saturabuntur. 5. Beati misericordes quoniam ipsi misericordiam consequentur. 6. Beati mundos corde, quoniam ipsi Deum videbunt. 7. Beati pacifici quoniam Filij Dei vocabuntur. 8. Beati qui persecutionem patiuntur propter iusticiam, quoniam ipsorum est regnum cælorum.

6. Scias, beatitudinem secundam & septimam non coincidere. Nam secunda loquitur de homine ad seipsum, ex-

58 DE BEATITUDINIBVS

cludendo inordinatas passiones irascibilis: septima verò loquitur de homine cum respectu ad proximum, cum eo tranquillè vivendo.

7. Item scias, per luctum in tertia beatitudine intelligi exclusionem inordinatarum passionum delectationis & gaudij. In quarta per iustitiam intelligitur vita æterna.

Quæsitum.

8. *Quomodo si tantum sunt septem donâ; ponuntur octo beatitudines? que ut docet S. Thom 1.2. q. 69. a. 1. sunt actus donorum &c. ex S. Th 1. c. a. 3. octavam beatitudinem pertinere ad septem præcedentes, quasi confirmationem & manifestationem earum: continet enim quandam firmitatem animi, ne propter humanas persecutiones non o'ceceat ab his, quarum in alijs septem beatitudinibus mentio habetur.*

Quoad III.

9. *Fructus (ut in præfati sumitur) est quidam actus quo mens humana bene disposita*
nitur;

De FRUCT: SPIRITVS S. 59

nitur, procedens ex motione Spiritûs S. Ita loquitur P. Gonet de donis Spiritûs S. a. 2.

10. Licet omnis beatitudo Evangelica sit fructus, ut ex immediatè dicto patet, non tamen è converso: cum beatitudo Evangelica, ut pote quâ spec aliter ad vitam æternam accedimus, sit aliquid perfectum & excellens, S. Th. 1. 2. q. 70. a. 2.

11. Fructus Spiritûs S. sunt duodecim ut patet ex S. Paulo ad Galatas 5. *Charitas*, id est, dilectio Dei super omnia. *Gaudium* id est delectatio in Deo, quam experiuntur alacriter Deo servientes. *Pax*, id est, tranquillitas conservativa præfati gaudij, non obstantibus turbationibus hujus vitæ. *Patientia*, id est, dorum sustinentia. *Benignitas*, id est, benefactorum collatio, seu executio. *Bonitas*, id est voluntas beneficiend. Sumitur hic voluntas pro acta. *Longanimitas*, id est, magnitudo animi in futuris bonis expectandis. *Manſuetudo*, id est motuum iræ exclusio. *Fides seu fidelitas*, id est, promissorum observantia. *Modestia*: id est, in dictis & fa-

60 De CONSILIIS EVAN:
et s. decentia. *Castitas*, id est, concupiscentiarum illicitarum remotio. *Con-
sistentia*, id est concupiscentiarum licita-
rum, quales sunt in elcis &c. moderatio.

DISTINCTIO VII.

De CONSILIIS EVANGELICIS

1. **C**onsilia Evangelica communiter
numerantur tria. Voluntaria pau-
petas Perpetua caritas. Humilis &
perpetua obedientia. Addit Loricinus in
Thesaurō utriusque Theologiæ, Martyri-
um. Si hæc voto firmantur amittunt
rationem consilij & induunt naturam
præcepti.

2. Dicuntur consilia : quia sunt libe-
ræ observationes, ita ut sine earum ob-
servatione, & iustus quis esse possit, &
vitam æternam consequi, etsi valde dif-
ficulter, propter impedimenta varia in
hoc mundo.

3. Dicitur Evangelica : nam etsi fue-
rint in lege veteri, non tamen cum tan-
ta perfectione & solemnitate ut in no-
va lege. vide Philippum à SS. Trin. in

De CONSILIIS EVAN: 61

1. 2. de Statu Religioso disp. 6. dub: 1. ubi probat in lege antiqua Statum Religiosum verè extitisse.

4. Paupertas Religiosa est *Voluntaria rerum temporalium sub certa regula vel constitutionibus voto firmata abdicatio*, Castitas Religiosa est *perfecta omnis delectationis venerea sub certa regula vel constitutionibus voto firmata remeio*. Obedientia est, *prompta preceptorum Superiorum sub certa regula vel constitutionibus voto firmata executio*.

5. Ad paupertatem refertur vilis habitus & victus. Item abdicatio omnium secularium negotiorum & officiorum. Ad perpetuam castitatem servandam referuntur, parcitas ac tenuitas victus, vita solitaria & clausura, jejunia & strati vilitas. Ad humilem obedientiam referuntur omnia quæ ad colendum Deum pertinent, ut orationes, meditationes, sacrificia, laudes, gratiarum actiones &c. Ita Lorichius sub litera C, Attendant ad hæc Monachi & alij Religiosi & caveant ne signum prædestinationis vertant in signum æternæ damnationis;

Itatus

62 *De Bonis Operibus. De Ieiunio*
status enim Religiosus est signum præ-
destinationis, ut docet S. Laurentius Lu-
stianus de perfectione Monachorum
cap. 7.

DISTINCTIO VIII.

*Assignatur generalis divisio bono-
rum operum,*

1. **T**Ria sunt bonorum operum genera:
Ieiunium, Oratio. Eleemosyna.

Quo ad I.

2. Ieiunium latè acceptum, est corpo-
rū per abstinentiam cibi & potūs vel in par-
te vel in toto, castigatio Specialiter seu
pro Ecclesiastico sumptum est castigatio
corporis certis diebus juxta præscriptum Eccle-
siae consistens in abstinentia à carnibus, & una
per diem cibi refectio.

3. Ieiunium Ecclesiasticum tria requi-
rit. 1, Ut semel in die comedamus,
alias solvitur ieiunium. 2, Requirit ab-
stinentiam à carnibus. Nomine carnis
hic & nunc, veniunt etiam originem à
carnibus trahentia, ut sunt ova, casei,
lac.

fac. Hæc non ubiq; prohibentur die jejuniij. 3. Requirit debitam horam edendi quæ est hora undecima. Vide dicta in Sent: Moral: dist: 19. ex quo patet jejunium plûs dicere quàm abſtinentia.

4. Dies in quibus ex præcepto jejunandum, sunt dies Quadrageſimæ, exceptis diebus Dominicis. Apud nos incipit Quadrageſima à feriâ quarta Cinerum.

2. Quatuor anni tempora. *cap. ſtatuiſſimus* dist: 76. in quibus præcipitur iejunium trium dierum: 3. Præcipitur jejunare in quibusdam Vigilijs, quæ ideo Vigiliæ dicuntur, quia Chriſti fideles ijs diebus non ſolùm jejunabant ſed & vigilabant, quod hoc tempore dignis de cauſis iubilatum eſt. Vigiliæ in quibus jure communi jejunatur, ſunt Vigilia Natiuitatis Domini. Aſſumptionis B V, M. c. *ex parte de obſervatione jejuniij.* In vigilijs tredecim Apoloſtorum, in quo numero comprehendit S. Mattheum & S. Paulum. *et conſilium de obſervatione jejuniij,* excluſa tamen non ſolùm vigilia S. Philippi & Jacobi, in qua non jejunatur ob Paſchalis

lis Iaricia signum, sed & Vigilia S. Iohannis Evangelistæ ob Natalis Domini Solemnitatem. in Vigilia Pentecostes jejunatur saltem ob receptam consuetudinem, quæ attendatur. *et statuimus dist: 76.* Idem dic de Vigilia S. Ioan: Baptistæ & S. Laurentij ob longum usum moribus receptum. In alijs Vigilijs non est obligatio jejunandi nisi peculiaris aliqua consuetudo suadeat. Idem dic de Feria sexta & diebus Rogationum in quibus sub p. mortali non jejunatur nisi consuetudo præcipiat, ita refert Bonac. de præceptis Ecclesiæ q. 1. pun. 5. propositione secundâ. Reliqua de diebus jejuniij, attendendo consuetudinem regni Poloniæ, dicentur Deo favente in fine Decalogi.

Quo ad II.

5. Oratio est *ascensus & elevatio mentis ad Deum.*

Explicatur Oratio Dominica.

6. Dicendo *Pater noster, charitatem Dei*

Dei ad nos, quæ bonum nostrum vale
ut optimus Pater, consideramus: dicen-
do *in calu*, maiestatem. Licet enim sic
ubiq;, specialiter tamen in cælis, ut di-
ctum est tractando de objecto Symbo-
li Fidei.

7. Oratio Dominica septem habet pe-
titiones.

1. *Sanctificetur nomen tuum.* Per hanc
petimus gloriam Dei propagari.

2. *Adveniat regnum tuum.* Per hanc pe-
timus gloriam Dei ad nos pervenire.

3. *Fiat voluntas tua.* Per hanc petimus
vt simus obediētes Deo. *Sicut in celo &
in terra.* Hoc est, sicut Angeli & alij bea-
ti in cælo, ita nos in terra.

4. *Panem nostrum quotidianum da nobis
hodie.* Per hanc petimus, & panem Sa-
cramentalem sc. Eucharisticum, cujus
quotidianus vsus proficit nobis, in quo
intelliguntur alia Sacramēta & dona.
Et panem corporalem, per quem intel-
ligitur omnis sufficientia victus & alio-
rum corpori necessariorum.

5. *Et dimitte nobis debita nostra, sicut &*

66 De ORATIONE

*nos dimittimus debitoribus nostris. Per hanc
petimus liberari à peccatis,
Et ne nos inducas in tentationem. Per hanc
petimus, non tam carere tentationibus,
quàm ne consentiamus illis.*

7. *Sed libera nos à malo. Per hanc pe-
timus liberari à pœnalitatibus præsen-
tibus, quæ impediunt sufficientiam
vitæ.*

Hæc explicatio sumitur ex S. Th: 22.
q. 83. a. 9.

De Salutatione Angelica.

8. Salutatio B. V. dividitur in tres
partes. Primam partem incœpit Angelus,
cùm dixit. *Ave gratia plena Dominus te-
cum. benedicta tu in mulieribus.* Secundam
subjunxit Elisabeth, cùm ait: *Et benedi-
ctus fructus ventris tui.* Tertiam apposuit
Ecclesia, ut in reverentia Nomen M A-
R I Æ haberetur. Nam Maria non
est in textu. Ita in terminis loquitur B.
Albertus M. l. 4. Compendij veritatis
Theologicæ c. 2. ubi plura reperies de
prædicta salutatione Angelica. Scias, B.

Elis.

De ELEMOSYNA 07

Elizabeth, non solum dicta verba pronuntiasse, sed & præmisisse. *Benedicta tu inter mulieres*, ut narrat sacer textus *Luci*,

Quo ad III.

9. Eleemosyna est alienæ miseriæ sublevatio. Quia autem homo sublevatur & secundum corpus & secundum animam, ideo duo sunt opera eleemosynæ seu misericordiæ, sc. corporalia & spiritualia.

10. Opera misericordiæ corporalia sunt septem. Esurientes pascere. Potum dare sitientibus. Operire nudos. Captivos redimere. Agrotos invisere. Hospitio peregrinos suscipere. Mortuos sepelire.

11. Opera misericordiæ spiritualia sunt etiam septem. Peccantes corrigere. Ignorantes docere. Dubitantibus rectè consulere. Pro salute proximi Deum orare. Consolari mæstos. Ferre patienter injurias. Offensam remittere, vide dicta


in 1. Sententiarum Moralium

d. 23. & 25.

OPVSCVLVM TERTIUM.

De Opposito Virtutum &c

PROLOGVS.

1.  Notitiam peccati conducit
notitia conscientie. Consci-
entia est *actus intellectus practicus*
qui dicitur de bonitate vel malitia
eorum quæ agimus. ut sunt à nobis hic & nunc.

2. Dividitur ex parte objecti in re-
ctam & erroneam seu veram & falsam.
Ex parte actus, in certam, quæ est absq[ue]
formidine. Probabilem quæ uni parti
adhæret cum formidine oppositæ. Du-
biam quæ nulli parti adhærens suspen-
dit iudicium. Scrupulosam, quæ uni par-
ti adhæret cum timore oppositæ, ex le-
vi fundamento.

3. Si conscientia scrupulosa includit
iudicium non multum differt ab erro-
rea. Scrupulus tamen differt, quia hic
est

est inani apprehensio, & hinc ortus timor & anxietas alicubi esse peccatum ubi non est.

4. Ad notitiam peccati etiam condu-
citur notitia ignorantia. Hæc alia est juris
alia facti. Exemplum primæ dum igno-
rolaram v. g. excommunicationem in
percussorem Clerici. Secundæ, dum per-
cutio Clericum & nescio esse Clericum.

5. Item ignorantia alia est invincibilis
alia vincibilis. Illa est, dum ignoramus
quæ aut scire non tenemur aut non pos-
sumus. Hæc est dum ignoramus, quæ
scire tenemur & possumus, eorumque an-
tea aliquem saltem scrupulum habui-
mus.

6. Quando adhibuimus diligentiam
sed non sufficientem est ignorantia cul-
pabilis sed non crassa. Quando nullam,
est ignorantia crassa.

DISTINCTIO I.

*Explicatur definitio & divisio pec-
cati in communi.*

1. **P**eccatum est dictum vel factum vel concupitum contra legem aeternam S. P. Aug. Quoniam affirmatio & negatio reducuntur ad idem genus, ideo cointelligendum est: peccatum quoque esse, non dictum quod secundum legem Dei dici debebat, & non factum quod fieri oportebat, in corde quoque omissum, quod desiderari amarique debebat. Utroque enim est deviaro à statuto legis divinæ, quæ ab æterno existit in Deo, estque exemplar & regula agendorum per eos, qui subduntur gubernationi ejus.

2. Dividitur in personale & originale. Personale est, quod propria peccantis voluntate committitur. Originale, quod etiam naturæ dicitur, quod communi voluntate primi Parentis, quæ totius humani generis censetur, est commissum.

3. Dividitur 2. in actuale & habituale. Actuale est actus malus & difformis regulis morum. Habituale consistit in quadam macula, quæ in anima relinquitur ex peccato actuali, & in ea remanet donec per penitentiam deleatur.

4. In mortale & veniale illud infert mortem animæ, eam privando gratiâ & charitate & avertendo ab ult. mo fine. Hoc verò nec gratiâ nec charitate privat sed ejus tantum fervorem minuit, nec avertit ab ultimo fine sed ejus consecutionem retardat.

5. In commissionis & omissionis. Peccatum commissionis consistit in productione alicujus actus mali & d. formis regulis morum Omissionis est carentia seu privatio alicujus actus debiti & lege præscripti. primum pugnat cum præcepto negativo, ponendo actum qui jubetur non poni. Secundum pugnat cum præcepto affirmativo, negligendo actum, qui præcipitur.

6. In carnale & spirituale. Carnale est quod perficitur delectatione carnali v. g. gula & luxuria, quæ in delectatione ciborum & venereorum consummantur. Spirituale verò perficitur in delectatione spirituali, ut superbia, invidia & similia, quæ in sola apprehensione alicujus rei concupitæ, vel ad placitum habitæ consummantur. Carnale plus habet de conversione quam de aversione. Spirituale plus de aversione quam

quàm de conversione. Ex quo inferas peccatum esse aversionem à Deo & conversionem ad creaturam.

7. In peccatum quod est contra Deum, proximum & seipsum. Quando homo detrahit Deo amorem & reverentiam debitam dicitur peccare in Deum, ut Sacrilegus, hæreticus, blasphemus. Quando homo suas passiones ratione non regulat peccat in seipsum, ut avarus, gulosus, luxuriosus. Quando homo non servat proximo jus debitum, vel offendit humanam societatem cui naturaliter alligatur, tunc contra proximum, ut fures, homicidæ, adulteri &c.

8. In peccatum cordis, oris & operis. Quæ divisio dupliciter intelligi potest, 1. ut per peccatum cordis illud intelligatur, quod interiùs consummatur, v. g. hæresis. Per peccatum oris, quod locutione perficitur. v. g. mendacium. Per peccatum operis, quod opere completur, v. g. adulterium & homicidium.

9. 2do hæc divisio intelligi potest, ut sit non tam in diversa peccata, quàm in diversos gradus peccati. Iracundus enim

v. g.

v. g: ex hoc quod appetat vindictam, primo perturbatur in corde. 2. in verba contumeliosa prorumpit. 3. procedit ad facta injuriosa. idem patet in luxuria, & quolibet alio peccato, in quo est primo conceptio cordis, sc. cogitatio. dein se manifestatio & locutio, tandem completio externa.

10. Octavo dividitur peccatum, in peccatum ex infirmitate & passione, ex ignorantia & malitia. Peccatum ex infirmitate & passione est quod oritur ex aliqua gravi tentatione & motiore appetitus sensitivi trahentis voluntatem ad consensum. Peccatum ex ignorantia est quod procedit ex ignorantia culpabili & vincibili. Ex malitia, quod plenâ libertate & voluntate committitur nullâ passione incitante & nullâ ignorantia excusante. Primum peccatum dicitur contra personam Patris, cui appropriatur potentia. Secundum, contra personam Filij, cui appropriatur scientia. Tertium contra personam Spiritus S. cui appropriatur bonitas.

11. Tandem dividitur in peccatum

D

pro.

proprium & alienum. illud est quod ab ipso peccante committitur. Hoc verò licet ab alio committatur nobis tamen imputatur. Et hoc multipliciter. Vel ratione præcepti, vel consilij, vel suasionis, vel adulationis vel protectionis vel propter defectum correctionis. Hæc desumpta sunt ex N. Opusculo Sent: Moralium.

De Peccatis in Particulari.

DISTINCTIO II.

De Superbia.

1. **D**escendendo ad particularia peccata cum dividitur in septem capitula sic dicta quia ab his alia oriuntur. Sunt autem: Superbia, Avaritia, Luxuria, Invidia, Gula, Ira, Acedia.

2. Superbia est appetitus inordinatus, hoc est perversus appetitus, excellens. Perversus autem erit, si fuerit contra rationis regulam. v.g. quia est aut de re falsa, aut mala aut non commensurata appetenti, aut ob malum finem. Ex Nicolao Mosei.

Moscicensi 2, p. Tyrocinij Artis Pœnit.
de Superbia.

3. Quatuor modis contingit superbia?

1. Quando quis iudicat quod bonum
quod habet, ex se habeat seu à se. 2. Quā-
do iudicat quod bonum quod habet, ex
Deo habeat, attamen ex suis meritis. 3.
Quando jactat se habere, quod non ha-
bet. 4. Quando quis singulis despectis,
vult videri se singulariter habere, quod
habet. S. Greg. apud S. Th: 22. q. 162.
a. 4.

4. Samuel de Lublino 2. p. casuum
Conscientiæ duodecim filias assignat su-
perbiæ. Sunt autem. inobedientia, con-
temptus, præsumptio, ambitio, vanaglo-
ria, hypocrisis, jactantia, discordia, cu-
riositas, pertinacia, contentio & infide-
litas. Moscicensis loco cit: addit novi-
tatum inventionem: sed hanc reducere
posset Samuel de Lub, ad curiositatem.

5. Inobedientia est vitium, quo quā
renuit facere quod jubetur.

6. Contemptus est, quo lex, vel etiam
ipse legislator despicitur. Quid sit contem-

peus formalis v. dicta in 4. Sent: Mori
d. 3. ¶ Quæritur.

7. Præsumptio est, per quam ex falsa aut
nimia virium confidentia aggredimur exceden-
tia nostram facultatem.

8. Ambitio est inordinatus appetitus ho-
noris, aut dignitatis ratione honoris. Dixi ad-
vertendo ex Sylv: V. superbia, ratione
honoris: nam appetitus tantum dignita-
tis pertinet ad præsumptionem secun-
dum S. Th: apud Getium v. Ambitio,
Ex quo patet quomodo intelligendus
Moscicensis definiens ambitionem etiam
per dignitatem.

9. Vana gloria est inordinatus appetitus
claræ opinionis & laudis apud alios, deus
pro nonnullorum consolatione, hæc
tantum est præveniale, licet sit de falsis
(dummodo non mortiferis) & transito-
rijs immoderate, & licet sit de bonis
operibus, jeunio, oratione &c. quæ quis
facit consultò propter vanam gloriam.
Mosc. l. c & Fernandez p. 4. de super-
bia n: 10.

10. Hypocrisis est simulatio virtutis aut
san-

sanctitati quam homo non habet. Ad sit Mo-
scensis loco citz etiam si hoc faciat bo-
no fine, ne alios scandalizet, quia est
mendacium. Dico tamen si velis caven-
do scandalum te virtuosum repræsentare
licet non fueris, fac propositum e-
mendandæ vitæ & tunc non mentie is.

11. Lætantia, quâ quis se verbis extollit
super illud quod est, vel quod homines opinantur
de eo.

12. Discordia est voluntatum contrarie-
tas circa aliquod unum, dum unum alicui pla-
cet, alteri verò displicet.

13. Curiositas est inordinatum desideri-
um sciendi, sive per intellectum, sive per sen-
sum, ea quæ ad se non pertinent, vel si perti-
nent, major tamen cura adhibetur in illis co-
gnoscentis quàm par sit. inventio novitatum
est excoGITatio insatiablem admirationem pa-
riens, ut sit in lulluendis novis opi-
nionibus. in usu insolitæ formæ vesti-
endi convivendi &c.

14. Pertinacia est persistencia in suo ju-
di- & asseratione cūquàm oportet.

15. Contentio est sermo contrarius al-

teri, veritatem impugnans, non animo disputandi sed contradicendi.

16. Infidelitas, est, exclusio fidei, Privariua tunc est aū qui nec credit, nec discit sed animum suspendit. Contraria dum qui discredidit. aut credit esse falsa, quæ proponuntur.

17. Scias pro meliori prædictorum. notitia. Superbia dupliciter sumitur. Communiter ut se extendit ad excellentiam personæ, honoris, laudis, dignitatis, virium. Et specialissimè, ut se tantum extendit ad excellentiam personæ sicut in ipsa, sc. dum quis vult excellendior esse quàm sit, in quacumq; materia, ex quacumq; occasione, absq; eo quòd desideret dignitatem, & absq; eo quòd aggrediatur aliquod præclarum opus, vel affectet laudari,

18. Ambitio ergo præsumptio & similes, ita oriuntur & sunt filia superbiae, intellige specialissimè sumptæ, quòd sint etiam species superbiae communiter sumptæ. Et hæc de illis in recto potest prædicari: verum enim est Aroli-
tio

tio est Superbia, seu inordinatus appetitus excellentiæ &c.

DISTINCTIO III.

De Avaritia.

1. **A**varitia est appetitus inordinatus habendi. sc. divitias, aliasvè res temporales exteriores.

2. Avaritiæ filix sunt multæ ait Mo-
scicensis 2. p. Tyrocini] Arcis Pœnitentiariæ ¶ de Avaritia, ex quibus septem ab aliquibus numerari solent. Proditio, Fraus. Fallacia seu dolus. Perjurium, quò revocatur mendacium. inquietudo. violentia & obduratio.

3. Proditio est manifestatio alicujus occulti, illativa nocuenti.

4. Fraus est deceptio alterius in aliquo facto, illativa nocuenti.

5. Fallacia est deceptio alicujus in verbis. illativa nocuenti.

6. Perjurium est mendacium juramento firmatum illativum nocuenti.

7. Inquietudo est, inordinata temporalium sollicitudo.

8. Violentia est, rapina seu extorsio bonorum.

9. Obduratio seu immiseria cordia, est, duritia in pauperes deneganda eleemosynam.

DISTINCTIO IV.

De Luxuria.

1. **L**uxuria est inordinatus appetitus venereorum.

2. Sex sunt species Luxuriæ. Simplex fornicatio. Stuprum. Adulterium. Incestus. Raptus. Peccatum contra naturam. S. Th: 22. q. 154 a. 1.

Sacrilegium (quod est illicitus concubitus cum fœmina voto castitatis adstricta, vel in loco sacro, aut ab habente votum castitatis) non numeratur à S. Th inter species luxuriæ, quia ex se directe pertinet ad irreverentiam & reductivè ad luxuriam.

3. Simplex fornicatio est illicitus concubitus soluti cum soluta non virgine in vase naturali. Dicitur solutus cum soluta, idest, non exstentes in Matrimonio, si-

ve ra-

ve rato sive consummato. Ad hanc speciem reducitur concubinatus.

4. Stuprum est defloratio virginis per fractionem claustris virginis. Differt specie à fornicatione, secundum S. Th. I, c. 16.

5. Adulterium est illicitus concubitus, vel conjugati cum conjugata, vel conjugati cum libera vel liberi cū conjugata. In primo appendenda est in confessione circumstantia utriusq; conjugati, quia iniustitia duplex & æquivalet duplici peccato.

6. Incestus est illicitus concubitus cum consanguinea vel affine usq; ad 4um gradum inclusive. Huc pertinet peccatum cum habente cognationem legalem, cum à se baptizata. Secundum aliquos cum filia confessionis.

7. Raptus est dum quis abducit sceminam à domo parentum vel eorum sub quorum cura est, aut à domo propria, si sit sui juris, ipsam invitā ad fornicandum cum illa, aut Matrimonium contrahendum V. Trid, sess 24 c 6.

8. Peccatum contra naturam est omnis actus libidinosus extraxi, aut contra modum à natura institutum.

9 Peccati contra naturam quatuor sunt species. Mollities seu pollutio. Bestialitas. Sodomia. Inordinatus concubitus.

10. Mollities seu pollutio est *voluntaria seminis effusio extra vas*. Potest habere speciem alterius libidinis, si quis in actu turpi delectetur de alio actu sive morosè, sive cum animo perpetrandi si posset, aut acsi defacto perpetraret.

11. Bestialitas est *coitus cum bestia*. Ad bestialitatem reducitur coitus cum Dæmone succubo vel incubo: quia corpus assumptum à Dæmone non est verum corpus humanum.

12. Sodomia est *illicitus concubitus vel masculi cum masulo vel femina cum femina*. Pollutio ex tactu personæ ejusdem sexûs reducitur ad Sodomiam.

13. Concubitus masculi cum femina in vase prapostero secundum Aristoteli conformiter ad mentem D. Thomæ non est propriè Sodomia, sed potius concubitus inordinatus & monstruosus, consequenter specie distinctus à concubitu

bitu masculi cum masculino.

14. Tandem inordinatus concubitus tunc est, quando non est debita corporum positio, vel quando non seminatur in vase, vel quando non adhibetur instrumentum debitum. Primus concubitus si sit in vase debito & sine periculo effusionis seminis non est mortalis inter conjuges. Hæc sunt desumpta ex N. Opusculo Sent: Mor: l. i. d: 26

15. Ad hæc reducuntur, Turpiloquium. Auditus turpium sermonum. Lectio obscenorum. Aspectus. Tactus causæ voluptatis carnalis. Oscula eodem innefacta. Choreæ. Motus sensualitatis. De his consule Mosc: p. 2. Tyrocinijs Art: Pœnit: 9. de Luxuria & Sent: Mor: l. i. d. 29.

16. Filias luxuriæ enumerat Samuel de Lublino & Gab: à S. Vinc. V. Luxuria ic: cæcitatem mentis. inconstantiam, inconsiderationem. præcipitationem, amorem sui, odium Dei, desiderium præsentis vitæ & horrorem futuri sæculi.

17. Cæcitas mentis impedit hominem,

ut non cogitet de calulis nec sacras conciones, nec pia monita intelligat.

18. Inconsiderat o facit ut homo sapere cogat quæ suum statum dedecent, cum non levis aliorum scandalo.

19. Præcipatio impedit consilium de mediis necessariis ad actum bonæ.

20. Inconstantia facit ut homo non servet propositum maxime de vitæ emendatione.

21. Amor sui, quo homo plus seipsum diligit quàm Deum.

22. Odium Dei, quo voluntas expressè averetur à Deo, displicendo de ejus bono vel volendo ei aliquod malum.

23. Horror futuri sæculi facit ut homo cogitet de morte & eam nimis timeat,

24. Desiderium præsentis vitæ, quo homo cupit hic semper vivere

25. Infert Gabriel à S. Vinc. Luxuriam maxime cavendam à viris contemplativis, literatis, studiosis, Rectoribus, Gubernatoribus, Principibus, Iudicibus &c.

DISTINCTIO V.

De Invidia.

1. **I**Nvidia dicitur N. Mosc. l. c. § de Invidia. Est tristitia de alieno bono, eò qd obliuiscitur aut denunciat seu obscurat invidenti excellentiam. Bona autem hominis sunt scientia, honor, fama, reputatio, diuitiæ, favor, veneratio, dignitates &c

2. Secundùm citatum Doctorem tristitia de bono alterius habet septem respectus.

1. Primò, quia est bonum illius, cui malum optamus, & hoc pertinet ad odium.

2. Quàmvis in se bonum sit, præbet tamen occasionem mali, v. g. insolentia. Et sic tristari de bono alterius pertinet ad charitatem.

3. Quia bonum vnies est nocivum alijs. Et sic tristari de dominio oppressoris pertinet ad compassionem respiciendo præcisè oppressos.

6. 4. Quia bonum unius est formidolosum alteri, v. g. Sperat Petrus ex officio, dignitate Ioannis, aliquid injustè proventurum & de præfatis excellentijs tristatur, quod pertinet ad timorem.

7. 5. Quia tali bono v. g. prosperitate indignus: Et sic tristani pertinet ad indignationem. Quòd si tristitia sit de injustitia in distributione bonorum, sic tristani pertinet ad iustitiam.

8. 6. Tristatur quis de bono alterius, non quia est in altero, sed quia ipse caret eo, Qualiter tristani pertinet ad emulationem.

9. 7. Tristatur quis de bono alterius quia est malum dolentis: hoc est, quia redundat in aliquod ejus gloriæ incommodum. Et sic tristani propriè pertinet ad invidiam.

10. Hi modi tristandi de bono proximi ideo assignari ut intelligatur natura invidiæ propriè acceptæ.

II. Quomodo doctrina Mosici & Samuelis de Lublino assignantium septem modos tristitiæ circa bonum proximi
fit

fit concilianda cum doctrina S. Thomæ assignantis, quatuor modos, altioris est fori:

11. S. P. Gregorius relatus à S. Th: 2. 2. q. 36. art. 4. has refert filias invidiæ. Et sunt odium, susurratio, detractio, lætitia in adversis proximi, afflictio in prosperis ejus. Quid sit odium, patet ex dictis & patebit ex dicendis. Quid susurratio, & detractio patebit ex dicendis circa octavum præceptum.

DISTINCTIO VI.

De Ira.

IRa dupliciter sumitur. Communiter seu vulgariter & propriè. Communiter sumitur pro quadam perturbatione animi cum actuali impatientia. Propriè & specialiter pro appetitu vindictæ.

1. Ira ad vindictam pertinens duplex est. Licitæ & illicitæ. Licitæ vocatur ira per zelum, illicitæ vocatur ira per vitium.

3. Zelus est appetitus vehemens puniendi
malum

malum, servando tamen rationis ordinem & legis dispositionem, v. g. ut iustitia servetur &c.

4. Ira vitiosa est *inordinatus appetitus vindictæ* v. g. eo solo quòd injerimus affecti, & sic ut animus irati satiatur alienâ miseriâ.

5. Ira differt ab iracundia. illa enim dicit actum, hæc potentiam. Ait Gab: à S. Vinc: v. ira. Aedit. iratus vehementer comparatur arripito à Damone.

6. Germina seu filias iræ in tres classes distinguit Mol: l. c. §. de ira ex S. Th. Nam in corde nascitur indignatio, tumor mentis & odium. in ore clamor, maledictio, contumelia, blasphemia, rixæ verbales in facto, pugna seu rixæ reales, seditiones, factiones.

7. Indignatio est quâ homo indignum reputat (illum à quo majus accepit) suâ affabilitate, familiaritate & colloquio, avergens ab eo faciem aut oculos, nolens de eo audire ullum verbum bonum, ac detestans, quòd ei aliquando amicus fuerit, benefecit &c.

8. Tumor mentis, quo in corde injuria versatur, ruminatur atq. exaggeratur, cum repetitione causæ, & interiori aspera responsione, excogitatione mediæ ad exercendam vindictam; ac proinde quasi tumescit mens tali amaritudine repleta.

9. Odium est quo displicet proximi bonum, vel optat malum. Differt ab ira. Nam iratus non intendit nocere, nisi ei qui sibi vel suis nocuit, ut vindicta sit quasi quædam recompensatio. Perodium autem intenditur malum abiq. tali respectu, sed absolutè eo tantum fine, ut alicui malè sit, propterea, quod vel nequam sit, vel nobis contrarius, vel quia ejus persona est odiosa, nobisq. displicet.

10. Clamor est, confusa, tumultuosa, subelata voce, locutio.

11. Quid maledictio contumelia & similia, patebit ex dicendis circa octavum præceptum. Quid blasphemia, ex dicendis circa primum præceptum.

Hæ descriptiones filiarum iræ desum.

sumptæ sunt ex P. M. Nicolao Mosc. l. c. §. de ira.

12. Seditio est rebellis nonnullorum contra superiorem commotio.

13. Factio est modum de inferendo damno sive temporalis sive spiritali adinventio. Hæ undecim filia iræ possunt reduci ad sex à S. Th. 2. 2. q. 158. a. 7. assignatas. Et sic non contradicatur S. Thomæ.

DISTINCTIO VII.

De Gula.

1. **G**ula est inordinatus cibi potusque appetitus. Appetitus inordinatus solius cibi, vocatur comessatio. Solius potus, ebrietas.

2. Quinq; sunt gulæ species. Præpropere. Laute. Nimis ardentem. Studiosam. S. Th. 2. 2. q. 148. a. 4. ex S. Greg.

3. Prima species gulæ est Præpropere, quando quis ex impatientia prævenit tempus comedendi. 2. Quando querit cibos lautos & pretiosos. 3. Quando multum comedit vel bibit. 4. Quando
avi-

avidè cibum sumit. 5. Quando nimis accuratè cibos præparat, vel sic paratos dederat. Ita in terminis Gab. à S. Vinc. v. Gula.

4. Fliæ gulæ sunt quinque. 1. Inepta lætitia. 2. Scurrilitas. 3. Immunditia. 4. Multiloquium. 5. Hebetudo mentis. S. Th. l. c. a 6. ex S. Greg.

5. Inepta lætitia dicitur quâ homo gaudet in his quæ ex se nullam, vel saltem non tantam faciunt delectationem. Hæc turpitudine apparet in ludo, joco & similibus.

6. Scurrilitas consistit in verbis ac gestibus inverecondis. Vt sunt impuræ canilenzæ, vorius, cavilli, gestus, tactus petulantes, turpes &c.

7. Immunditia sumitur pro superflua & turpi humorum è corpore emissionem. Vt sunt vomitus. Pollutiones in somnis turpibus causatæ ex nimio cibo vel potu &c.

8. Multiloquium est multitudo locutionis cum superfluitate præter utilitatem vel necessitatem.

9. Hebetudo mentis est gressitios intellectus quâ homo non potest perungere ad cognitionem.

tionem rei, nisi per multa ei sit exposita. Hoc evenit tum ratione vaporum quibus op-pletur cerebrum. Tum ratione delectationis superflue, ex qua fit, ut mens quasi inhaereat patinis & vitris.

DISTINCTIO VIII.

De Acedia.

1. **A**Cedia est tribita de bono divino, non s. A quatenus est arduum & difficile, sed quatenus ad nos pertinet, nobis est utile & nostrum beneficium, ducens ad finem, vel consistens in fine excellentissimo.

2. Hinc collige vulgum non propriè intelligere hoc peccatum pro signitia aut pigritia ad Lei obsequium, aut pro tristitia. v. g. de jejunio incidente tali tempore vel alio bono opere, inquantum est laboriosum, animo & corpori molestum, vel impeditivum delectationum mundanarum; talis enim tristitia ex repugnancia sensu sitis oritur, & ordinariè etiam consensu rationis accedente, veniale peccatum est, ait R. M. Nicolai, ta Mose,

3. Septem filia acediae assignantur :
 Pigritia seu torpor. Tedium seu fastidium.
 Evagatio mentis. Pusillanimitas. A-
 versio à bono divino, aliàs malitia à
 D. Greg. dicta. Exasperatio contra benè
 moventes, alias rancor. Desperatio.

4. Pigritia seu torpor est quando homo
 negligit & omittit facere, quae ex praecepto
 vel quasi ex praecepto tenetur facere. v. g. non
 communicando in Palchate &c.

5. Tedium at, propter quod aliquis in-
 choans bonum opus nauseat super illo, tanquam
 insomni, & deferere proponit.

6 Adverte. Prima pars hujus descri-
 ptionis non innuit firiam invidiae, sed
 secunda pars : nam nausea super bono o-
 pere est ipsamet acedia, cum sit tristi-
 tia de bono divino. Hinc Bonac. & Fer-
 nandez acediam definiunt per tedium &
 nauseam.

7. Evagatio mentis est, quando quis re-
 fugiens sancti, divertit ad imperium suum, quod
 in cogitationibus versat, & deferens at-
 tentionem debitam distractionem volun-
 tatiè admittit,

8. Pusillanimitas est quâ homo non attendit divina consilia, quæ perfectionis sunt, aggre-
di.

9. Aversio à bono divino, aliàs ex Deo Gregorio dicta malitia, est tristitia aggravans hominem propter bonum seu beneficium à Deo nobis exhibitum. v. g. si quis in tantum esset aversus à D. o. quod audiens vel cogitans statutum sibi à Deo, quod sit futurus civis Sanctorum, tristaretur & fastidiret quasi nolens hoc esse. Vel si displicerent ei bona spiritualia, velletq; ea non fecisse. Vel si contemneret Dei beneficia, desiderando se non fuisse natum, non esse ad beatitudinem ordinatum. Detestaretur, quod fiat ei provisa ad beatitudinem media. v. g. Sacramenta &c. Sed potius est consummata accedia & non filia, ut inquit Mose.

10. Huc spectant illi qui propter nimium affectum ad res temporales amisso gusto spiritualium, desiderant in mundo perpetuitatem non curantes gloriam æternam. immo interdum corde & ore beatitudini renuntiant, præponentes temporalia æternis.

De ACEDIA

97

II, Exasperatio contra bene monentes, aliàs Rancor, *importat quandam animi commotionem contra ad bona inducentes v. g. Parentes. Confessarios. Concionatores, &c*

Quid sit desperatio patebit ex dicendis de peccatis contra Spiritum S.

DISTINCTIO IX.

De Gravitate Peccatorum Capitalium.

I. **S**uperbia est peccatum mortale ex genere suo si sit consummata & perfecta, idest, si quis ita excellere appetat, ut Deo, superioribus, eorumque legibus subiei nolit. imperfecta, quâ quis, subiiciendo quidem quibus tenetur, in suo tantum affectu se magnificat, est peccatum veniale, ut refert P. Hermannus ex Cajetano v. Superb. Quia sine Dei & aliorum respectu plus iusto se efferre, non est gravis deordinatio. Esset gravis cum notabili aliorum contemptu, compiacendo in aliorum notabili abiectione.

2. Avaritia

2. Avaritia ut est rei alienæ inmoderate appetitus v. g. alienum retinendo, & ut opponitur iustitiæ, ex genere suo est p. mortale: ut verò est inmoderate appetitus propriarum divitiarum in ijs delectando, tenaciter retinendo, & ut opponitur liberalitati, est solum ex genere suo p. veniale. Quia tunc avaritia communitur & ordinatè sumitur. Hanc doctrinam sumplit Gab. à S. Vinco ex S. Th. 2.2 q. 118 a. 4.

3. Luxuria ut sumitur pro inordinato actu extra matrimonium est ex genere suo p. mortale. Quia prodigitur semen humanam in quo est homo in potentia: quod sine dultio est grave & notabiliter repugnans rationi. Sumitur ex S. Th. q. 15. de malo a. 2.

4. Invidia ex genere suo est p. mortale, Quia contrariatur charitati, sicut enim charitas gaudet de bono proximi ita invidia tristatur. D. Th. 2.2. q. 36. a. 3. & q. 39. de malo a. 1.

5. Ira sumpta pro inordinato appetitu vitiæ ex genere suo est p. mortale.
Quod

De GRAV: PEC: CAPIT: 97

(Quod intellige q. ándo est ex plena de-
liberatione, & malum quod inferitur est
notabile) Quia contrariatur charitati &
iustitiæ. Sumpta pro perturbatione ani-
mi, v. g. si quis nimis ardentem commo-
veatur interiùs, vel si nimis exteriùs si-
gna interioris commotionis manifestet,
non est ex suo genere mortalis. S. Th.
22 q. 158. a. 3. & q. 12. de Malo a. 3.

6. Gula ex genere suo solùm est p. ve-
niale Gabriel à S. Vinc: V. Gula ex S.
Th. Quia ex genere suo in hoc consistit
quòd quis inordinatè cibum vel potum
appetat, v. g. qui plùs, citiùs, avidius,
lautiùs sumit, quàm deceat, vel in dele-
ctatione cibi listit non referendo, saltem
implicite ad finem hon. stum, quod tan-
tùm est veniale, nec ex terminis impor-
tat notabilem excessum. Sumitur ex
Sam. de Lub.

7. Contra gulosos per ebrietatem sic
habet Apostolorum 42dus Canon: Epi-
scopus aut Presbyter aut Diaconus, alea atq; e-
brietati deserviens, aut desinat aut certè com-
munionem privetur, idem statuit Eutichia-

E

nus

98 *DE GRAV. TEC: CAF:*
nus Papa & Concilium Moguntiacum.
Can. 46. Hæc & alia refert Pouodovius
in instructione Confessoriorum supra 3.
Præceptum.

8. Acedia secundum genus suum est
p. mortale. Nam proprius effectus cha-
ritatis gaudium de Deo, acedia autem
est tristitia de bono divino. Et sic con-
trariatur charitati. Consequenter est ex
se p. mortale, nisi excuset imperfectio
actûs. S. Th. 2.2. q. 35: a 3.

9. Sive autem tristeris de re cadente
sub præcepto sive sub consilio peccas
mortaliter. Et sic qui omisit Sacrum v.g.
ex acedia propriè sumpta, non sufficit in
confessione fateri omissionem Sacri, sed
necessarium est p. acedix explicare, Gab.
à S. Vinc. V. Acedia.

Quæsitum.

*Quæ virtutes peccatus capitalis
bus contraria?*

1 R. Hæ à referentibus doctrinam
Christianam solent assignari. Hæc illas
Largitas, Castitas, Benignitas seu Bene-
volens.

De VIRT: PEC: CAP: CONTR. 99

volentia Patientia. Temperantia & Devotio.

2. A quodam in tabula Christiana loco benignitatis ponitur amor proximi. Loco temperantiae abstinencia. Loco devotionis, diligentia.

3. Cæterum possunt etiam sic enumerari. Humilitas. Largitas. Iustitia. Castitas. Charitas. Mansuetudo. Temperantia. Humilitas contra superbiam. Largitas & iustitia contra avaritiam supra explicatam. Castitas contra luxuriam. Charitas contra invidiam & accediam ut patet ex dictis. Mansuetudo & iustitia contra iram supra explicatam. Temperantia contra gulam Descriptiones harum virtutum reperies in 3. Sententiarum Thomisticarum: ubi ago de virtutibus in particulari. Nec placet omnia repetere.

DISTINCTIO X.

De Peccatis contra Spiritum S.

Peccata in Spiritum sanctum sunt
E 2 sex.

sex. Desperatio. Præsumptio. Impugnatio agnitæ veritatis. Invidia fraternæ gratiæ. Impœnitentia & oblatio.

2. Desperatio quando quis abiicit spem de sui emendatione. Peccatorum remissione. gratia & gloria consecutione. Potest autem aliquando conjungi hæresi, aliquando absq; hæresi esse. Nam si quis exprimat saltem corde tale iudicium, quod Deus non possit sibi parcere, aut non parceret, si debito modo se disposuerit, aut quod impossibile sit ei in hoc statu consequi gratiam & postea gloriam. est contra fidem. Sine hæresi verò: si quis secum ita deliberaret. Ego nunquam me disponam, & ideo nunquam mihi Deus parceret ac proinde damnabor.

3. Præsumptio est inordinatus conatus spei. quâ expectat quis per virtutem & misericordiam Dei id, quod secundum legem Dei ordinariâ non est possibile: v.g. remissionem peccatorum absq; pœnitentia. Gloriam æternam sine meritis, aut solis viribus naturæ absq; Dei gratia. Et potest conjungi hæresi, si quis ita crederet. Et absq;

abſq; hæc eſſi, ſi ita quidem non judicaret, ſed ita ſe gereret ac tenderet in æternam beatitudinem ac ſi poſſet ſuâ voluntate abſq; operibus, aut illis ſolis ſine gratia Dei obtineri.

4. Impugnatio agnitiæ veritatis tunc eſt, quando quis poſt propoſitam fidei vel bonorum morum doctrinam, impugnat eam volens perſuadere eſſe falſam.

5. Invidentiæ fraternæ gratiæ eſt dum qui triſtatur ex hoc quòd gratia Dei creſcat in mundo, Hinc ſi quis videns fratrem ſuum in Dei ſervitio proficere, peccatores pœnitentiam agere, doleret ſuper hoc, peccaret contra Spiritum ſanctum, quaſi contemnens interioris gratiæ auxilium.

6. Impœnitentia hic non ſignificat permanentiam in peccato uſque ad mortem, ſed importat propoſitum non pœnitendi: S. Th. in 4. d. 43. a. 2. ad 3. & in expoſitione literæ. Quòd ſi eſſet propoſitum non pœnitendi uſque ad mortem, ſine dubio eſſet impœnitentia, ut hic ſumitur pro ſpeciali peccato & in Spiritum ſanctum,

102 *De PEC: contra SPIR: S.*

7. *Obstinatio est firmum propositum in-
herendi peccato propter aliquam delectationem
licet brevem.*

8. *Hæc peccata dicuntur irremissibi-
lia. Non quòd nullatenus remitti pos-
sint, sed quia difficilè & rarò remittun-
tur, eò quòd habeant in se repugnantia
ad remissionem, & Dei dona, quæ
contemni videntur.*

Quæsitum

*Quod sunt remedia contra peccata
in Spiritum sanctum?*

*¶ Esse sex, secundum Fabium incarna-
tum, 4. p. I. Primò. Spes de misericor-
dia Dei. Timor de divina justitia. Co-
gnitio veritatis fidei & bonorum mo-
rum. Auxilium divinæ gratiæ. Dolor
de peccato commisso, & propositum ab-
stinendi à peccato.*

DISTINCTIO XI.

*Referuntur alie divisiones pec-
catorum.*

1. In.

Alia DIVISIONES PEC: 103

1. **I**nter alias divisiones etiam assigna-
ritur peccatum contra Patrem, ,
Filium & Spiritum S. sed de hac divisi-
one jam egimus dist. 1. n. 10.

2. Peccata in cælum clamantia sunt
quatuor: Homicidium voluntarium, ,
hoc est directè factum, Sodomia. Op-
pressio pauperum, , ac merces operario-
rum defraudata.

3. Nomine pauperis intelligitur non
tantùm miserabilis persona, v. g. adve-
na, pupillus, subditus, servus, sed etiam
quicumque est inferioris conditionis re-
spectu excellentioris.

4. Nomine oppressionis intelligitur
quæcunque afflictio.

5. Dicuntur in cælum clamare: nam
ob sui gravitatem velocem petunt ul-
tionem.

6. Peccata aliena sunt novem, Seu
novem sunt modi quibus aliena peccata
nobis imputantur, & continentur his
versibus. Iussio. Consilium. Consensus.
Palpo. Recursus. Participans. Mutus.
Non. obstans. Non manifestans, Ho-

104 *RESOL: aliqua de PEC:*

rum brevis explicatio habetur in 1. Sent. Mor. de homicidio.

7. Opera carnis hæc enumerantur à S. Paulo ad Gal: 5. Fornicatio, immunditia, impudicitia, luxuria, idolorum servitus, veneficia, inimicitia, contentiones, amulationes, ira, rixa, dissensiones, secta, invidia, homicidia, ebrietates, comestiones & his similia quæ prædico vobis, sicut prædixi. quoniam qui talia agunt regnum Dei non consequentur.

8. Q. 1. Quot modis peccatum committitur? R. 4. Cogitatione. Locutione. Opere, & Omissione.

9. Q. 2. Quot sunt fundamenta, origines & causæ peccatorum? R. 3. Ignorantia. Fragilitas quod pertinet passio. Malitia.

10. Q. 3. Quæ concurrunt ad p. mortale? R. hæc. 1. Gravitas ex parte objecti. 2. Perfecta advertentia ex parte intellectus. 3. Plenus consensus ex parte voluntatis. Gravitas ex parte objecti colligitur ex notabili contrarietate cum charitate Dei & proximi. Alia
autem

RESOL: aliqua de PEC: 105

autem est gravitas objecti peccaminosi
ex se & sua natura v. g. odium Dei.
Alia ex gravi prohibitione ut fuit in po-
mo primis parentibus prohibito. Quot
modis mortale transit in veniale vel è
contra. Quæ excusant à mortali vel ab
omni, v. dicta in 4. Sent. Moral: d. 1.
Vnde sumatur distinctio numerica pec-
catorum. v. in 2. Sent. Mor. d. 61. circa
finem. Vnde distinctio specifica pecca-
torum v. in 3. sent. Thomasti
carum d. 75. .



OPVSCVLVM

QVARTVM.

De Præceptis Decalogi,

Præcepta alia sunt legis naturæ:
P Alia scriptæ. Alia gratiæ. Alia
legis canonicæ.

Præcepta legis naturæ duo sunt. Quod
tibi non vis fieri, alteri ne feceris.

E 5

Quod

106 De PRÆC. DECAL:

Quod tibi vis fieri, alteri facias. Legis scriptæ sunt decem, de quibus in hoc opusculo.

Legis gratiæ duo (intellige quoad maiorem explicationem & semper enim erant) Diliges Dominum Deum tuum, ex toto corde tuo &c. & proximum tuum sicut te ipsum. Legis canonicæ aliqui numerant quinque. Absolutè tamen loquendo, & naturæ, & scriptæ & gratiæ & legis canonicæ sunt plura. Sed hæc, vel communiora vel magis principalia vel magis scitu necessaria.

1. **D**ecalogue dicitur à denario numero præceptorum, & sic Decalogus idem est quod volumen sacrum continens in se decem moralia præcepta, sequentibus contenta.

Vnum crede Deum. Nec jures vana Per ipsum. Sabatha sanctifices. Habeas in honore parentes. Non sis occisor. Moechus. Fur. Testis iniquus. Alterius sponsam. Nec rem cupias alienam.

Horum fundamentum & radix est dilectio Dei & proximi,

2. Ex præceptis Decalogi alia sunt primæ alia secundæ tabulæ. In duobus enim tabulis lapideis scripta constat ex Deutoronomij c. 4. In prima tabula tria tantum scripta erant prima præcepta, quæ nos ad Deum ordinant. In secunda verò scripta fuerunt reliqua septem, quæ ad justitiam erga proximum servandam diriguntur. S. Th. apud Makovium in Decalogum præludio secundo.

3. Ex his alia sunt affirmativa alia negativa. Affirmativa obligant semper sed non pro semper, sed tantum quando acci lit casus. v. g. honorare parentes obligamur semper sed non pro semper & omni tempore quoad executionem, sed solum datâ occasione. Negativa obligant semper & pro semper. v. g. non furari.

4. Decalogum, saltem quoad substantiam scire tenemur, ut patet ex Opusc. 2. d. 2. Præ oculis etiam habendus, ut eò facilius ad eum observandum manuducamur. Habemus autem Decalogum præ oculis examinando conscientiam de observantia ejusdem,

108 D. PRÆC: DECAL:

5. Fructus Decalogi hi numerari possunt. 1. Coercere homines à malo. 2. Invitare ad bonum. 3. Benedictio spiritualis & temporalis. Illa consistit in conscientiae puritate, tranquillitate & abundantia virtutum. Hæc in bonorum temporalium copia & alijs exterioribus bonis. Si hæc desunt, Deus in melius nostrum subtrahit. 4. Vita æternæ. Si vis ad vitam ingredi serva mandata.

DISTINCTIO I.

Circa primum Præceptum.

Non habebis Deos alienos coram me.

1. **H**oc præcepto non solum prohibetur cultus falsorum Deorum, sed & præcipitur tendere in Deum, tum per actus fidei spei & charitatis, tum per actus religionis.

2. Ad præfatos actus inducimur quinque rationibus. 1. Sumitur ex Dei dignitate: 2. Ex Dei largitate: omne enim bonum à Deo. 3. Sumitur ex promissæ firmitate: abrenūciavimus enim diabolo,
& fi.

PRIMUM PRÆCEPT. 109

& fidem promissimus soli Deo. 4. sumitur ex dominij diabolici gravitate. 5. Ex præmij sive muneris largitate. D. Th. Opusc. 4. in præsentî.

3. Quid fides, spes, charitas, patet ex dictis de virtutibus. Religio est *virtus, quâ Deo debetum cultum tribuimus tanquam primo omnium principio.* Quæ circa dictas virtutes scienda occurrunt, dixi tum in 1. Sent. Mor. d. 2 & seq. tum in 3. Sent. Thomisticarum d. 13. & seq.

4. Dum dicitur *non facies tibi sculpsile,* idolorum cultus & non imaginum Dei & SS. prohibetur, ut sc: imagines formaliter sumuntur, hoc est, ut dicunt respectum ad rem repræsentatam materialiter enim sumptæ & ut res quædam non possunt coli.

5. Serviant autem imagines. 1. ad instructionem rudium. *Quod legentibus scriptura, hoc idiotis præstat pictura.* S. Greg. l. 9. Epist. 9. 2. ad excitationem piorum: excitamur autem ut imitemur & honoremus Sanctos. Imagines ipsemet Christus D. approbat: Regi enim Abgaro suam

110. **PRIMUM PRÆCEPT:**

am imaginem misit (Epistola Abgari ad Christum D. & Christi D. ad Abgarum, habentur apud P. M. Rufzel de sancta Cruce dist. 37. ubi etiam reperies Epistolam Lentuli Romani Proconsulis, quæ dispositionem Corporis Christi D. describit): Item linteum S. Veronicæ, & lindoni sepulchri suam imaginem impressit, non in solam memoriam, sed ut per has colatur.

6. Non prohibetur etiam hoc præcepto cultus reliquiarum seu corporum SS. reliquiarum enim sunt pignora sacra SS. quos colere tenemur. Angeli honorant corpora SS. Hi enim S. Catharinæ corpus in monte Synai cum honore sepelierunt. Hi corpori S. Clementis sacellum ædificârunt in mari. Deus ipse, ut patet ex tot miraculis, vult corpora SS. à nobis honorari. Membra S. Stanislai Martyris, & Episcopi Cracoviensis nocturni de cælo splendoris indicio collecta, & suis locis disposita, ita inter se copulata, ut nulla vulnerum vestigia extarent. Corpus S. Floriani M. Patroni Regni Poloniæ.

lonia inusitatae magnitudinis aquila custodivit &c.

7. Est autem cultus seu adoratio incommuni, actus quo unus alteri se submittit, seu honorat in recognitionem excellentiae.

8. Cultus seu adoratio est triplex: Patriae, duliae, hyperduliae. Patriae est supremus cultus qui soli Deo propter summum imperium, quo universa creavit, gubernat & regit, debetur. Dulia est cultus debitus Sanctis, alijsque interdum adhiberi solet, ut docet S. Th. 2. 2. q. 103. a: 2. Hyperdulia est cultus debitus Sanctis habentibus specialem conjunctionem ad Deum. Sic colitur humanitas Christi D. praecise considerata, ut sancta per sanctitatem creatam, cui tamen ut sanctificatae sanctitate increata deberetur cultus patriae. Cultu hyperduliae etiam colitur B. V. Maria.

9. Adoratio quaecunque illa, alia est absoluta alia respectiva. Absoluta est, quando aliquis honoratur propter se & ratione suae perfectionis. Respectiva, quando propter aliud. Patet hoc in cultu & adoratione imaginum, quae non sistit in imaginibus, sed

112 PRIMVM PRÆCEPT:

sed refunditur in prototypon seu exemplar, puta in eum cuius est imago. Adoratione sacra veneramur etiam nomina sacra, ut nomen: IESUS MARIA. Scilicet propter id quod repræsentant. Patet hoc ex D. Paulo ad Philipp. 1. In Nomine Iesu omne genu flectatur.

10. Ex signis externis non sumitur differentia inter adorationes. Nam omnis submissio externa, est indifferens, potestque tam Deo quam creaturis exhiberi, v.g. genuflexio. Totius corporis prostratio, etiam hominibus exhibentur. Quare à sola intentione pender, quod per talia signa externa, hæc vel illa species honoris deferatur. Si enim externâ illa submissione intendas te submittere tanquam Deo, & testari divinitatem, erit cultus latriæ. Si ut Sancto, doliæ. Si ut viro potenti, erit observantia politica. Makowski super Decal: tract 1. disp. 1. 9. 10.

11. Qui nec canonizati, nec beatificati, cum signis tamen sanctitatis decesserunt, possunt coli cultu privato, seculari.

cluso populi scandalo. Possunt in privatis colloquijs vocari sancti, & in nostrum auxilium, ut pro nobis intercedant, invocari. Hæc probantur à Makovio l: c: q: 5: 3: 11

12. Occasione hujus scias. 1. Inter canonizatos & beatificatos hæc differentia, quòd circa canonizatum sit ultimum judicium & sententia de sanctitate & gloria. Circa beatificatos non. Post beatificationem enim ante canonizationem majus examen fieri solet circa vitam & sanctitatem, Et sic quòd beatificatus sit in gloria, non tam habetur per formam declarativam, quàm concessivam, quàm conceditur ut invocetur.

13. Scias 2. ex Mak: l: c. q. 6. hanc inter cultum publicum & privatum esse differentiam. Cultus publicus fit nomine Ecclesiæ, & ab ea determinatus, ut officium divinum, Missa & alia, quæ pro Sanctis canonizatis ac beatificatis sunt determinata. Privatus exhibetur, non tanquam institutus ab Ecclesia, nec fit nomine Ecclesiæ, sed ex devotione colentis, licet.

licet simul fiat, & publicè. Imò etſi Sacerdotes ſuperpelliceo induti recipiant dona voti gratiâ oblata: hoc enim non tam ad cultum publicum pertinet, quàm ad decentiam. Aliæ difficultates circa cultum privatum videantur in 1. Senti. Mori. diſt: 6.

De Peccatis primo Præcepto oppoſitis.

14. Peccata oppoſita virtutibus Theologicis, ſc: hæreſis, desperatio & odium Dei, opponuntur primo præcepto Decalogi.

15. Item peccata oppoſita virtuti Religionis, Sunt autem ſuperſtitio, tentatio Dei, ſacrilegium, perjurium, ſimonia & blaſphemia. Si hæc præter convitiū addit errorem contra fidem, etiam opponitur fidei, & dicitur blaſphemia hæreticalis, aliàs tantùm dicitur blaſphemia ſimplex.

16. Superſtitio eſt cultus vitioſus quo aut totitur creatura cultu divino aut Deus modo indebito. Makov. l: c: 3: 1: a: 1:

17. Tentatio Dei eſt dictum vel factum ad.

PECCATA OPPOSITA 115

ad capiendum de Deo experimentum, ut sciatur qualis sit, potentiâ, bonitate, scientiâ, voluntate & similibus. Samuel de Lubli-
no v. Tentatio:

18. Sacilegium est rei sacra violatio. Explicatur hæc definitio in 1. Sent: Mor: d: 10. De perjurio & simonia in sequen-
tibus:

19. Blasphemia ex S: T. 2: 2: q: 13: a: 13: est derogatio excellentis bonitatis, & præcipue, divine;

20. Fit autem quatuor modis: 1. Quando aliquid Deo attribuitur quod ei non convenit, 2. Quando removetur quod convenit. 3. Quando proprium Deo creaturæ tribuitur. 4. Quando removetur à Sanctis id quod convenit, vel attribuitur convitiando, quod non convenit. Sam: de Lub: v. Blasphemia. Ex quo patet blasphemiam etiam sic posse defini. Est maledicentia contra Deum & Sanctos;

21. Species superstitionis hæc à S: Th: 2: 2, q: 94, a: 1. numerantur. Indebitus veri Dei cultus. Idololatria, Divinatio, vana observantia.

116 PRIMO PRÆC. DEC:

22. Quid sit indebitus veri Dei cultus, patet. Hoc addo: superstitiosè venialiter agit, qui contra rubricas agit. Armilla v, Superst.

23. Idololatria est cultus quo divinus honor creaturae tribuitur, tanquam Deo:

24. Divinatio est predictio inordinata futurorum.

25. Vana observantia est dum media inutilia adhibentur ad prastandum vel omitendum aliquit. v.g. dum lufores mutant locum, ut malam fortunam evitent.

26. Magia est quinta species superstitionis, sed revocatur, partim ad divinationem si futura ope dæmonis prædicantur. Partim ad vanam observationem, si mira & insolita ope dæmonis fiant. Et sic magia superstitiosa definiri potest. Est ratio quedam ope dæmonii cui futura prædiscendi aut insolite operandi.

Species divinationis cum expressa dæmonis invocatione.

27. 1. Præstigium, quando demon apparet ad prænuntiandum futura. & hominis oculos præstringit ne videat deceptionem.

PECCATA OPPOSITA 117

28. 2. Divinatio per somnia. *dam-ma-gi ex somnijs judicant de occultis & futuris.*
Si deest pactum nec eis utimur tanquam regula actionum nostrarum, est tantum veniale credere somnijs.

29. 3. Necromantia est divinatio per apparitionem & locutionem mortuorum

30. 4. Divinatio per Pythones dicitur dum demon per homines vivos, ut arreptos loquatur de occultis & futuris

31. 5. Geomantia est divinatio per aliquas notas aut signa in corpore terrestri, v. g. ligno, ferro &c.

32. 6. Hydromantia est divinatio per notas in aquis.

33. 7. Aeromantia est divinatio per notas in aëre,

34. 8. Pyromantia est divinatio per notas in igne.

35. 9. Haruspicum est divinatio per notas in intestinis animalium immolatorum.

Species divinationis sine expressa demonis invocatione.

36. 1. Astrologia judiciaria, quæ ex situ motuq. astrorum futura prædicuntur de hominum vita & afflictionibus

37.

37. 2. Augurium, cū ex motu vel sonitu avium, aliorumq; animalium, vel etiam ex sternutatione hominum, membrorum saltu, futurum pradicitur.

38. 3. Omen, cū ex verbis alicujus absq; eo proposito dictis, futurum pradicitur.

39. 4. Chiromantia, quā ex lineamentis manuum aliquid pradicitur. Ad hanc revocatur Spatulomantia, quā aliquid pradicitur ex signis apparentibus in spaiula alicuius animalis.

40. 5. Sortilegium est cū aliquid fit ab homine ut considerato eius eventu occultum innotescat. Fit vel per schedulas extractas vel iactum taxillorum, &c. De his S: Th: 22. q 95. a: 3

41. Sors alia est divisoria, alia consultoria, alia divinatoria.

42. Divisoria est si queratur iudicio sortium, quid alicui sit exhibendum,

43. Consultoria, si queratur per sortes quid agere oporteat.

44. Divinatoria, si queratur per sortes quid sit futurum. S. Th. l. c: a: 8.

45. Hæ omnes species divinationis, licet

PECCATA OPPOSITA 119

licet sine expressa dæmonis invocatione, sunt prohibita, exceptâ sorte divisiâ & consultoriâ, servatis tamen nonnullis conditionibus de quibus in 1. Sentz Morz d: 8. concz.

Species vanæ observationis quatuor numerantur in Armilla Bartholomæi Fumi V. Superstitio.

46. 1. Ars notoria quâ aliquis procurat, & credit se posse consequi v. g. scientiam absq; labore, mediantibus aliquibus actibus ad hoc non ordinatis, v. g. faciendo tot jejunia &c.

47. 2 Vana observatio futurorum eventuum, quâ ex consideratione alicujus eventû, fortuito occurrentis conijcimus quid futurum sit prosperum vel adversum. v. g. si quis domo egrediens pedem offendat & ideo domum revertatur timendo iter infustum.

48. 3. Vana observatio ad immutationem corporum per res naturales non tamen à natura ordinatas ad effectum intentum, v. g. si quis sub signo leonis leupat in astro figuram leonis, quam superstitiosi dicunt

120 1. *PRÆC: DEC: PEC: OFFOS*
cunt valere contra hydropem, pellem &
febres. Item si quis vanis remedijs tol-
lit fascinationem, v: g: immiffione car-
bonum in aquis.

49. 4. Vana obfervatio ad immuta-
tionem corporum *per res fupernaturales*
non tamen à Deo ordinatas ad effectum inten-
tum. v: g: Si verba facra collo appendas,
credens te fic certò confecluturū fanita-
tem. Secus fi folùm habeatur refpectus
ad Deum, à quo humiliter expectatur ef-
fectus. Quali modo etiam licet incanta-
re serpentes. sed ut advertit S. Th: 22.
q. 96. a: 4. plerumque tales incantatio-
nes habent vanas obfervantias & per
dæmones fortiuntur effectus. Dixi. *à*
Deo non ordinatas. Nam gellare Agnum
Dei benedictum, &c. Cùm id à Deo
per Ecclefiam institutum contra male-
ficia.

Divisiones sacrilegij videantur in 1.
Sent Mor: d: 10.

DISTIN.

DISTINCTIO II.

Circa 2. Præceptum.

*Non assumes Nomen Dei tui in
vanum.*

Hoc præcepto prohibetur omnis
inordinata usurpationis Nominis Dei,
Temerè jurando. Adjurando. Voven-
do & non reddendo. Blasphemando.

2. Iuramentum est *Veritas Divino testi-
monio confirmata.* Hinc jurare est Deum
in testimonium alicujus veritatis addu-
cere.

3. Tres sunt conditiones necessariæ ut
iuramentum debito modo fiat. Veritas,
Iustitia. Necessitas. S. Th. Opusc. 4. in
præsentia. Veritas consistit in hoc quòd
res ita se habeat, vel saltem putatur ita
se habere ut juratur. Necessitas quando
agitur de propria aut proximi fama &c.
Iustitia quòd res jurata non sit contra le-
gem Dei.

4. Iuramentum est quadruplex. As-
sertorium, Promissorium, Comminato-
rium

rium. Execratorium. Assertorium est assertio Divino testimonio confirmata. Promissorium est promissio Divino testimonio confirmata. Comminatorium est comminatio Divino testimonio confirmata. v. g. Iuro Deum, percutiam Petrum. Execratorium est execratio Divino testimonio confirmata. v. g. Deus me damnet, si mentior.

5. Adjuratio est inductio alicujus personæ vel creature ad aliquid faciendum vel non faciendum ex invocatione rei sacræ. S. Antoninus apud Armillam v. Adjuratio.

6. Duplex est adjuratio. Imperativa & deprecativa. Imperativâ quâ utimur ad subditos, precipiendo & timorem incutiendo. v. g. adjuro te per Deum vivum. Deprecativâ quâ utimur ad Deum, Sanctos vel homines superiores, ut patet ex usu Ecclesiæ orationes sic finiendo. Per Dominum N. &c. Similiter in Litanis. Per mysterium Sanctæ Incarnationis. Sam: de Lub. v. Adjuratio.

7. Ut adjuratio sine peccato fiat hæc præcipuè conditiones exposcit. 1. Ut de re bona fiat, 2. Ut intentione bonâ.

3. Ut urgente rationabili necessitate.

8. Votum est *promissio facta Deo de his qua ei magis placent*. Licet vota fiant Sanctis, hoc tamen fit propter Deum qui in Sanctis colitur.

9. Votum has petit condiciones, 1. Ut sit circa materiam bonam. 2. Possibilem. 3. Liberam votum emittenti. 4. Meliorem suo contrario. Hinc votum contrahendi Matrimonium non valet: quia materia voti non est melior suo contrario quod est calibatus.

10. Votum aliud est simplex aliud solemne. Simplex est *nuda promissio facta Deo de meliori bono*. Solemne est quod *preter promissionem Deo factam de meliori bono tradit hominem Deo irrevocabiliter*, De differentia horum dixi in 1. Sent: Mor. d 14.

11. Hi contra hoc præceptum peccant qui pejerant. Pejerare est Deum in testem adducere, vel sine veritate, vel sine necessitate, vel sine iustitia. Irreverentia, est conditio generalis in omni perjurio imbita, Adducere Deum in testem

sine veritate licet in re levi, semper est p: mortale. Tantum sine necessitate, est p: veniale. Sine iustitia in re levi, servatâ veritate p. veniale. v.g: juro, percutiam leviter Petrum.

12. Secundum Marchantium peccant etiam contra hoc præceptum, qui frequenter (ut sic loquar) dæmonem in ore habent. Eo fortè modo, quo negatio reducitur ad affirmationem. Quamvis enim in ira nominare dæmonem, sine imprecatione, non sit peccatum, assidua tamen ejus nominatio dedecet Christianum, & sic à veniali non excusatur.

13. Qui adjurant superiorem imperativè, dæmonem deprecativè v. dicta in 1. Sent: Mor: d: 13. Conc: 2. & 3. Qui vota non implent. v. dicta l. c: d: 14. Conc: 11. Qui blasphemant v. l. c. d: 7. Qui per creaturas tanquam testes ex se infallibiles jurant, v: l. c. d: 11.

DISTIN.

DISTINCTIO III.

Circa 3. Præceptum.

Memento ut diem Sabathi sanctifices

1. **H**Oc præcepto in nova lege in ali-
quibus immutato : Sanctificatio
Festi, Missam audiendo, non laborando,
orando, se ad diem festum per jejunium,
præparando, semel in anno confitendo
& communicando, Ministris Ecclesiæ
necessaria præbendo, præcipitur.

De Die Festo.

2. Sabathi nomine intelligitur dies,
quo homo vacare tenetur ab operibus
servilibus ad vacandum rebus divinis.
Quia tamen (ut docent Theologi) finis
præcepti non cadit sub præcepto, non
peccat homo contra hoc præceptum, si,
supposita Missæ auditione, rebus divinis
non intendat.

3. Nullum festum in Ecclesia ex jure
divino est introductum ut docet Fernan-
dez in præsentia & alij, cujus oppositum
habet Kovodovius secutus Angelum &

Si vestrum. Colligit id Fernandez ex c: licet, de ferijs, & c. 1. de consecratione d: 3. Licet enim jus naturale divinum præcipiat hominibus Deum honorare & revereri, non tamen tempus definit, quo in novo testamento id facere teneamur, sed omnia festa novæ legis introducta sunt ab Ecclesia.

4. Festum ergo Dominicæ ab Apostolis institutum esse colligitur ex Apoc: 1. in hac die Christus resurrexit. Spiritum S. Apostolis misit. Cælum & terram creavit. Vinum in aquam convertit. Natus & baptizatus fuit, Quinq; panes benedixit, & multiplicavit. Januis clausis ad Apostolos intravit &c. Gabriel à S. Vinc: in Summa Mor: v. Festi dies. Adde ex eodem in N. Summa Philosophica relato: hac die Annuntiatio & Conceptio Filij Dei in purissimo B. M. V, utero fuit.

5. Dies festus non eodem modo incipit & terminatur. Nam quoad jejunium incipit à media nocte præcedente vigiliam. Quoad jilia incipit ab ortu Solis
& fi.

& finitur in occasu. Quoad officium
Ecclesie incipit à vespers.

Circa Missam.

6. Scias ex Moscicensi quem retuli in
1. Sent: Mor: d: 16. audire non ita in
præsentia sumitur, ut idem significet quod
aure corporis percipere alias surdus non
diceretur Missam audire, neq; sanus si
Sacerdos submissè diceret, imò etiamsi
clarâ voce in magna populi frequentia;
nam tunc valde distantes non audiunt.
Vnde omnes DD passim docent nemi-
nem ex præcepto teneri, sic audire & mi-
nùs intelligere verba Sacerdotis. Sumi-
tur itaque hic auditio moraliter, quòd
se gerat adinstar audientis, decenter,
piè, religiosè Missæ assistendo, cruce se
signando, genua flectendo &c. Exoptan-
do vt Sacerdos pro omnibus orans exau-
diatur. Cogitando de Deo cui Sacrifi-
cium offertur. Vel de Dei beneficijs
quæ per Sacrificium offeruntur. Nullum
impedimentum devotioni repugnans præ-
stando v;g. colloquendo, distractè oran-
do &c.

Circa Orationem.

7. Quid sit Oratio dixi supra Opusculi 2: d: 8. ubi & orationem Dominicam explicui. *Attentio* in *Oratione* potest considerari triplex. *Actualis*. *Virtualis*. *Habitualis*. *Attentio actualis* est quando quis voluntariè actu attendit ad id quod operatur. *Virtualis* est quando quis à principio instituit attendere & casu contra suam voluntatem cogitat de alijs. *Habitualis* est quando quis operatur ex habitu & consuetudine mente non intendens ad illud quod operatur. v. g. qui instrumentum pulsans ex consuetudine, mente ad alia negotia totus intendit, neque à principio animum applicat ad pulsandum. *Habitualis* non sufficit ad orationem ut habetur in glossa *N. N. Constitutionum c: 1. de Officio Ecclesiæ Litterrâ D.*

8. Loquendo ergo de *attentione actuali* & *virtuali* (quam *S. Ths* vocat *habitualement*) scias ex *Cardinali Cajetano*, quatuor modis potest quis orando attendere

dere. 1. quantum ad verba. Per quod significatur, quod verba non debeant dimidiari, & quasi devorari, sicut aliqui incipiunt versum & reliquum ita deglutiunt, ut vix se ipsos intelligant. Item, quod versus non debeat inchoari, nisi prius locus suum versum faciat. In quibus modò dictis si multoties intra idem officium divinum exceditur peccatur mortaliter ut cum Navarro docet Fernandez. Quia notabiliter minuitur officium divinum, & notabiliter turbatur devotio.

Secundò potest quis attendere ad sensum verborum, ut mente percipiat & applicet affectum ad id quod verba significant. Hæc non exigitur, licet in hominibus doctis. Moscicentis tractando contra scrupulos.

Tertiò, quantum ad gratiam petitam. v.g. castitatem, humilitatem, fidem &c.

Quartò ad ipsum Deum &c. Hæc omnes, excepta 2da communes sunt doctis & indoctis. S. Th. 2. 2. q. 83. an. 3. has ad tres reducit.

9. Qui non ex præcepto orat & distrahitur voluntariè, ordinariè non nisi venialiter peccat. Qui ex præcepto orat & voluntariè distrahitur, v: g: dicendo horas Canonicas, mortaliter peccat. Maledictionem ps: 108. fulminatam, portat: sc: *Oratio ejus fist in peccatum.* Et ideo quibusdam irreverenter divinum officium recitantibus dæmon apparuit, eosq; foetidissima (vt refert S. Greg: M.) urinâ totos aspersit, dicens. *Ad talem orationem hanc meritò infundo asperisionem.*

10. Inter præcipuas orationes numerantur horæ canonicæ, sic dictæ, quòd ex præscripto Canonum certis horis diu noctuq; à Clericis dicantur. Septennario complentur numero. Matutinum. Prima. Tertia. Sexta. Nona. Vesperæ. Completorium. Significant varia passionis Christi D. tempora, his expressa.

Matutina ligat Christum, qui criminâ purgat. Prima replet sputis. Dat causam tertia mortis. Sexta Cruci nectit, Latus ejus Nona bipartit. Vespera deponit, Tumulo Completa reponit.

Cir.

Circa labores.

11. Opera quæ prohibentur die festo sunt opera servilia, hoc est quæ servis tantum cōveniunt, nec illis sunt communia cum hominibus ingenuis. Servorum nomine non solum mancipia intelligas, sed plebeios homines, & operibus Reipublicæ inservientes, Fernandez p: 1: c: 7,

¶ 1.

12. Præter hæc prohibentur nonnulla opera non servilia. 1. Nundinæ, nisi consuetudo aliud svadeat. Locationes. 2. Iudicium civile, & criminale. Non tamen vetatur appellare. 3. Iuramentum in iudicio, nisi aliud svadeat gravis necessitas. 4. Strepitus judicialis. Et annullatur processus & sententia lata in festo, etiam de consensu partium. Nisi gravis vrgeat necessitas. Nam aliquando immanitas delicti notorii petit malefactorem subito etiam sine processu suspendi. Hæc referunt Fernandez & dela Cruz in præsentis. Alia in fine hujus tractatûs examinabuntur.



DISTINCTIO IV.

Circa 4. Præceptum.

*Honora Patrem tuum & Matrem
tuam.*

1. **H**Oc præcepto præcipitur, honore, amare, obedire parentibus. Nomine parentum. 1. intelliguntur parentes secundum carnem, 2. superiores in rebus spiritualibus. v.g. Episcopi. Abbates 3. Superiores in rebus corporalibus. v.g. Reges &c. Tandem omnes, qui super nos aliq. a. potestatem habent. v. g. magistri, tutores &c. Ferno loco cit. c. 8. §. 1.

2. Peccant contra hoc præceptum, non solum filij, sed & Parentes non instruendo filios & filias in doctrina Fidei & bonorum morum Domini non præbendo servis necessaria. Non curando ut dies festos & similia observent. Maritus uxorem contumelijs afficiendo & c. contra.

DISTIN.

DISTINCTIO V.

Circa 5. Præceptum.

Non Occides.

1. **H**Oc præcepto prohibetur non solum homicidium corporale sed & spirituale, quod fit scandalizando, non corrigendo.

De Homicidio.

2. Homicidium est *injusta hominū occisio*. Sub hac comprehenditur vulneratio, percussio, mutilatio, incarceration, & cætera contra salutem corporalem proximi. v. g. non pascendo vel eleemosynam denegando. Ad homicidium etiam reducuntur Ira. Invidia. Maledictio. Odium & similia.

3. Homicidium est duplex : voluntarium, quod animo & intentione occidendi hominem, perpetratur cum effectu. Casuale, quod fit præter intentionem occidentis, aut facientis id, unde mors secuta. Est duplex. Aliud purè casuale, quod nec implicite est volitum.

Et

Et hoc non causat irregularitatem. Quia nullo modo est voluntarium. Aliud est quod saltem indirectè & in sua causa est volitum, ut si sit in ea prævisum, aut expressè aut implicite, in quantum poterat prævideri & non est adhibita diligentia: Et sic peccata in ebrietate commissa solent esse voluntaria.

4. Ad iustam occisionem hæc necessaria. 1. ut fiat autoritate publicâ, 2. ut fiat ex causa gravi. 3. ut servetur juris ordo. 4. ut sit recta iudicis, vel ministri exequentis intentio.

5. Non solum is peccat qui physicè occidit aut vulnerat, sed etiam qui sequentibus verbis continentur.

Iussio, consilium, consensus, palpo, recursus.

Participans, mutus, non obstant, non manifestans.

Id est, Qui præcipit. Qui consilium dat. Qui consentit, & ratum habet, si-
ve ante si-ve post occisionem. Qui lau-
dat factum, vel ut fiat. Qui defendit ho-
micidam & præbet ad se recursum. Qui
par-

partem aliquam habet in homicidio, seu socius criminis aliquomodo, & auxilium præbuit. Qui non præmonet occidendum. Qui non defendit. Qui non manifestat veritatem ad defendendam vitam innocentis.

6. Ad bellum justum tria requiruntur: 1. autoritas superiorem non recognoscens. Nam recognoscens superiorem nequit movere bellum, cum possit jus suum prosequi iudicio superioris: 2. causa justa v. g. damna valde gravia illata: tentandum tamen medium suavius. 3. recta intentio scilicet ut bonum promoveatur & malum amoveatur. S. The. 2. 2. q. 40. ar. 1.

De homicidio facto per denegationem eleemosynæ: si enim non pavisti, occidisti: ait S. Ambrosius.

7. Scias. Pauperum indigentia est triplex. Extrema, gravis & communis: Prima est quando desunt necessaria victa, & sine quibus vita aut deficiet aut abbreviabitur.

breviabitur, aut gravi & diuturno morbo corripietur. Gravis necessitas est, dum desunt necessaria ad conservandam conditionem proprii statûs. Communis est mendicantium, qui licet multo indigeant, quia tamen à multis postulant moraliter loquendo non possunt suo statui necessaria non invenire.

8. Dum ergo proximus est in extrema vel quasi extrema necessitate ad vitam conservandam, tenetur sub mortali quivis subvenire ei, si habeat superflua vitæ & naturæ, & probabiliter putat neminem subventurum: etiam si non habeat superflua statûs. Hoc enim exigit lex charitatis.

9. Item dum proximus est in gravi necessitate, tenetur sub mortali subvenire ei qui habet superflua statûs, si non sit alius qui subveniat. Quia hoc exigit lex charitatis. Præsertim, si nemo subveniret, facile gravis necessitas transiret in extremam. Utramq; conclusionem docet Armilla & Mosè: & alij

10. Sunt autem superflua vitæ, quæ
dem-

demptis necessarijs ad vitam conservandam adhuc supersunt. Superflua verò statùs sunt illa, quæ demptis necessarijs ad sustentandam vitam & decentem statum, juxta conditionem personæ, adhuc supersunt.

11. Loquendo de communibus proximorum necessitatibus, quales esse solent in ordinarijs pauperibus, divites habentes superflua statùs, tenentur sub mortali ad aliquam eleemosynam elargiendam, indeterminatè tamen, cui & quibus voluerint, & temporibus, quibus placuerit. Nam aliquando hæc etiam necessitas facilè transiret in gravem & extremam.

De Homicidio spirituali per scandalum & omissionem correctionis fraternæ.

De Scandalo.

12. Scandalum est dictum vel factum minus rectum occasionem spirituali ruine præbens. Et sic quando aliquis ex alterius peccato excitatur ad odium peccati

non

non est scandalum. Vnde error nonnullorum sic scandalum accipientium est corrigendus.

13. Scandalum aliud est activum, aliud passivum. Activum est, quando dicto vel facto tuo directe intendis ut alter ruat, inducendo eum ad peccatum. Vel si non intendis ut ruat, ipsum dictum vel factum est inductivum ad peccandum. v: g. si publice pecces; aut facias aliquid habens speciem peccati. Passivum est, quando dictum vel factum unius, est causa alteri per accidens peccandi. v: g. si operans non intendat aliquem inducere ad peccatum, nec opus est ex se inductivum, alter tamen sumit inde occasionem peccandi. Quod si sumat occasionem peccandi ex sua malitia est scandalum Pharisaicum. Si ex infirmitate vel ignorantia, est scandalum pusillorum vel infirmorum.

De Correctione Fraternali

14. Quinq; cōditiones ad correctionem necessariae. 1. ut certam moraliter notitiam quis habeat de peccato proximi.

2. ut proximus indigeat correctione five
 ve propter ignorantiam, five inadver-
 tentiam, five propter propositum iteran-
 di, & non putatur ab aliquo alio corri-
 gendus. 3. ut ex correctione speretur
 probabiliter emendatio, saltem ad tem-
 pus. Nec tamen facile nobis de emenda-
 tione proximi malè persvadeamus. Cùm
 sæpè emendentur de quibus minùs spera-
 tur. 4. ut fiat eo ordine quo Christus D.
 ordinavit. Si tamen peccatum sit contra
 fidem, aut bonum commune subito de-
 clarandum. S. Th. 2. 2. q. 33. a: 7. in
 corpore articuli. Quòd si error contra
 fidem prolatus non esset cum pertinacia,
 tunc non posset subito declarari, sed
 secretò corrigi. s: ut fiat cum opportu-
 nitate, five temporis, five loci, five per-
 sonarum, v: g: si indigens correctione,
 valde irascitur, probabiliter nihil effici-
 et monitio. Si in aliorum præsentia,
 fortè magis exacerbatur. Quòd si con-
 tinuat malitiam, svaviter occurrendum
 prout fieri potest. Quandoq; expectanda
 persona ad corrigendum magis idonea,

15. Ordo in fraterna correctione servandus traditur à Christo D: Matt: 18. Si peccaverit in te (idest secretè) frater tuus, vade & corripe eum inter te & ipsum solum. Si te non audierit adhibe tecum adhuc unum vel duos, ut in ore duorum vel trium sit omne verbum. Quod si non audierit, dic Ecclesiæ. Si autem Ecclesiam non audierit, sit tibi tanquam Ethnicus & Publicanus.

16. Attamen si judicatur secretam correctionem non profuturam potest immediate procedi ad secundum medium, & idem de secundo medio, quod etiam omitte potest si sciatur non profuturum. Alia pertinentia ad particulares casus. vide in 1. Sent: Mor: d: 21. & sequ.

Circa sextum Præceptum.

Quo prohibetur omne peccatum repugnans castitati, vide dicta Opusci 3. d: 3.

DISTINCTIO VI.

Circa 7. Præceptum.

Non furtum facies,

Hoc

DECALOGI.

141

Hoc prohibetur iniqua acceptio, &
rei alienæ detentio.

De furto.

1. **F**urtum est *ablatio rei alienæ invito domino rationabiliter*. Distinguitur specie à rapina (*qua est ablatio rei alienæ publicæ*) ut docet S. Th: 2. 2 q. 66. a: 4. Et sic circumstantia rapinæ est necessariò in confessione explicanda.

De Simonia.

2. Simonia est *studiosa voluntas emendi vel vendendi aliquid spirituale vel spirituali annexum.*

3. Hoc peccatum est contra virtutem religionis. Quia res sacræ indignè tractantur si pretio temporali commutantur. Est etiam contra iustitiam, si venditur id quod debebatur. v: g: si Parochus vendit confessionem. Item dum res carius propter consecrationem v: g: calix venditur.

4. Simonia est triplex. Realis. Conventionalis, Mentalis. Realis dum exhibetur vel promittitur res temporalis pro re spirituali *actu vendita & tradita,*

142 VII. PRÆCEPTUM.

Conventionalis est dum convenitur de pretio & venditione, sed adhuc non est secutus effectus.

Mentalis est dum traditur temporalium cum intentione accipiendi spirituale pro ea, sed sine conventionione & pacto explicito vel è contra.

5. Præter has assignari solet confidentialis: sed secundum varias circumstantias est reducibilis ad prædictas.

6. Committitur Simonia confidentialis in collationibus & resignationibus beneficiorum, dum se: confertur beneficium, cum confidentia, vel quòd sit resignandum alteri, vel collatori, vel ejus fructus aut aliqua pars.

7. Committitur simonia offerendo quancumque rem per modum pretij pro re sacra. Vnde dicitur, committi simoniam per munus à manu, per munus à lingua, per munus ab obsequio.

8. Tunc munus à lingua, v: g: preces, adulationes &c. habet modum pretij, si ex pacto & obligatione accipitur, ut cum aliquis docet bonac: vel sim.
ten.

tendatur à conferente principaliter emolumentum temporale, ut S. Ths explicat M. Sotus. Quod fit si Episcopus acceperet preces intuitu emolumenti temporalis:

9. Non sufficit ad simoniam perfectam & realem traditio pecuniæ pro beneficio, sed debet esse traditio beneficij. Valet tamen traditio beneficij sine actuali traditione pecuniæ ad perfectam simoniam. Sotus & alij apud Fernandez.

De Usura.

10. Usura est *lucrum ex mutuo proveniens* v: g: dantur alicui viginti floreni, cum pacto ut reddantur viginti quinque, illi quinque sunt *lucrum usurarium*,

11. Non nego ex accomodato posse oriri usuram, sed definitio datur per mutuum, ut quid communius.

12. Distinguitur autem mutuum ab accomodato, quòd mutuum transeat in dominium mutuatarij, & sic ei, ut pote domino perit. Accomodatum verò non transiit in dominium accommodantis, ut patet in velle accomodata.

13. Si aliquid supra rem mutuam, præstatur, ad amicitiam conciliandam, non est usura. Quia præstitum debet esse pretio æstimabile, qualis non est amicitia.

De Restitutione.

14. Restitutio est actus iustitiæ. iustitia est *perpetua & constans voluntas sui sui unicuique tribuens* S. Th, 2. 2. q. 58. art.

15. Dividitur in legalem, distributivam & commutativam. *Legalis est quæ damus bono communi quod suum est. & sibi debitum.* v: g: inimicus facit incursum contra civitatem, omnes cives obligantur ad defensionem ex iustitia legali.

16. Iustitia distributiva est, *quæ damus unicuique debitum secundum merita.* v: g: duo concurrunt pro dignitate obtinenda, ex iustitia distributiva oritur obligatio conferendi digniori.

17. Major autem dignitas, non tantum sumitur à scientia, sed etiam ab alijs, v: g: à probitate morum, &c.

18. Commutativa est, *quæ damus unicuique*

*Quiq; sum non secundum merita sed secundum
aequalitatem rei ad rem, ut patet in emptio-
ne & venditione.*

19. Obligatio restituendi ex tribus
capientus oritur. 1. ex re accepta. 2. ex
injusta acceptione seu actione. 3. ex
utroque. Obligatio ex re accepta. v: g:
habeo rem alienam ad tempus, quo e-
lapso teneor eam reddere. Obligatio
restituendi ex injusta acceptione tunc
est quando damifico proximum nihil
retinendo. v: g: conburo domum. Ex
utroq; quando rem alienam detineo da-
mnificando v: g: in furto.

20. Casus restituendi reducuntur ad
sequentes versus.

Quis. Cui Quod. Quantum vel ubi.

Quo tempore. Quovè

Ordine, sive modo. Te rogo mente
notes.

21. Fructus sunt triplices. Merè natu-
rales. v. g. partus pecorum. Mixti, v: g:
fructus vinearum. Merè industriales.
v: g. lucrum ex pecunia furto ablata ludo
acquisitum. Licet pecunia sit restituen-
da,

146 VII. PRÆCEPTUM

da. non tamen tale lucrum.

22. Triplex etiam culpa ex qua oritur obligatio r. statuendi. Lata, Levis. Levissima.

23. Lata dicitur quam communiter homines supinè negligentes committunt. v. g. relinquitur liber accommodatus in porta domûs vel extra domum. est culpa lata.

24. Levis est dum homo non facit diligentiam, quam homines mediocriter diligentes faciunt. v. g. relinquitur liber in cubiculo, sed ostio aperto.

25. Levissima est dum homo non facit diligentiam quam faciunt homines tuis rebus bene invigilantes. v. g. relinquitur liber in cubiculo clauso sed non obsecrato.

DISTINCTIO VII.

Circa 8 Præceptum.

*Non loqueris contra proximum tuum
falsum testimonium.*

1. Hoc

1. **H**oc præcepto prohibetur omne peccatum lingvæ. v. g. falsum testimonium, mendacium, detractio, contumelia, convitium, murmuratio, si surratio, derisio, maledictio &c. Prohibetur etiam cooperatio ad hæc. Huc perinet iudicium temerarium, sup'cio, &c. Item prohibentur peccata in iudicio commissa.

2. Falsum testimonium est assertio falsi in præjudicium tertij. includit mendacium, quod est assertio falsi ad decipiendam proximum. Licet dicatur verum si putatur falsum, adhuc est mendacium.

3. Mendacium aliud iocosum, aliud officiosum, aliud perniciosum. Iocosum est ob delectationem. Officiosum ob utilitatem. Perniciosum in nocumentum proximi.

4. Dum quis in iudicio testificatur falsum. 1. peccat peccato mendacij. 2. peccato sacrilegij, si adhibet iuramentum. 3. peccato iniustitiæ.

5. Detractio est denigratio fame alterius

per verba in ejus absentia. Differt à contumelia, quia contumeliosus per verba manifesta in faciem, remouet honorem. Detractio ergo famam, contumelia remouet honorem. S. muel de Lub: v. Detractio, v. dela Cruz exponendo 8. Decalogi præceptum q. 2. a: 2 dub: 1.

6. Scias quòd fama sit *multorum de aliquare, vix prolata opinio.* Honor est exhibitio reuerentie in testimonium alicujus excellentie. Gab à S. Vinc: v. Fama & v. Honor.

7. Contumelia est *inhonoratio alicujus per verba, aut signa denotantia malum culpæ.* v: g: si alicui dicatur fur, mendax &c. Differt à convicio: quia per convicium representantur mala siue pœnæ culpæ. v: g. dico. es cæcus est convicium. Dico es fur est convicium, sed non tantum secundum S: Th: 2. 2. q: 72. a: 1.

8. Quando dicitur *defectus minorationis seu indigentia est improprium.* v: g: si dicatur, ego te de fame eripui.

9. Murmuratio est *quærela cum impatientia, in hi, qua homo patienter ferre debet.*

10. Sufurratio, est quâ qui obsequendo
amicitiâ inter aliquos tollit.

11. Derisio, quâ qui alterius malum vel
defectum in ludum vel risum ponit ut erube-
scat. Potest fieri verbo, cachinno, na-
so &c.

12. Detractio multipliciter fit. 1. im-
ponendo falsum. 2. augendo peccatum.
3. revelando occultum. 4. dicendo,
bonum malâ intentione factum. 5. ne-
gando bonum alterius 6, malitiosè re-
ticendo. 7. minuendo. 8. frigide lau-
dando. Armilla ex S. Th: exprimuntur
his.

Imponens, augens, manifestans, in
mala vertens.

Qui negat aut minuit, tacuit. laudatq;
remissè.

13 Fama sic restituenda. Qui verum
crimen. occultum tamen. revelavit, di-
cat secundum D. Th. 2.2 q 67. 3.2. ad 2.
se malè dixisse, injuste diffamasse. Vel
laudet in illa materia in qua infama-
it, ut docet Motz: cum Lessio. v, g: dicen-
do. hic homo tali virtute apud homines

claret. Nec mentitur, nam verè claret, cum oppositum publicè non conlter.

14. Dixi, qui verum crimen &c. Nam qui falsum crimen imposit. tenetur dicere se fuisse mentitum, quod si opus, tenetur jurare. Si non sufficit adducere testes sui mendacij. Dela Cruz exponendo octavum præceptum. cum Bannez & Soto.

15. Honor restituendus. t. amicâ salutatione, ostensione majoris benevolentiz, peculiari favore & honore. Qui modus sufficit superioribus erga inferiores. sc. Prælati, Dominis, Parentibus, Magistris, Viro nobili erga plebeium.

16. 2. Adhibendo ad mensam, dando locum honorificum. Hoc sæpè sufficit inter homines paris conditionis.

17. Petendo veniam. Qui modus servandus ab inferioribus erga superiores, & sæpè ab æqualibus si justè exigatur, nec plùs ante sententiam judicis est exhibendum, etiam pro summis injurijs. Hunc modum moribus gentium receptum, ait L. ffius. Scias, magis humilem
veniam

venia petitionem, pro majori injuria exhibendam.

18. Maledictio est *quā quis imprecatur alicui cum desiderio aliquod malum* v: g: mortem infamiam, &c.

19. Maledicere creaturas irracionales simpliciter absque alia ratione est verbum otiosum. Maledicere relatas ad Deum vel ad bona hominis, est p: mortale. Maledicere creaturas irracionales prout referuntur ad aliquod malum, prout Iob maledixit diei suæ, non est peccatum. Alias bonus Iob peccasset, quod non est dicendum.

20. Maledictio non animo nocendi, vel ex subreptione, est p: veniale ob imperfectionem actus. Nisi illo parvo tempore, & in illa subita ira esset perfectus consensus, quia tunc esset mortale licet transacta ira nollit tale malum. Armilla ex Caic. in Summa.

21. Habentibus consuetudinem maledicendi injungenda aliqua devotio, v. g. vnum Ave Maria, vel formatio Crucis, vel nominatio Nominum IESVS MARIA.

152 VIII. PRÆCEPTUM.

saltem semel singulis diebus, ut sic gratiam præservativam à tali consuetudine impetrent,

22. Iudicium temerarium est, *dum quis sine sufficienti fundamento, iudicat malum de proximo.*

23. Suspicio est *dum quis assentitur vni parti cum incertitudine & cum formidine alterius parti.* Differt ab opinione, quia opinio in utraque partem ferri potest, suspicio verò fertur in deteriorem partem.

24. Tria ad temerarium iudicium concurrunt. Deliberatè, sine sufficientibus judicijs, & sine formidine asserere. *v.g.* videtur juvenis in domo mulieris, vel loquens cum illa, & propter hoc tantum, iudicatur peccasse, vel intendere peccare.

DISTINCTIO VIII.

Circa 9. & 10. Præceptum.

Non concupisces uxorem proximi tui.
Non

*Non desiderabis domum proximi tui,
non servum non ancillam, non bo-
vem, non asinum, non omnia
qua illius sunt.*

1. Circa hæc duo præcepta non mul-
ta occurrunt. Nam ea quæ sexto
& septimo quo ad actum externum, no-
no & decimo quoad desiderium prohi-
bentur. Et sic ex notitia illorum, facilis
notitia circa hæc potest haberi. Pro ma-
jori tamen notitia de cogitatione moro-
sa, aliquid.

2. Itaq; cogitatio morosa tunc est;
quando quis non intendit actu perpetra-
re peccatum v.g. carnis vel quodcunque
aliud, sed contentatur illa delectatione,
quæ oritur ex imaginatione objecti illi-
citi. Dicitur morosa, quòd in ea mora,
permittendo eam trahatur.

3. Consensus in cogitationem moro-
sam est duplex, expressus & tacitus. Ex-
pressus est, quando voluntas positivè ac-
ceptat delectationem. Implicitus est
quando voluntas nec consentit nec dis-

sentit expresse, sed permittit durare cogitationem & delectationem. Qui plura d' siderat circa Decalogum videat primum Sententiarum Moralium.

APPENDIX

De PRÆCEPTIS ECCLESIAE

1. **P** Rincipalia & antiquissima præcepta Ecclesiae sunt quinque, ait Mosci: 2. p: Tyrocinij artis poenitentiarie: 3. §. 3. sc: confiteri semel in anno, communicare, in Paschate, Missam audire de festo, quod pertinet cessare a laboribus, solvere decimas & jejunare.

2. De confessione annua dicitur tractando de Sacramento Poenitentiae De commutatione Paschali tractando de Sacramento Eucharistiae De die festo jejunio altum d: 3. h: q: Opusculi. De decimis aliquid dicendum ut convenit scire Ordinandis relinquendo aia Casuilli.

3. Decima ergo est fructuum jure questionum pars decima, quae ministris Ecclesiae quotannis solvitur.

4. Multis de causis est instituta. 1. vt profiteamur Deum rerum omnium habere dominium supremum. 2. vt Ministri Ecclesie commodè alantur. 3. vt peregrini, advenæ & egentes subsidium habeant. 4. vt Párochi multa onera, inter quæ reparatio fabricæ sustineant.

5. De jejunio egi Opusculo 1. d: 8. §. 1. Aliquæ tamen consuetudines circa jejunium Polonis sciendæ.

1. Licet die Veneris, aliàs feriâ sexta, extra Quadragesimam & Vigiliis SS. non sit de jure commune jejunium, in Polonia tamen est de consuetudine obligantes loquendo etiam de jejunio rigorosè accepto, consistente in vna comestione & vespertinâ collatiuncula. Accedit: hæc die non conceditur usus lacticiniorum, tempore Paschali

2. Quandoquæq; in Regno Poloniæ conceditur usus lacticiniorum, conceditur & œna. attendendo consuetudinem. Hinc quia in Vigilia Pentecostes, diebus quitur temporum ante festam.

SS. Trinitatis, in eodem regno conceditur vsus lacticiuniorum, conceditur & cana.

3 Ieiunia consuetudinaria in Vigilijs B V. Mariæ (ieiunium autem in Vigilia Assumptionis est de iure communi) non sunt sub p: mortali observanda.



OPVSCVLVM

QVINTVM.

De Sacramentis

DISTINCTIO I.

De SACRAMENTIS in GENERE

IY Sacramentum variè sumitur.
 1. Pro iuramento. 2. Pro am-
 orum & principiu n secreto. 3.
 Pro myterio. est autem mylteriu n res di-
 vina occulta naturalem cognitionem excedens.
 4. Sumitur propriè pro signo rei Sacra.
 Quid di.

Quidditas Sacramenti.

2. Sacramentum est signum rei sacre
sanctificanti nos S. Th: 3 p q 60. a. 2

3. Per signum, intellige signum ad pla-
citum scilicet divinum. hoc est ex institutio-
ne Christi D: *Sacrum, Secretum. Practi-*
cum. quia gratiæ conferendæ. perma-
nens. sensibile.

4. Per rem sacram intellige gratiam
sanctificantem. quia ratione Crux, ima-
gines, ceremoniæ sacræ, figuræ veteris
Testamenti, non sunt Sacramenta. quia
non sunt instituta ad significandam gra-
tiam ut conferendam, seu quod idem.
quia non sunt instituta ad justificationem
hominis.

5. Sacramentum est signum trium re-
rum. Passionis Christi D. rememorati-
vum, gratiæ demonstrativum, vitæ æter-
næ prognosticon, id est, prænunciativum.
S. Th: 1 c. a. 3. sed principaliter signifi-
cat gratiam S. Th: a 3.

6. Tria in sacramento reperiuntur.
Sacramentum tantum, res tantum, res & Sa-

358 *De SACR. in GENERE.*

sacramentum simul. v. g. in Baptismo *Sacramentum tantum* est exterior ablutio, *Res tantum*, est gratia in Baptismo collata. *Res & Sacramentum simul* est character, S. Th: 3. p. q. 63. a. 3, ad 1. Est autē *Sacramentum tantum*, quod significat tantum. *Res tantum* quod significatur tantum. *Res & Sacramentum simul*, quod significat & significatur.

7 Ad essentiam Sacramenti tria concurrunt. *Materia*, id est, res aliqua sensibilis. *Forma*, id est, verba, & intentio Ministrī: In Sacramento Matrimonij sufficit aliqui loco verborum, v. g. natus, vel aliud signum exprimens consensum.

8 Eugenius IV in literis vniōis, hoc ponit discrimen inter Sacramenta novæ & veteris Legis quòd Sacramenta veteris Legis tantum significaverint gratiam, Sacramenta verò novæ Legis etiam causant.

9. Quod sic intellige. Sacramenta novæ Legis habent vim productivam gratiæ, Sacramenta verò antiquæ Legis

non habuerunt vim tale n: movebant
tamen & moraliter excitabant Deum ad
danda n, ritè suscipientibus, gratiam, ,
quatenus erant signa Christi venturi.
Sumitur hæc doctrina ex Manuali Tho-
mæstaram P. Guæc. de Sac. c. 1.

*Institutio & necessitas Sacramen-
torum.*

10. Christus D. ut Deus authoritati-
vè & ut causa principalis, instituit Sa-
cramenta, ut homo verò per potestatem
excellentiæ, & ut causa ministerialis.

11. Omnia Sacramenta instituit Chri-
stus D. Trident: sess: 7, can: 1. Præci-
puè propter justificationem & salutem
æternam. Hic enim principalis finis &
necessitas institutionis Sacramentorum.

12. Præter principalem necessitatem,
quæ est justificatio & salus nostra, tri-
plex assignatur à S: Th: 3, p. q. 62, ar: 1.
necessitas instituendi Sacramenta, sc: ut
homo erudiscatur, humilietur & exercite-
tur. Sic enim loquitur. *Per Sacramen-
torum institutionem homo convenienter sue na-*

160 *De SACR: in GENERE.*

tura eruditur per sensibilia. Humiliatur, se corporalibus subiectum cognoscens, dum sibi per corporalia iuveneritur. Praservatur etiam à noxijs actionibus per salubria exercitia Sacramentorum.

13. In statu Legis naturæ fuerunt Sacramenta. Hæc autem Sacramenta fuerunt, externa protestatio fidei in Messiam futurum, & sacrificia. illa ordinabatur ad delendum p: originale, & fiebat per parentes vel per alium pro parvulis. Sacrificia autem ordinabantur ad tollendum p: actuale. Bonac: de Sacramentis q. 1. punct: 3. propositione 2.

14. Sed sciendum hæc Sacrificia aliâ ratione fuisse Sacrificia, aliâ ratione Sacramenta. Cùm alia definitio Sacramenti, alia Sacrificij. S. Th. 3. p. q. 65. a. 1. ad 7. numerat etiam decimas inter Sacramenta Legis naturæ. sed determinatum numerum Sacramentorum Legis naturæ assignare non possumus, ut patet ex his quæ docet Philippus à S. Trin: in 3. p. de Sacram. disp: 3. dub: 2.

15. In Lege Moysaica seu scripta fue-

De SACR: in GENERE. 161

runt Sacramenta. Nam erat morbus per Sacramenta curandus. Erant autem. Circumcisio. Convivium Agni Paschalis. Purificationes ab externis immunditijs. Expiationes à peccatis. Consecratio Sacerdotum. Elus Panum Propositionis. Oblatio victimarum. Ablutio manuum & pedum, Ratiopilorum, &c. S. Th. 1.2 q. 102. a. 5. Nec tamen determinatum numerum assignare intendit.

16. Scias ex Phil. pp. à S. Trinit. l. c. dub. 3. Ex ceremonijs Legis scriptæ illæ tantùm quæ significabant sanctificationem humanam, erant Sacramenta, aliæ verò tantùm sacramentalia, ut proportionem servatâ dicimus in Lege gratiæ, in qua sunt tantùm septem Sacramenta, licet sint plures ceremoniæ sacræ, quæ dicuntur sacramentalia, ut sumptio aquæ benedictæ &c.

17. Sacramenta legis Evangelicæ alia sunt necessaria simpliciter, alia secundum quid & ad melius esse. Baptismus, Pœnitentia & Ordo sunt necessaria simpliciter, alia quatuor ad melius esse, hoc est,

162 *De SACR: in GENERE:*

ut solet dici sunt Sacramenta voluntatis & non necessitatis.

18. Baptismus ergo est cuilibet necessarius simpliciter. Pœnitentia supposito p̄ mortali post Baptismum. Ordo, Ecclesiæ S. Th. 3. p. q. 65. a. 4. Matrimonium autem et Sacramentum ideo non est simpliciter necessarium Ecclesiæ, nam dato Matrimonio ut contractu civili tantum, adhuc Ecclesia conservaretur.

19. Post Christi Passionem & resurrectionem ac sufficientem Evangelij promulgationem, obligare cœperunt Sacramenta, tuncque legalia celsarunt. Si circumcidimini nihil vobis Christus proderit ad Gal: 5.

Materia & Forma Sacramentorum nova Legis.

20. Duplex est sacramentorū materia remota & proxima, Remota est inter quā & formam aliquid mediat sc; materia proxima. Materia proxima est, inter quam & formam nihil mediat.

21. Materia remota in Baptismo est aqua.

De SACR: in GENERE. 103

aqua. In Confirmatione, Chrisma. In Eucharistia panis & vinum, absentia, ait N P. Salazar. in Pœnitentia, peccata. In Extrema unctione, olei benedictum. In Ordine res quæ traditur Ordines suscipienti. In Matrimonio, personæ contrahentes.

22. Materia proxima in Baptismo est ablutio. In Confirmatione & Extrema Unctione, unctio. In Eucharistia, panis & vinum ut præsentia, ut insinuat N:P: Salazar. In Pœnitentia actus pœnitentis. In Ordine, traditio materiæ remotæ. In Matrimonio, corporum traditio.

23. Mutatio formæ alia substantialis alia accidentalis. Substantialis est dum mutatur sensus, ut g: dum loco baptizo, dico, nomino. Accidentaliter, dum servatur idem sensus. ut g: loco baptizo, dico, abluo.

*De Ministro & Subiecto, ubi &
de Intentione.*

24. Minister Sacramentorum novæ
Legis

164. De SACRAM. GENERE.

Legis est Sacerdos, ex parte Baptismum, in necessitate, & Matrimonium absolute, quod ipsi contrahentes ministrant.

25. Subjectum Sacramentorum est solus homo vivator, non tamen omnes sunt capaces omnium. Nam quidam sunt incapaces Matrimonij propter defectum ætatis &c. alij Ordinum ut foeminae, alij Extremæ unctionis, ut sunt usu rationis carentes &c.

26. Intentio triplex. Habitualis, ætærnalis, virtualis. Habitualis est *proclivitas ad faciendum aliquid ex frequenti usu acquisita*. Hæc est etiam in dormientibus. Actualis est *presens animi applicatio circa opus quod agitur*, quæ hic & nunc consistit in eo, ut quis attendat ad verba, & sensum verborum. Virtualis, quam S: Th. 3. p. q: 64, a: 8. ad 3. vocat habitualement, *quæ quæ ex virtute intentionis actualis non retractata perficit opus*.

27. Ministrum intentio necessario requiritur ad valorem Sacramenti, saltem virtualis. S: Th, loco cit. Sufficit autem ut minister habeat intentionem generalem

De SACR: in GENSRE. 165

lem faciendi, quod instituit Christus, vel quod facit Ecclesia Catholica.

28. Requiritur etiam intentio in suscipiente Sacramenta, sed diversimodè. Nam in adulto requiritur propria intentio. In parvulis ratione carentibus, sufficit intentio Ecclesie.

De primario Sacr: effectu, sc: gratia.

29. Sacramenta habent suam virtutem ex Passione Christi, quâ conferunt gratiam, non solum ex opere operantis, sed etiam ex opere operato, instrumenta- liter tamen: cum solus Deus principaliter causet gratiam.

30. Tunc gratia causatur ex opere operato, quando causatur ex virtute Sacramenti. Tunc verò ex opere operantis, quando ex dispositione susipientis.

31. Hæc gratia quam causant Sacramenta, est duplex: communis & propria. Communis omnibus Sacramentis est gratia habitualis, seu iustificans. Propria, alias Sacramentalis, sunt auxilia Divina, quæ conducunt ad consequendum uniuscuiusque Sacramenti effectum.

166 *De SACR: in GENERE.*

32. Gratia omnibus Sacramentis communis, alia est Prima, alia Secunda, Prima dicitur, quæ infunditur subiecto non habenti gratiam sanctificantem, consequenter existenti in peccato mortali, vel originali. Nam peccatum veniale compatitur gratiam. Secunda verò gratia est, quæ advenit subiecto in gratia existenti: & sic est ipsummet augmentum gratiæ sanctificantis.

33. In Baptismo ergo conferuntur auxilia Divina, quibus homo juvatur ad rectè suscipienda alia Sacramenta, & Christianè vivendum.

34. In Confirmatione dantur auxilia, quibus homo juvatur ad fidem coram Tyranno profitendam.

35. In Sacramento Eucharistiæ dantur auxilia ad actus charitatis & devotionis, quibus anima spiritualiter nutritur.

36. In penitentia dantur auxilia ad satisfaciendum Deo pro peccatis præteritis, & ad vitanda futura.

37. In Sacramento Extremæ unctio-

De SACR: in GENERE. 167

nis dantur auxilia, quibus reliquæ peccatorum tolluntur, ut sunt proclivitas ad malum, langvor & debilitas ad bonum; & quibus vincuntur tentationes.

38. In Sacramento Ordinis dantur auxilia pro bono usu officij suscepti.

39. In Sacramento Matrimonij dantur auxilia ad domandam libidinem, fidelitatem conjugalem servandam, curam proles habendam, &c.

40. In rigore tamen Scholastico Gratia Sacramentalis dicitur ipsa gratia sanctificans, quatenus per tale Sacramentum datur; ordinaturque ad talem finem, & quatenus ei debetur, conjungiturque ex Divina institutione tale auxilium. v. dicta in 2. Sent: Moral: d: 6. §. advertte. An vero Sacramenta causent, etiam physicè gratiam, altioris est fori.

*De secundario Sacr: effectu,
sc: Characterè.*

41. Character ex Græco, Latine idem sonat ac figura, nota, seu signum, quo
quis

108 De SACR. in GENERE.

quis ab alio distinguitur, & ad aliquid depuratur, Character Sacramentalis definitur à S. Th. 3.^a p. q. 63. a: 4.

Signaculum quoddam spirituale anima indelibiliter impressum, ad suscipiendum vel aliud tradendum ea quæ sunt Divini cultus.

42. Est triplex. Baptismi, per quem homo baptizatus ab infideli secessit, & ad suscipienda alia Sacramenta efficitur capax. Confirmationis quo confirmatus à non confirmato distinguitur & ad efficiendos actus fidei reboratur. Ordinis, per quem ordinatus à laicis segregatur, & ad exercenda munera cuique Ordini propria adaptatur.

43. Prædicti tres characteres differunt inter se specie, cum ad diversos actus ordinentur, Ordinum verò characteres etiam specie, sed incompletè inter se differunt, sicut & ipsi Ordines specie incompletè inter se differunt, ex quibus coalescit unum specie completè Sacramentum Ordinis. Labat de Sac. Ord. disp: 1. §: 3 consequenter omnes Ordines imprimunt Characterē & non tantum impressum perficiunt, 44.

DE SACR. in GENERE. 149

44. Character subiectatur immediatè in intellectu. S. Th. 3, p. q. 63, art. 4. Nam cum character per se primò ad actus Divini cultus, quibus fit protectio fidei, ordinetur, debet habere pro subiecto immediato illam potentiam, in qua immediatè subijctatur fides, Sed fides immediatè subiectatur in intellectu, Ergo & Character.

45. De Characteris effectu nihil occurrit: quia habetur ex definitione superius data.

Numerus Sacramentorum.

46. Septem sunt novæ legis Sacra-
menta, his verbis contenta.

Ordinat & iungit, baptizat, chrismat,
& vngit,

Peccatum plangit, & in altari sacra
tangit.

47 Multæ solent assignari causæ ,
quod sint septem , nec plura , nec pau-
ciora Sacramenta. una, ex similitudine
vitæ spiritualis ad corporalem. Nam
sicut in vita corporali homo, primò na-

H sci.

170 *De SACR: in GENERE.*

scitur, secundò augetur, & roboratur, tertio cibo nutritur, quarto ab infirmitate curatur. quinto, contra infirmitatis reliquias per exercitium & similia juvatur, sexto, propagatur, septimò in dignitate instituitur.

Sic in vita spirituali homo per Baptismum spiritualiter renascitur, per Confirmationem in fide roboratur, per Eucharistiam nutritur, per Pœnitentiam à peccati morbo curatur, per Extremam unctionem contra peccatorum reliquias, mortisque prælium juvatur, per Matrimonium Christianè propagatur, per Ordinem in dignitate Ecclesiastica constituitur. S. Th. 3. p. q. 65. a. 1. Aliam causam recitat idem S. D. loco cit alias alij Doctores.

48. Ex his Baptismus & Pœnitentia, sunt Sacramenta mortuorum, quia supponunt hominem per peccatum originale & mortale mortuum, & conferunt primam gratiam. Reliqua sunt vivorum, quia supponunt per gratiam vivum, & conferunt secundam gratiam, seu augmentum Gratiæ.

De SACR: in GENERE. 171

49. Item ex his Baptismus, Confirmatio & Ordo imprimunt Characterem & non possunt iterari. Reliqua quatuor non imprimunt & iterantur.

Ritus Sacramentorum.

50. Ritus Sacramentorum est duplex: essentialis, in materia, forma, & intentione consistens, estq; de necessitate Sacramenti; & accidentalis consistens in ceremonijs Sacramentalibus, videlicet in actionibus Religiosis, quibus decenter Sacramenta ministrantur, eiq; de necessitate præcepti, nisi parvitas materię exculat; talis Ritus est immersio, vel infusio, vel asperio in baptismo.

DISTINCTIO II.

De SACRAMENTALIBVS.

1 Sacramentalia sunt actiones, vel etiam
Sres sacra ad colendum Deum auctoritate
publicâ instituta, quæ vel adhibentur in usu
Sacramentorum, vt exorcismus: vel ordi-

172 *De SACRAMENTAL.*

n-ntur ad Sacramenta, ordinantur autem, vel precedendo, vt benedictio fontis baptismalis &c. vel imitando Sacramenta, imitantur autem, producendō aliquam sanctitatem, vt aqua benedicta causat remissionem p venialis. vel causando quasi sanctitatem, ut herbae benedictae causant expulsionem maleficiorum.

2. Sacramentalia communiter numerantur sex, his versibus contenta:
Orans, tinctus, edens, confessio, dans, benedicens.

Per ly orans, intelligitur oratio Dominica, quae inter omnes preces primatum tenet, vnde in celebratione Missae adhibetur.

Per ly tinctus, intelligitur asperasio aquae benedictae.

Per ly edens intelligitur manducatio panis benedicti, qui distribuebatur diebus Dominicis.

Per ly confessio, intelligitur confessio peccatorum extra Sacramentum poenitentiae facta & est signum illius, ad quam reducitur unctio pectoris.

Per

Per *ly dans*, intelligitur eleemosyna, vel alia opera misericordiae corporalia, vel spiritualia: hæc enim reducuntur ad poenitentiam.

Per *ly benedicens*, designatur benedictio data ab Episcopo, vel alio jurisdictionem habente.

3. Huc revocantur multæ actiones sacrae, ut Exorcismi, insufflationes, benedictio fontis baptismalis, & vestium Sacerdotalium, prima tonsura, consecratio Chrismatis, olei infirmorum, templorum, calicum, &c, admixtio aquæ vino consecrando.

4. Sacramentalia causant beneficia corporalia, v: g: sanitatem &c item remissionem peccati venialis & poenæ ipsi debitæ sicut & expulsionem dæmonum, & fugam eorum. Quomodo autem? vide dicta in 2, Sent: Mor: dist: 10, ubi & alia reperies,

De Sacramentis in Specie.

DISTINCTIO III.

De BAPTISMO.

Definitio, Divisio, necessitas Baptismi.

Baptismus ex Græco, Latine ablutionem significat, Triplex assignatur: Fluminis, Fluminis & Sanguinis.

Baptismus Fluminis definit S. Th 3. p. q. 66. a: 1. ex Magistro Sententiarum, in 4. dist. 3. Est ablutio corporis exterior facta sub præscripta verborum forma.

Subintellige à Christo Domino, instituta ad regenerationem spiritualem.

Fluminis, consistit in actu contritionis vel charitatis cum desiderio saltem implicito suscipiendi baptismum fluminis.

Sanguinis, est Martyrium. Martyrium autem est passio seu lethalis cruciatus pro Christi fide, aut pro vera virtute susceptus.

Solus Baptismus fluminis est Sacramentum, alij verò dicuntur Baptismi, in.

quantum

quantū vices Baptismi fluminis supplent.

2. Baptismus institutus fuit ante Christi Domini Passionem, quando Matth. 13. Christus Dominus fuit in Iordane à Ioanne Baptista baptizatus. Ita S. Th. 3. p. q. 66. art. 2. Est necessarius, necessitate mediij ad salutem æternam. *nisi quis renatus fuerit ex aqua &c.* Ioan: 3.

3. Dupliciter autem potest aliquid esse necessarium simpliciter ad consequendam vitam æternam: nempe, necessitate præcepti & mediij. Illud est necessarium necessitate præcepti tantum, ad vitam æternam, quod si culpabiliter & per negligentiam omittitur, impedit consecutionem vitæ æternæ. Si verò inculpabiliter hoc est, vel per ignorantiam, vel per impotentiam, non impedit consecutionem vitæ æternæ. Cæterum illud est necessarium, necessitate mediij, ad vitam æternam, quod licet inculpabiliter omittatur, impedit consecutionem vitæ æternæ, ut patet in parvulo non baptizato,

4. Obligatio suscipiendi Baptismum non incipit ante Christi mortem, cum

lex vetus usque tunc duraverit, & obligaverit. Obligavit ergò præceptum suscipiendi Baptismum post Christi mortem. Et sic quæ dixi in 2. Sent: Mor: dist: 11. Conc: 3. in sententia aliorum dixi item, quæ dixi supra, dist: 1 n: 18.

Materia & Forma Baptismi.

5. Materia remota Baptismi est aqua naturalis. elementalís, pura & simplex. *Nisi quis renatus fuerit ex aqua &c. Ioan, 3.* Ideo autem Baptismus potius in aqua, quam in alio institutus, quia aqua, est materia communior, & ad usum facilior, & aliàs Baptismus est summæ necessitatis.

Imò non licet ministro seclusâ necessitate, quamlibet aquam naturalem puram & veram adhibere, sed benedictam, aliàs peccatum mortale.

6. Materia proxima Baptismi est exterior ablutio: cum Baptismus in usu materiæ consistat, secundum illud Matt: 29. *Baptizantes eos.* id est abluentes.

7. Baptismus tribus modis potest confici, scilicet: immersione, infusione, & asper-

asperfione: sed servandus est sub peccato mortali in Baptismo solenni propriæ Ecclesiæ ritus, nisi rationabilis causa excuset.

8. Forma Baptismi est ista: *Ego te baptizo in Nomine Patris, & Filij, & Spiritus sancti Amen.* Matth: ult: *Euntes docete omnes gentes baptizantes. In Nomine Patris, &c.*

9. Persona baptizati debet exprimi, dicendo, *baptizo te*: Persona verò baptizantis non necessario debet exprimi, quia *ly ego*, includitur in *ly baptizo*. Item Græci validè baptizant, nec tamen personam baptizantis exprimunt, baptizant enim sic: *Baptizetur servus Christi N. In Nomine Patris &c.*

10. Divinæ Essentiæ unitas & Personarum Trinitas necessariò sunt exprimenda. Et sic in forma Baptismi dicitur, *In Nomine*, quod Essentiæ unitatem importat. Dicitur, *Patris, & Filij & Spiritus sancti*, quod Personarum Trinitatem denotat. Hinc dicens. *Ego te baptizo, In Nominibus Patris &c.* non baptizat. Sci-

as, ly, *Nomen*, importat fidem, virtutem, authoritatem. Innocentius cap. 1. de Baptismo.

Minister & Subiectum Baptismi.

11. Duplex est Minister, scilicet solennitatis; & necessitatis. Minister solennitatis in Baptismo est Sacerdos. Qui sit proprius Parochus; potest committi Diacono, vt solenniter baptizat. Bonac, disp: 7. de censuris q. 3. puncto 7. ex Caiet. & Soto.

12. Minister necessitatis est omnis homo viator: quia cum Baptismus sit maximæ necessitatis, minister ejus debet esse communis. Et sic in casu necessitatis etiam Iudæus validè baptizat, si cætera concurrant. Patet ex Florentino, in decreto Eugenij.

13. Si duo concurrunt ad Baptismum, quorum vnus aquam fundit, alter verò formam profert, non valet baptismus: nam forma non verificatur.

14. Loquendo de subiecto Baptismi: omnis homo viator, est subiectum Baptismi, *Baptizate omnes gentes*, Matth. 28;

Et.

Et sic genitus ex bruto, & fœmina homine, non est subiectum Baptismi, quia non censetur verus homo:

De Effectibus Baptismi.

1^{us}. Multi sunt effectus Baptismi, ex quibus sex numerari solent. 1^{us} & præcipuus, est remissio peccati originalis, & omnium actualium Baptismum præcedentium. 2^{us}, est totius pænæ peccato debitæ plena remissio, absq; ulteriori satisfactione. 3^{ius}, est infusio gratiæ sanctificantis & virtutum, ac donorum eam concomitantium. 4^{us}, sunt auxilia fini Baptismi proportionata, scilicet, ad Christianè vivendum. 5^{us}, est unio moralis cum Christo ut capite ad participanda Christi merita. 6^{us}, effectus, est Character.

Præter hos effectus, qui sunt ex institutione Christi, est alius ex determinatione Ecclesiæ scilicet, ablatio irregularitatis, de qua in 2. Sent: Moral: d: 19. Concl. 3. & 6. & cognatio spiritualis.

De ritu Baptismi.

16. Inter alios, tres præcipuè sunt ritus baptismi: Catechismus, Exorcismus & Patrinus. Catechismus ex Græco significat credendum instructiōnem: hinc Catechumeni dicuntur, qui ante susceptionem Baptismi, de fide instruuntur. Exorcismus ex Græco significat adjurationem per res sacras, quæ demones ab hominibus pelluntur, ne nocuant.

Patrinus est qui baptizandum offert & tenet, & pro eo fidem profiteretur. per quod ostendit se infantem in suam curam recipere, & sic obligatur de fide & alijs ad salutem æternam necessarijs baptizatum instruere.

DISTINCTIO IV.

De CONFIRMATIONE.

Definitio, institutio & necessitas Sacramenti Confirmationis:

1. **C**onfirmatio est unctio Chrismati ab Episcopo facta in fronte hominis bapti-

De CONFIRMATIONE. 181

zati, sub praescripta verborum forma, ad perfectam vitam spiritualis aetatem, & Christi nomen audacter confitendum, ordinata. Sumitur ex S. Th. 3. p. q. 72.

2. Confirmatio est à Christo Domino instituta. & ut ait Fabianus Papa, ex traditione Apostolorum, constat esse ipsam ultimam Coenam institutam. Et patet ex usu Ecclesiae consecrantis tunc ejus materiam. Ita infert. dela Cruz, de Confirmatione.

3 Et sic hoc Sacramentum non fuit institutum, quando Christus Dominus super pueros manus imponebat, cum pueri illi nondum erant baptizati. Nec quando Joan. 20. in Apostolos insufflavito, quia tantum tradidit Spiritum S. ad remittenda peccata. Nec, dum ibidem dixit, sicut misit me vivens Pater, ita & ego mitto vos, nam tunc praebuit Apostolis potestatem hoc Sacramentum conferendi. Nec tandem ipso die Pentecostes: cum potius contulerit huius Sacramenti effectum.

4. Sacramentum Confirmationis non est simpliciter necessarium ad salutem, sed

182 De CONFIRMATIONE.

sed ad bene esse, utpotè perfectionem salutis operans. Hinc spontè, & non ex contemptu illud omittens, venialiter tantum peccat. S. The loco citi: art. 8. ad 4^o.

Materia & Forma Confirmationis.

5. Materia remota Confirmationis est. **Chrisma**, seu unguentum ex oleo olivarum, & balsamo confectum, ab Episcopo consecrato benedictum.

6. Materia proxima hujus Sacramenti est unctio in fronte per modum crucis facta. Dixi, *in fronte*: ut neque propter erubescenciam, neque propter timorem nomen Christi confiteri prætermittamus. Dixi etiam, *per modum Crucis*, aliàs forma Confirmationis non verificaretur.

7. Significat autem oleum, conscientie nitorem, balsamum, bonæ famæ odorem.

8. Forma Confirmationis est hæc: *Signo te signo crucis, & confirmo te Chrismate salutis. In Nomine Patris, & Filij & Spiritus sancti Amen.*

De CONFIRMATIONE 183

9. **Adverte** : Sacramentorum materias & formas Antistitum curâ ad hæc tempora conservatas, & in Concilio Florentino sub Eugenio IV. orientali & occidentali Ecclesia ibi congregata amplius explicatas.

10. SS. Trinitatis expressio est de essentia hujus Sacramenti, cum hoc ordinetur ad profitendam fidem, Sunt etiam essentialia illa verba, *Signo & Confirmo* ; quia actio Sacramentalis est necessario exprimenda. Et quidem utrumque verbum debet exprimi ; cum vnum alteri non æquipolleat : aliud enim est signare, aliud confirmare.

11. Probabilius etiam est necessariam esse illam particulam, *Signo cruci* : quia signare habet generalem significationem, & sic per prædictam particulam est determinandum.

12. Item necessarium est addere, *chrismate salutem* : quia hæc non veniunt per verbum, *Confirmo*.

184 De CONFIRMATIONE.

*Minister, Subiectum, & Effectus
Confirmationis.*

13. Solus Episcopus est Minister Ordinarius Sacramenti Confirmationis. Summus tamen Pontifex ex plenitudine potestatis committere potest simplici Sacerdoti Confirmationis collationem. S. Th. 3. p. q. 72. art. 11. ad 1.

14. Ideo autem Episcopus maxillam seu genam confirmati percutit, ut eum admoneat ad persecutiones pro fide sustinendas, & ut recorderetur se esse confirmatum.

15. Confirmationis subiectum est homo baptizatus, sine mortali, & usum rationis habens, quod ultimum, non est de necessitate, sed de congruentia. Recipiens autem Ordines ante Confirmationem, non peccat mortaliter, nec fit irregularis, ut docet Soto in Summa Diano. relatus, V. *Ordinis subiectum*. Nam non est tam stricta intentio Tridentini, sed solum consulit Episcopis, ut non promoveant carentes Confirmatione.

De CONFIRMATIONE 155

16. Confirmatio confert Gratia^e sanctificantis augmentum, ac quædam Divina auxilia ad confitendum Christi fidem audacter. Secundò, contrahitur spiritualis cognatio, vt in Baptismo, non solum impediens, sed etiam dirimens matrimonium. Trid: less: 24. c: 2. Tertiò, confertur character, per quem baptizo traditur potestas agendi spectantia ad pugnam spiritualem contra fidei hostes: sicut per Baptismum confertur potestas agendi pertinentia ad propriam salutem.

DISTINCTIO V.

De SACRAMENTO EUCHARISTIÆ.

*Definitio, Institutio, & Necessitas
Sacramenti Eucharistiæ.*

1. **E**ucharistia, est Sacramentum Corporis & Sanguinis Christi Domini, sub speciebus Panis & Vini, à Christo Domino institutum ad spiritualem hominis refectionem.

2. Licet duo sint elementa, Panis scilicet & Vinum,

Vinum, ex quibus integrum Eucharistia Sacramentum conficitur. non tamen plura, sed vnum tantum Eucharistia Sacramentum. Ecclesia auctoritate ducti confitemur, Ex Catechismo Romano p. 2. c. 4. Hanc autem unitatem S. Th. 3. p. q. 73. art. 3. ex unitate finis desumit, qui est, vna refectio spiritualis.

3. Totus Christus est sub utraq; specie, imò totus est in qualibet parte: cum succedat in locum substantiæ panis & vini, quæ erat in qualibet particula. Hoc tamen sciendum est, sub speciebus Panis esse Christi Corpus, ex vi verborum consecrationis, Sanguis verò, anima, Divinitas. per concomitantiam. Sub speciebus vini, ex vi verborum sanguis, corpus verò & alia per concomitantiam.

4. Christus D. hoc Sacramentum instituit in ultima cœna, primâ die Azimorum nocte quâ tradebatur. Quo tempore panis fermentatus in omnibus finibus Israël non reperiatur. Instituit inquam, dum dixit Apostolis: *Accipite & manducate, hoc est Corpus meum.*

Illis

De Eucharistia 137

Illis autem verbis Ioan: 6, Panem quem ego dabo, caro mea est pro mundi vita, fuit promissum hoc Sacramentum. Illis, Nisi manducaveritis Carnem Filii hominis &c. præceptum est latum, & non institutum.

5. Propter hos fines Sacramentum Eucharistiæ institutum. Primò, ut in medio populi Christiani Christus sit realiter, licet latenter, præsens. Secundò, ut fideles habeant refectionem spiritualem. Tertiò, ut detur Sacrificium in Ecclesia. Quartò, ut detur signum infiniti Amoris, quo Christus dilexit nos. Quintò, ut sit memoriale passionis. Tandem, ut detur pignus æternæ hæreditatis.

6. Sacramentum Eucharistiæ, in re & defacto susceptum, non est necessarium necessitate mediæ ad salutem æternam, aliàs sine eo mortuus non salveretur, quod est falsum. Est tamen necessarium necessitate præcepti. Nisi manducaveritis carnem Filij hominis, & biberitis ejus sanguinem, non habebitis vitam in vobis, Ioan. 6.

Materia & Forma Consecrationis.

7. *Materia Consecrationis Corporis Christi*, est panis triticeus, ex communi sensu Ecclesie. Panis tamen ex siligine potest validè confici: cum ex grano tritici in malis terris seminato nascatur. S. Th. 3. p. q. 74, a. 1.

8. Græcus in Græcorum Ecclesia in azymo consecrans, & Latinus in Latinorum Ecclesia in fermentato consecrans, licet validè consecret, peccat tamen mortaliter, utpotè propriæ Ecclesie ritum, in gravi materia pervertens. Et hoc licet fiat ob magnam necessitatem: ut grad communicandum infirmum, ut docet communis, apud de la Cruz q. 1, de Euchar.

9. Ex his duobus ritibus rationabili-
or est Latinorum, ut probat S. Th. q. 74.
art. 4. Quia hoc Sacramentum institu-
tum fuit primâ die azymorum, Matth. 26.
quâ die nihil fermentatum in domibus
Iudæorum esse debebat: ut habetur Exo-
di 11,

10. Materia Consecrationis Sangvinis Christi, est omne vinum, modò sit verè vinum. Est autem miscendum aquâ, & hoc ob sanguinis & aquæ è latere Christi fluentium representationem. Item ad significandam populi cum Christo unionem. Aqua enim populos, Apoc. 20. Vinum autem Christum: *Ego sum vitis vera*, Ioan: 15. significat. Tandem quia Christus Dominus dilutum calicem consecravit, ut probat S. Th. 3 p. q. 74 art. 6.

11. Forma Consecrationis Corporis Christi, est, *Hec est Corpus meum*. Forma Consecrationis Sangvinis Christi. *Hic est Calix Sanguinis mei, novi & æterni testamenti, mysterium Fidei, qui pro vobis & pro multis effundetur in remissionem peccatorum*. Omittendo, *hæc enim*, secundum multos non est p. mortale.

De Ministro Consecrationis & Eucharistia.

12. Solus Sacerdos est Minister Consecrationis, ut patet ex 1. ad Cor: 11. *Et bibi.*

190 *De EUCHARISTIA.*

ibi. *Hoc facite in meam commemorationem.*
Nam hoc ad solos Sacerdotes refertur.
Licet autem sit hæreticus, validè, sed
sacrilegè consecrat.

13. Si Sacerdos habeat in manibus duas hostias, putans esse unam, nihil determinando, utraque manet consecrata, secundùm communem DD, in Summa Diana, verbo, Eucharistia. Item, loq.endo de minoribus hostijs, si Sacerdos credit esse quadraginta, & sunt 50. omnes sunt consecratæ. Samuel de Lubbo, verba, Eucharistia. De la Cruz. q. 1. de Euch. Si absolutè intendat nec de numero tantoperè curet.

14. Diaconus potest ministrare seu distribuere Corpus Christi D. in necessitate, jubente Episcopo, vel Presbytero.
3. Th. 3. p. q. 82. a. 3.

De Subiecto Eucharistia.

15. Subiectum Eucharistia est omnis homo baptizatus, rationis compos, & benè dispositus. Plures autem sunt dispositiones, his verbis contentæ :

Lotus, discretus, sanus, jejunus, & apertus
Contritus, fassus, mundus, rectèque pa-
ratus,

Lotus, id est, baptizatus. discretus, id
est rationis usum habens. Sanus, id est,
stomacho benè valens, ne evomat. Je-
junus, jejunio naturali. Apertus, id est,
censuris nō irretitus. Contritus, id est,
de peccatis dolens. Fassus, id est vocaliter
confessus. Mundus, id est, non pollutus.
Paratus, intellige, devotione, per actus
v: g. fidei, spei, charitatis &c.

16. Consciens ergo peccati mortalis,
obligatur ad præmittendam confessio-
nem. Trid: sess 12. c. 7. Imò oppositum
docentes excommunicat, Can: 18. Et sic
antiqui Theologi docentes sufficere con-
tritionem etiam data copiā Confessarij,
post Concilium Trident. non sunt audi-
endi.

17. Sacerdos regularis non potest cum
sola contritione celebrare, quando non
habet copiam Confessarij suæ religionis,
habet tamen copiam alterius, sed non
vult illi confiteri, ad vitandam suæ relig-
gionis

gionis infamiam, quam ille concipiet. Gab à S. Vincent & alij. Quia ex confessione nulla aut parva sequitur infamia religioni.

18. Non potest etiam quis in mortali existens, cum sola contritione communicare, si non habeat proprium Confessarium, cui possit devotius & utilius confiteri. Idem qui supra & alij. Nam reverentia huic Sacramento debita, & Divini præcepti obligatio prævalet propriæ devotioni & utilitati.

Obligatio sumendi Eucharistiam.

19. Trident: sess. 13. c. ult. triplicem modum communicandi assignat. Spiritualiter tantum. Sacramentaliter tantum. Spiritualiter & Sacramentaliter simul. Manducare spiritualiter tantum, est per fidem & charitatem Christo D. vniri, cum desiderio in re sumendi hoc Sacramentum. Manducare Sacramentaliter tantum, est Eucharistiam sine fructu sumere, qualiter sumunt in mortali existentes, Manducare utroque modo, est

non solum Eucharistiam, sed & fructum percipere.

20. Sanctus Thomas 3. p. q. 80. art. 1. assignans duos modos, scilicet Sacramentalem tantum & spirituales. non contrariatur Tridentino. Nam per spirituales intelligit illum, qui est cum fructu, sive sit realis, sive in voto tantum.

21. In mortis articulo tenemur sub p. mortali ex præcepto Divino sumere Eucharistiam. Præter mortis verò periculum aliquoties in vita. Quia Eucharistia est instituta per modum cibi, qui in vita non semel est necessarius. S. Th. loco cit. 2. 11.

22. Præcepto Ecclesiæ tenemur semel in anno communicare. Quod præceptum in propria Parochia, vel etiam in Cathedrali Ecclesia, vel alibi de Parochi licentia impletur.

23. Communicare ergo tenemur dum ad annos discretionis pervenimus. Trident. sess. 13. Can. 9. Annus discretionis in

194 *De EUCHARISTIA.*

præfenti non tunc censetur quando doli capaces sumus, & confiteri tenemur, sed tunc dum Sacramentum Eucharistiæ reverenter ac devotè suscipere possumus. Quod licèt accidere soleat dum pervenimus ad annum decimum vel undecimum, attamen non tantùm consideranda ætas, sed etiam industria, ingenium, consuetudo, & iudicium prudentum. Mosc: 2. p. Tyrocinij artis pœnitentia-
riz,

24. Magister Soto dicit, ante decimum annum potest puer communicari, si sit vivax. Viranda tamen aliorum offensio, si valde parvulis quàmvis sagacibus publicè conferatur.

25. Exploratores talium puerorum, duo debent considerare: scientiam & affectum. an cognoscant quid in hoc Sacramento contineatur. Deinde an in affectu ante sumptionem vehemens desiderium habeant, in usu verò aliquam savoritatem spirituales vel gaudium senti-
ant. Mosc. loco cit.

Effectus.

26. Multi numerantur hujus Sacramenti effectus. Proprius & principalis est, quod conferat Gratiā per modum nutritionis & augmenti in vitā spirituali; quia per modum cibi & potūs spiritalis, hoc Sacramentum institutum.

Dicitur autem conferri Gratiā per modum nutritionis & augmenti, in quantum dantur quādam auxilia Divina, medijs quibus prōrumpimus in actus devotionis & charitatis, quibus anima spiritaliter nutritur & augetur. De alijs effectibus v. dicta in 2. Mor. d. 44.

DISTINCTIO VI.

De SACRIFICIO MISSÆ.

1. Sacrificium consistit in hoc, quod Deo aliquid sollemniter & cum debitis ceremonijs offeratur, faciendo aliquid circa rem oblatam ad honorem & cultum Dei. Sic potest definiri. Sacrificium est oblatio externa, rei alicujus perma-

nenti, Deo facta cum rei immutatione in pro-
testationem dominij, in vitam & mortem sue
creatura. Explicatio si placet, videntur
apud nostrum P. Labat. in 3 p. tract. 2
d'sp. 5. dub. 1.

2. Missa quæ est Sacrificium in spe-
cie & legis Gratiæ sic definitur. Est Sa-
crificium Corporis & Sanguinis D.N.I.C. sub
speciebus panis & vini consecratû. Congruè
autem vocatur Missa, eò quòd oblatio &
preces ad Deum mittantur, sicq; illorum
verborum; *Ite Missa est*, sensus est, adire
licet, quia oblatio & hostia salutaris,
jam transmissa est cum precibus ad De-
um pro vobis. Hugo de S. Vict. l. 2: de
Sacr.

3. Scias ex Philippo à SS. Trin: disp
8^o de Euch. dub: 11. in Eucharistia alia ra-
tio Sacrificij, alia Sacramenti. Nam ut
Sacrificium, respicit Deum directè tan-
quam terminum ad Quem: ipsi enim of-
fertur ad gloriam & honorem propter
bonum nostrum. ut Sacramentum, re-
spicit filios Ecclesiæ, quibus datur ut a-
limentum spirituale animæ.

Vt Sacrificium, est quid transiens, completur enim in consecratione. vt Sacramentum, est quid permanens. Nam licet per Consecrationem conficiatur, hæc tamen peracta, permanet. In his ergo & alijs est discrimin:

4. Sacrificium Missæ à Christo D. institutum, vt patet ex Trid: sess. 22. c. 20 ibi: *Si quæ dixerit illis verbū; Hoc facite in meam commemorationem, Christum non instituisse Apostolos Sacerdotes, aut non ordinasse, ut ipsi alijq; Sacerdotes offerrent Corpus & Sanguinem suum: anathema sit.*

5. Licet autem à solis Sacerdotibus Sacrificium offeratur, ministerio tamen eorundem ab alijs fidelibus offertur. Et sic ait Sacerdos in Canone: *pro quibus tibi offerimus, vel qui tibi offerunt hoc Sacrificium.* Et sic fideles ministerio Sacerdotum implent præceptum naturale, quo tenemur Deo offerre sacrificia.

6. Sciendum ergo soli Deo sacrificari, ut patet ex definitione sacrificij. Nam licet in honorem Sanctorum Deo sacrificemus, ut patet ex præparatione ad Mis-

lam, non tamen illis sacrificamus: potest enim actus soli Deo debitus pro honore Sanctorum fieri, ut patet in penitentia.

7. Essentia Sacrificij Missæ salvatur in Consecratione unus speciei, non verò integritas. Sicut & Essentia Eucharistiæ, etsi non integritas, salvatur in vna specie. Attendendo actionem sacrificativam non idem est numero sacrificium Crucis, ultimæ Cœnæ & Missæ, secus attendendo rem oblatam & principalem offerentem qui est Christus. Dixi, in consecratione, nam Essentia Sacrificij Missæ non consistit in oblatione, quæ fit post Consecrationem, vel in sumptione, sed solùm in Consecratione, cum respectu tamen ad sumptionem ut necessariam ad integritatem Sacrificij. Horum brevem probationem v: in 2. Sent: Mor: dist: 46.

8. Occasione hujus scias à S. Th: 3. p. 9. 83. ar: 4. sex numerari partes Missæ. 1. Præparatio 2. Fidei instructio, quæ incipit ab Epistola. 3. Oblatio. 4. Consecra.

Secratio, quæ incipit à Præfatione: ad quam reducitur Oblatio post Consecrationem. Unde & memores Domine &c. Offerimus Maj. statuta, 5. Perceptio Eucharistia, quæ incipit ab Oratione Dominica. 6. Gratiarum actio. quæ incipit à postcommunionem usq; ad finem.

9. Finis Sacrificij Missæ est quadruplex. 1. ut Deo summa laus & honor detur. 2. ut gratiæ agantur pro beneficiis acceptis. 3. ut detur satisfactio pro peccatis commissis. 4. ut beneficia de novo obtineantur.

Attendendo primum finem. Sacrificium dicitur laudeticum. Attendendo secundum, dicitur Eucharisticum, 3. tum, propitiatorium. 4. tum, impetratorium.

10. Sacrificium Missæ non confert immediate ex opere operato & infallibiliter primam Gratiâ: nec sic remittit peccata mortalia, ut faciat ex attrito contritum. Et oppositum judicatur erroneum. Non etiam confert immediate ex opere operato & infallibiliter augmentum Gra-

riæ. Uterq; enim modus cauſandi gratiam, tantum eſt Sacramentorum. Cauſat tamen Sacrificium Miſſæ gratiam, & augmentum gratiæ mediatè ex opere operato, impetrando auxilium Divinum, & ſic non cauſat iſta ſemper. Eodem modo cauſat alia bona ſpiritalia & temporalia, hoc eſt impetrando.

11. Per Sacrificium Miſſæ remittitur culpa venialis ex opere operato, non ſolum mediatè impetrando auxilium, per quod homo juſtus eliciat actum, qui ſit formalis, vel virtualis deteſtatio peccati venialis, ſed etiam immediatè & infallibiliter. Ita ſapientiſſimus meus Profeſſor, & Cathedraticeus Viennenſis, M. Reynerus in manuſcriptis. Potelt autem fieri hæc remiſſio per hoc, quòd homo ponat aliquem actum, qui licet per ſe non ſufficiat ad remiſſionem venialis, ſufficit tamen ex ſuperaddita vi Sacrificij, ſicut v; g: attritio non ſufficit ad remiſſionem mortalis, ſufficit tamen adjuncta virtute Sacramenti Pœnitentiæ.

12. Sacrificium Miſſæ remittit poenas
rem.

temporales, quæ remissâ culpâ, restant solventæ, vel in hac vita, vel in purgatorio, idq; ex opere operato immediatè & infallibiliter. Idem qui supra & communiter. Adverte ex S. Th: q 79. a. 5. Virtute hujus Sacrificij non semper tollitur tota pœna. sed major vel minor, juxta dispositionem offerentium, & eorum, pro quibus offertur, qua devotione modificatur valor infinitus Sacrificij ad effectum finitum.

13. Valor accidentalis Missæ ortus ex dignitate Ecclesiæ offerentis, orationibus, invocatione Sanctorum, devotione Ministri, est finitus. Ortus ex re oblata & principali offerente, scilicet Christo est infinitus, habet tamen effectum finitum, & sæpè nullum, vnde multum prodest replicatio Missæ pro inclinanda Divina misericordia.

14. Tres solent numerari utilitates seu fructus Sacrificij legis Gratiæ, qui ex applicatione oriuntur. Primus & ex Universalis intentione Ecclesiæ Sacrificium Missæ applicatur toti populo Chri-

stiano, & præcipiendæ Papæ & Principibus Christianis, quo reducitur fructus, quem percipiunt Ministri & adstantes, qui sunt aliquomodo offerentes cum Sacerdote. Secundus, seu medius, ex intentione peculiari Sacerdotis applicatur cui ipse voluerit. Hic fructus secundum Gab: à S. Vinc: verbo, Missa, correspondet Christo D. principali offerenti & ex facultate ab eodem concessa est applicabilis alijs. Et defacto Sacerdos tenetur hunc fructum applicare illi, qui v. g. eleemosynam dedit. Gab: l. c.

Tertius, ceat ipsi Sacerdoti. Secundum nonnullos potest Sacerdos fructum sibi proveniente alteri applicare, non tamen potest pro eo eleemosynam accipere, ut determinavit Alexander VII. damnando propositionem 8vam. Ob eandem rationem Læcus si a Missæ partem patet alteri applicare, v. g. animabus purgatorij.

15. Vestes Sacerdotales procelebrando sunt: Amictus, Alba, Cingulum, Manipulus, Stola & Casula, Stola servire potest

potest pro manipulo & è converso, vil-
lalobos & alij. Imò stola servire potest
pro cingulo. Vestes Sacerdotales debent
esse benedictæ sub p: mortali.

Qui tamen extra necessitatem non ad-
hibet cingulum benedictum, non est da-
mnatus peccati mortalis ob parvita-
tem materiæ. Si cingulum fractum, po-
test necti, si altera pars non sufficiat. ad.
& Marchantius.

16. Melius est non celebrare (nisi ali-
às Festum sit solennissimum) quàm cele-
brare sine ministro. Licet tamen cele-
brare sine ministro v. g. die Festo pro
dando viatico, vel dum adest similis ne-
cessitas, sed nunquam licet couleri, eri-
am deficiente viro, ministrum agere, &
stante necessitate satius est carere mini-
stro, ut probat Bonac,

17. Si Missa diei sit de feria, potest
tunc dici alia votiva, aut de defunctis,
Patet ex ulu timoratorum. Imò si Fe-
stum non sit duplex, potest ex causa ra-
tionabili dici missa votiva, aut de defun-
ctis. Quod procedit de Sacerdote in par-

ticulari. Nam Conventualis Missa, debet esse Missa dici. Sic præcipitur cap. Cum creatura. de celebratione Missarum.

18. Circa Communionem hæc advertentia. Imò, sumpta Hostia, non statim spuat. Si oportet, tunc in loco honesto. 2dò. non statim comedatur, si fiat, non peccatur. Nam c. si manè. de Consecr. Dist. 2. est abrogatum. 3tò. Hostia leniter sumatur, anterioribus dentibus teratur, non totaliter conteratur. Per os non volvatur, sed lingua mollescat, ne aliqua pars dentibus adhareat. Si plura petis, v. 2. Sent. Mort. de Sacrif.

DISTINCTIO VII.

De SACRAMENTO POENITENTIE,

*Definitio, Institutio Necessitas huius
Sacramenti.*

Poenitentia ut in præfenti: Est Sacramentum in actibus poenitentis & absol-

venit consistens, à Christo D. institutum per
in dūm iudicij emendative ad peccatorum re-
missionem. Vel etiam secundū Mosicū:
Sacramentum remissionis peccatorum post Ba-
ptismum commissurum.

Pœnitentia verò est virtus, est quā dole-
mus de peccato, prout est offensa Dei. Ex quo
patet: Pœnitentiam dupliciter sumi.

2. Sacramentum Pœnitentiæ à Chri-
sto D. institutum, quando post Resurre-
ctionem dixit: Accipite Spiritum S. quo-
rum remisistis peccata, remittuntur eis, &
quorum retinueritis, retenta sunt. Trid: test:
14. c: 1.

Finis institutionis huius Sacramenti,
ut peccator, qui per peccatum à Deo re-
cesserat, per gratiam in pristinam amici-
ciam redeat.

3. Supposito peccato mortali, Sacra-
mentum Pœnitentiæ, est necessarium ne-
cessitate mediæ ad salutem æternam, sal-
tim in voto, dum abest copia Confessarij.

Adverte. Quando per Sacramentum
Pœnitentiæ in voto susceptum iustifica-
mur, requiritur dolor perfectus, seu
Contritio,

4. Non requiritur autem hoc verum, seu desiderium esse explicitum, sed sufficit implicitum, inclusum in generali proposito servandi omnia praecepta Dei. Fernandez p. 3, c. 6. §. 1. ex S. Th:

*Materia huius Sacramenti in
communi.*

5. Materia remota huius Sacramenti, sunt peccata commissa post Baptismum. Hae: alia est necessaria, alia, voluntaria, seu sufficiens. Mortalia non confessa, sunt materia necessaria. Venialia: Materia voluntaria:

6. Peccatum actuale ante Baptismum commissum non est materia huius Sacramenti. Nam tale peccatum est commissum extra Ecclesiam, & sic non debet iudicari ab Ecclesia.

7. Materia Proxima, seu partes materiales huius Sacramenti sunt tres actus poenitentis, scilicet cordis contritio, oris confessio, & operis satisfactio. Primi duo, sunt Essentiales, nec sine his potest confici hoc Sacramentum. Tertius, est pars integralis.

De

De Contritione, & Attritione.

8. Contritio est dolor de peccatis assumptus propter Deum summè dilectum, cum proposito confitendi & satisfaciendi.

9. Attritio est dolor de peccatis assumptus propter pœnas inferni, vel propter deformitatem peccati, cum proposito confitendi & satisfaciendi. Per illas particulas, propter pœnas inferni &c. non designatur, quod finis attritionis, sint pœnas inferni &c. aliàs attritio esset actus vitiosus, poneret enim ultimum finem in creatura. Sed designatur, pœnas inferni &c. esse motivum & excitativum attritionis; finis enim debet esse Deus. Et in hoc attritio convenit cum contritione, differt autem in motivo quòd Attritio sit propter pœnas inferni &c. Contritio verò propter Deum summè dilectum.

Sunt & alia motiva supernaturalia, ob quæ detestari possumus peccatum, sc. amissio gratiæ & gloriæ: sed hæc reducibilia ad præfata.

10. Contritio vocatur dolor perfectus
Attritio

Attritio. imperfectus. Quia per illam sine Sacramento in re suscepto, iustificatur homo: per hanc verò extra Sacramentum non iustificatur homo. ideo Theologi dicunt, attritum recipiendo Sacramentum Pœnitentiæ, fieri contritum.

11. Tenemur conteri non solum in periculo & articulo mortis, sed etiam aliquando in vita, sc: quando diu in mortali peristimus, v. g. per annum. Nam Deus graviter punit eos, qui differunt Pœnitentiam. Vnde Isai 15. dicitur: *Omnes in cede corrueritis, propterea quòd vocavi, & non respondistis.*

12. Item tenemur conteri in casu magni mali in Repub. Quia sicut tenemur pro tali malo avertendo Deum orare, ita obligamur comparare media, ut exaudiamur: medium autem est esse in gratia.

13. Item tenemur conteri, quando exercendus actus exigens hominem in gratia, v. g. quando administranda Sacramenta, vel quando suscipienda Sacramenta vivorum. Sacramentum tamen

Eucha-

De POENITENTIA 20

Eucharistia licet possit distribui pramissa contritione, non tamen suscipi, nisi pramissa Confessione. Trid; sess; 13. c. 7.

Puto tamen in prafatis casibus sufficere Contritionem virtualem inclusant in actu Amoris Dei super omnia.

Necessitas Confessionis.

14. Confessio est legitima coram Sacerdote peccatorum declaratio, S Raym. apud Armillam, v. Confessio.

15. Praeceptum Confessionis obligat. Imò, in articulo, & periculo mortis. 2dò, quando sumenda Eucharistia, & sumus in mortali. 3tiò, semel in anno. Quod praecceptum consuetudine alligatur tempori, sc: circa Pascha, ait Moser. 2. p. Tyroc; artis Poenit; de Confessione annuali.

16. Praeceptum Confessionis annuae obligat, dum ad annos discretionis pertingimus, & habemus conscientiam peccati mortalis. Fernandez p. 2. c. 8. §. 3. al elegans communem.

Nonnulli docent pueros post septennium

210 *De POENITENTIA*

nium hoc præcepto obligari. quando usus rationis in eis elucet, non autem antea, etsi rationis usum habeant: nam hoc est per accidens, ad quod Ecclesia non respicit.

Hoc certius, pueros in articulo mortis ante septennium constitutos, peccati mortalis conscios obligari ad Confessionem. Si dubium de usu rationis, consequenter de peccato, absolvantur sub conditione. Imò id fieri posse quando pueri confitentur extra articulum mortis, docet Diana.

17. Transgressoribus præcepti de facienda Confessione annua, nulla est certa imposita pœna, sed solum imponenda. Nam in cap. utriusquæ &c. solum dicitur, ut arceantur ab ingressu Ecclesiæ & careant Ecclesiasticâ sepulturâ, quæ pœna, non est imposita, sed per Iudicem Ecclesiasticum imponenda. In Synodalibus tamen Constitutionibus solet apponi Excommunicatio latæ vel ferendæ sententiæ.

De POENITENTIA 211

Conditiones bonæ Confessionis.

Sedecim sunt conditiones bonæ Confessionis, his contentæ.

Sit simp'lex, humilis Confessio, pura, fidelis.

Atq; frequens, nuda, discreta, libens; verecunda.

Integra, secreta, lachrymabilis, accelerata
Fortis & accusans, & sit parere parata.

Simplex, id est, sine admixtione historiarum & aliorum impertinentium.

Pura, id est, bonâ intentione facta v:gt ad placandum Deum.

Fidelis, id est, vera. Nam si quis ex industria utitur talibus verbis, ut peccata non adeò curentur à Confessario, peccat.

Frequens. De frequentia Confessionis egimus agendo de necessitate.

Nuda, id est, verbis obscuris non involuta.

Discreta, id est, prudenter facta. ut verbis honestis explicentur peccata, præcipuè, carnis.

Libens, id est, voluntaria, non timore pœnæ &c.

Lachry.

272 De POENITENTIA

Lachrymabilis, id est, dolorosa.

Fortis, id est, superans timorem mundanum & verecundiam, ne fortè aliquid omittatur.

Accelerata, hoc est non dilata, nè subito morte præventi non habeamus spatium poenitendi.

Accusans, id est, sibi imputans, non influentia celesti, vel alitri.

Parere parata. Poenitens enim tenetur satisfactionem acceptare. Item in relinquendis peccatorum occasionibus Confessorio obedire. Aliarum conditionum notitia patet ex terminis.

Integritas.

18. Confessio duobus modis est integra: Materialiter & Formaliter. Est integra materialiter, quando aliquis habet v. g. decem peccata, & omnia confiteatur. Integra formaliter, quando rationali facto examine, confitemur omnia nobis occurrentia. Sufficit esse integram formaliter. Deus enim non plus exigit, quàm possumus. Confessio mate-

riali-

DE POENITENTIA 213

rialiter integra dicitur integra physice,
Formaliter integra, dicitur integra mor-
raliter

19. Ad integritatem Confessionis ne-
cessarium est examen conscientie. Qua-
re poenitens circa peccata mortalia, te-
neretur tantam inquisitionem præmittere,
quantam adhiberet in negotio arduo,
seu, quanta iudicio prudentis viri judi-
catur sufficiens ad omnia peccata in me-
moriâ revocanda. Hæc inquisitio suffi-
cit mediocris, & non requiritur summa.
Bonac: ex Navarro & alijs. Qui pluri-
bus negotijs distracti, qui parvæ memo-
riæ, qui diu non Confessi, magis tenen-
tur conscientiam examinare.

Circumstantia peccatorum

20. Circumstantia peccati est accidens
quoddam actus humani peccaminosi.
Alia est speciem mutans, hoc est alteri-
us speciei malitiam habens, v.g. circum-
stantia adulterij addita fornicationi, fa-
cit ut præter peccatum fornicationis, spe-
cie distincta malitia inveniat in eodem
actu

214 *DE POENITENTIA*

actu libidinis. Alia est intra eandem speciem aggravans peccatum. Alia minuens, alia nec aggravans, nec minuens sed impertinens.

21. Clariùs explicando: circumstantia speciem mutans, tunc est, quando peccatum secundum unam rationem contrariatur alij virtuti. v. g: dum furatur, peccat contra iustitiam, si verò in Ecclesia, contra religionem.

Circumstantia aggravans tunc est, quando peccato accrescit nova ratio, absque eo, quod pecans contra distinctam virtutem faciat, v. g: dum furatur 20, florenos, est circumstantia aggravans, eo quod peccato nova ratio modis accrescat, sc: majoritas iniustitiæ. Gargenius in annot. in Summulam Caiet: v, Confessio. Quòd si furans distinctis actibus prædictam quantitatem attingeret, non circumstantia, sed numerus fieret in Confessione explicandus.

Numerus Circumstantiarum.

22. Septem sunt circumstantiæ.

Quid, quid, ubi, quibus auxilijs, cur, quomodo, quando. Per

De PONITENTIA. 215

Per *ly quis*, denotatur peccans, complex, & in quem peccatur.

Per *ly quid*, denotatur damnum & scandalum ex peccato secutum.

Per *ly ubi*, denotatur circumstantia loci sacri. Scias, Sacrilegium in furto committi auferendo sacrum de sacro vel non sacrum de sacro, aut sacrum de non sacro. v. dicta in 2. Moral. dist: 60.

Per *ly quibus auxiliis*, denotantur instrumenta peccandi.

Per *ly cur*, denotatur circumstantia finis.

Per *ly quemodo*, denotatur circumstantia modi, v.g. si accepisti alienum vi.

Per *ly quando*, denotatur circumstantia temporis, v.g. festi, sed hæc secundum communem sententiam non est necessario explicanda.

Numerus peccatorum.

23. Numerus peccatorum mortalium distincte in confessione explicandus. Trid: test: 14 Can: 17. Non sufficit dicere aliquoties. Arnilla & alij, Quod si non pos-

possit haberi : exprimat pœnitens numerum vero similem addendo *plūs vel minūs*, quibus verbis satisficit pro aliquibus peccatis, quæ ultra numerum confessum postea veniunt in mentem. *Plūs minusve* extenduntur pro numeri cui adiunguntur, multitudinem, quod arbitrio prudentis relinquatur. Navarrus docuit in numero centum peccatorum *plūs vel minūs* extendi ad decem & Mosè docet in numero denario extendi ad duo.

24. Distinctio numerica peccatorum colligenda est, vel ex interruptione per notabile tempus : quod autem sit notabile tempus relinquatur iudicio prudentis, vel ex interruptione per mutationem animi, vel ex consummatione totali actūs. Sunt enim in actibus humanis nonnulli, qui habent certum terminum, in quo consummantur, vna v. g. copula maris & feminae, usum homicidii : hæc autem consummatio actūs, ita distingvit peccatum, ut licet immediate post aliud sequatur, plura sint peccata. Et sic : qui per noctem cum amata dormit

mivit, tenetur numerum copularum explicare;

Satisfactio.

25. Satisfactio Sacramentalis est passio voluntaria pœnæ pro peccato, à Confessario imposita ad placandum Deum cum proposito eum amplius non offendendi.

Tenetur autem Confessarius imponere culpis proportionatam satisfactionem juxta prudens arbitrium. Trid: Sess. 14. cap. 8. Dixi, juxta prudens arbitrium. Nam magis attendenda præsens pœnitentis dispositio, quàm culpæ præteritæ gravitas.

26. Opera externa, quæ imponi possunt in satisfactionem, sunt jejunium, oratio, & eleemosyna.

Jejunium comprehendit omnia opera pœnalia carnis, quales sunt mortificationes.

Oratio comprehendit omnia opera spiritualia, v. g. celebrationes Missarum, auditiones, & his similia.

Eleemosyna comprehendit omnia opera misericordiæ.

2.8 De POENITENTIA.

Implens poenitentiam in mortali, satisfacit præcepto Confessarii, nec peccat mortaliter sic implendo. De la Cruz & Filiacijs, relati in 2. Mor. dist. 63.

Absolutio.

27. Absolutio à Censuris præmittatur absolutioni à peccatis. Si non constat incurrisse Censuram: præmittatur ad cautelam. Si teneri aliquo vinculo.

28. Scias: suspensionem non afficere, nisi Clericos. Quare si absolutio fertur in non Clericum, dicatur. Si teneri aliquo vinculo Excommunicationis & Interdicti &c. omittendo particulam, suspensionu.

29. Absolutio à peccatis est hæc. Ego te absolvo à peccati tui, in Nomine Patris & Filij & Spiritus S.

30. In his tantum consistit Essentialiter absolutio à peccatis: Absolvo te ita communiter D.D. Ly tamen à peccati tui non omitatur. Idem de invocatione SS. Trinitatis.

31. Sensus verborum: Ego absolvo te à peccati tui, hic est: ego tibi confero gratiam, quam.

De POENITENTIA 219

quansum est ex se, remissivam peccatorum. Sic enim forma verificatur, licet quis accedat contritus & justificatus.

Quæ servanda sunt in absolutione ab Excommunicatione, non tam pertinet ad Ordinandos, quam ad pro Confessionibus approbandos. v. tamen dicta in 2. Mori dist: 64.

De Ministro hujus Sacramenti.

32. Solus Sacerdos est Minist r Sacramenti Pœnitentiæ; non tamen omnis, sed habens jurisdictionem in hoc foro.

33. Jurisdictio, vt nunc accipitur, est potestas, quæ habetur in alios, ad ipsos gubernandos ac in regnum cœlorum dirigendos.

Alia est ordinaria, alia delegata. Ordinaria habetur ex vi officij. Talem habet Papa, Episcopus, Parochus, &c. Delegata, datur ab habente ordinariam. Talem habent Regulares.

De Reservatis.

34. Casus reservati alij sunt Papales.

220 *De POENITENTIA.*

alii Episcopales, alij reservati Prælati Regularium, pro suis subditis. Papales, alij reservati in Bulla Cœnæ Domini, alij in alijs Bullis & decretis.

Episcopales reservati sunt triplicis generis. quidam de jure. quidam de consuetudine generali, hoc est, qui in omnibus Episcopatibus communiter reservantur, quidam de consuetudine particulari, sc: hujus vel illius Episcopatus. Sed hæc magis ad Confessarios.

Conditiones Ministri Pœnitentiæ.

35. Conditiones Ministri Pœnitentiæ, quinque numerantur:

Potestas.

36. Potestas, alia est Ordinis, alia jurisdictionis. Potestas Ordinis habetur ex Sacerdotio. Jurisdictionis, ex officio Pastoris, vel etiam ex commissione proprii Pastoris

Scientia.

37. Confessarius tanta debet pollere scientiâ, ut valeat de statu Pœnitentis judicare & discernere mortalia à venialibus, addo. ut valeat cognoscere circumstan-

stantias speciem mutantem, & notabiliter aggravantes. 3^o. quibus, annexa restitutio bonorum corporis, famæ, & honoris. 4^o. an peccatum reservatum, an habens annexam Excommunicationem &c. & sic tenetur scire casus reservados, censuras, saltem communes, & idem de irregularitatibus: 5^o quæ dispositio necessaria in poenitente. tandem. quæ remedia contra peccata.

Prudentia:

38. Scire debet Confessarius quomodo se gerere debeat erga poenitentem. modò enim suaviter, modò severè & arguendo, modò instruendo, modò ad alia incitando.

Bonitas.

39. Ad bonitatem Confessarij pertinet ut sit in gratia, aliàs exercendo officium Confessarij. sacrilegium committeret. Item, ne sit aliquâ censurâ innodatus,

Sigillum.

40. Sacerdos frangens sigillum Confess-

222 De POENITENTIA.

feſſionis, triplex peccatum committitur Detractionis, infamando proximum. Infidelitatis, non ſervando ſecretum, Sacrilegij, faciendò contra reverentiam hujus Sacramenti Gonet in Manuali Thomiſt: de Sacri: Pœn.

Docet tamen Moſc. in Exam. approb. tit. 7. q. 10. nullam eſſe Cenſuram aut pœnam deſacto præter peccatum mortale. unde primò eſt pœna depolitionis ferendæ. 2. Cogendus eſt talis Sacerdos, ut perpetuò ignominioſè peregrinetur, quæ. vt refert Oparovius de Pœn. diſp. 13 q. 1, mutata eſt in recluſionem perpetuam, in monaſterio. Sextam conditionem, ponit Moſc: ſc: fortitudinem, quam explicat 3. p. Tyroci c. 4.

De Clavibus Eccleſiæ.

41. Clavis Eccleſiæ non aliud eſt quam potestas ligandi & ſolvendi quæ judex Eccleſiaſticus dignos recipere, & indignos excludere debet à regno calorum; S. Th. q. 17. ſuppl. art. 2.

42. Dux ſunt claves in Eccleſia, una
Scienc.

De POENITENTIA 222

Scientia, quæ non consistit in habitu scientiæ, sed in auctoritate judicandi de dignitate aut indignitate poenitentis & dat *Potestatis*, quæ consistit in auctoritate pronuntiandi, vel non pronuntiandi sententiam absolutionis. ex S. Th. l. c. a. 3.

Effectus Poenitentia.

43. Ex Thomistis P. Labat tres numerat effectus Poenitentia. 1. gratia remissiva mortalium. quod reducitur remissio poenæ æternæ, remanente tamen reatu poenæ temporalis; non tamen semper, si sit fervida contritio poenitentis 2. remissio venialium. 3. recuperatio virtutum, & meritorum mortificatorum.

Bonaç addit irrevocabilitatem peccatorum & obligationem Sigilli; Sed has Labat revocaret ad remissionem peccatorum.

De Indulgentia.

44. Indulgentia est remissio poenæ temporalis pro peccatis actualibus debita, extra Sacramentum facta, ex thesauro Ecclesiastici dispensatione.

K 4. Dici.

224 *De POENITENTIA.*

Dicitur: *extra Sacramentum*, ad differentiam remissionis Sacramentalis, hæc enim fit per divinam liberalitatem, facta verò per indulgentiam, fit cum quadam compensatione, per quam de thesauro Ecclesiæ solvitur. Sam: de Lub: v. Indulgentia.

Nomine *thesauri* veniunt merita Christi D. Item intercessionēs & satisfactiones Sanctorum. Hæ satisfactiones SS. debent superare peccata quondam à SS. facta.

Tantum autem feci mentionem meritorum Christi D. Nam actiones Sanctorum quatenus meritorie non ingrediuntur thesaurum Ecclesiæ ut docet P. M. Labat in fine trac: de Poen. cum ut tales etiam ultra condignum præmientur à Deo.

45. Indulgentia distinguitur à suffragio. Suffragium enim fit pro alio auctoritate privatâ, applicando suam satisfactionem, vel applicando ut satisfaciatur. Indulgentia verò fit auctoritate publicâ. Nam dispensare Thesaurum Ecclesiæ

sia non convenit nisi Papæ, & cui concesserit.

46. Indulgentia plenaria distingvitur à Iubilæo sed accidentaliter, inquantum Iubilæum addit potestatem à reservatis, & commutandi vota sed non omnia.

47. Plena verò plenior & plenissima distinctione nominis tantum gaudent. Opat: d. 4. q. 3. Et exaggerationem denotant.

De Iubilæo.

48. Iubilæus seu Iubilæum est Indulgentia plenaria, cum alijs gratijs in Brevis expressis; auctoritate Apostolica concessa, his qui conditiones implaverint.

49. Conditiones ad consequendum Iubilæum regulariter seu ordinariè sex numerantur. 1. Processio. 2. Oratio. 3. Ieiunium. 4. Eleemosyna, 5. Confessio 6. Communio.

Tractatui Sacramenti Pœnit: annecti immed atè solet tractatus de Censuris ut facit Dignissimus P. Innocentius Le Masson Oarthusianus. N. P. Labat & alij idè fig:

DISTINCTIO VIII.

De CENSURIS.

1. **C**ensura est poena Ecclesiastica his vel illis Ecclesiae bonis privans. Iuxta Canonistas tres sunt Censurae. Excommunicatio. Suspendio. Interdictum. His addit M. Soto, & communiter Theologi, ait De La Cruz in praesenti, irregularitatem, non in tota latitudine sed ut habet rationem poenae.

De Excommunicatione.

2. Excommunicatio est *est censura Ecclesiastica quâ homo Christianus communibus fidelium bonis privatur.* Fernandez p. 2. suae Theologiae c. 9. secutus Cardinalem Toletum.

3. Excommunicatio, alia major alia minor. Major definitur à De La Cruz. *Est censura Ecclesiastica privans externam communicationem fidelium, tam in civilibus quam in divinis, & communibus orationibus & suffragiis.*

Minor: *Est censura Ecclesiastica privans passivâ Sacramentorum receptione,* 4.

4. Communia fidelium bona quibus excomm: major privat, sunt tria. Exterior conversatio, quæ in mutuo colloquio & convictu consistit. Sacramentorum participatio. Orationes & suffragia Ecclesiæ.

Effectus Excomm: Majoris:

5. In his quæ sequenti versu continentur prohibetur conversatio seu participatio cum excommunicato.

Os Orare. Vale. Communio. Mensa negatur.

Per ly *Os* denotatur conversatio quovis modo v. g. verbo, signo, scripto. Per ly *Orare* denotatur, simul interesse divinis. Per ly *Vale* denotatur salutatio, honoris exhibitio. Per ly *Communio* denotatur contractus civis. Per ly *Mensa*, denotatur vna mensa, vnus lectus, non tamen vnum cubiculum, si habitent vt alieni habitatores. innoc. apud Fernandez de Excomm: §. 12. Hæc ergo prohibentur cum excommunicatis non toleratis: alias incurritur excommunicatio minor.

6. Sunt autem excommunicati non tolerati, notorii Clericorum percussores. Item nominatim denunciati, hoc est per sententiam iudicis declarati incurrisse excommunicationem.

Nullitas Excomm: Minoris.

7. Casus quibus licet conversari cum excomm: non tolerato sequentibus continentur.

Utile, Lex, Humile, Res ignorata, Necessitas.
Per *Utile* intelligitur omnis rationalis & sufficiens utilitas temporalis & spiritualis. Licet enim conversari cum excommunicato non tolerato, dando ei victum, contritum, imò & hæc recipere ab eo, etsi aliqua verba misceantur verborum causâ.

Per *ly Lex* intelligitur lex Matrimonij. Nam conjugibus concessa ad invicem conversatio, licet unus sit excommunicatus non toleratus.

Per *Humile*, intelliguntur subiecti, v.g. filij, servi, familiares, pupilli. Quid per *ly res ignorata & necessitas* denotetur, ex terminis patet.

De Suspensione.

8. Suspendio est *censura Ecclesiastica privans usu Ecclesiastici officij vel beneficij* Pro officio intellige tam officium Ordinis quam jurisdictionis. Pro beneficio intellige, tam beneficia curata quam simplicia, atque etiam Dignitates & Canonicatus.

9. Tribus modis fit suspensio, seu ut alij loquuntur tres sunt species suspensionis. Prima ab officio tantum. 2. à beneficio tantum. 3. ab utroq;.

De Interdicto.

10. Interdictum est *censura Ecclesiastica privans aliquorum Sacramentorum ministratione & receptione, divinis officijs etiam audiendis, sepulturâ Ecclesiasticâ & ingressu Ecclesie.*

11. Triplex est interdictum. Locale. Personale. Locale & Personale simul. Termini sunt clari.

Cessatio à divinis.

12. Cessatio reducitur ad interdictum. Est simplex prohibitio, quâ Ministri Ecclesie
pro

prohibentur persolvere divina officia, ministrare aliqua Sacramenta, & sepelire laicos in loca sacro. Gab. à S. Vinc. v. Cessatio.

13. Differt ab interdicto, quia cessatio non est censura ut docet Opatovius; cum non ponatur in pœnam, sed in signum gravissimi mœroris ab Ecclesia concepti propter gravissimam injuriam; v.g. si Clerus in se vel in suis bonis supra modum gravatur.

Alias differentias v. in Sent: Mori L. 3, d. 19. Item ibidem & d. 18 v. alia in particulari.

De Irregularitate.

14. Irregularitas est impedimentum iure Canonico introductum ad suscipiendos aut exercendos Ecclesiasticos Ordines.

15. Alia est ex defectu, alia ex delicto, seu: alia est sine culpa, alia ex culpa, seu: alia est ob indecentiam, alia quæ etiam est ex culpa, seu alia est pura inhabilitas, alia etiam pœna.

16. Irregularitas ex defectu est multiplex. Ex defectu corporis. Ex defectu

animæ, qualiter sunt irregulares illiterati. Ex defectu Sacramenti, qualis est irregularitas bigamiæ, in qua deficit representatio Christi juncti Matrimonio cum vna sponsa Virgine Ecclesia. Ex defectu lenitatis, qualis est ex homicidio aut mutilatione. Sic dividit De La Cruz.

Ad irregularitatem ex defectu corporis reduoitur ex defectu natalium, originis, bonæ famæ &c. v. dicta in Sent: & alibi.

17. Irregularitas ex delicto etiam provenit ex multiplici capite. Ex delicto causante infamiam Inducente pœnitentiam publicam. Ex iteratione baptismi indebita Ordinum susceptione. Exercitio Ordinum tempore Censuræ. Exercitio Ordinis qui non habetur. Ex delicto hæresis. Tandem ex homicidio vel mutilatione injusta. Sic dividit Lenzona irregularitatem ex delicto.

DISTIN.

DISTINCTIO IX.

De SACRAMENTO EXTRE-
MÆ VNCTIONIS.

1. **C**ongruè hoc Sacramentum dicitur
Extrema vnctio, quia ultimò eâ
ungitur homo. Primò ungitur in Ba-
ptismo. 2. in Confirmatione. 3. in Sa-
cerdotali ordinatione. Tandem in Extre-
ma vnctione.

Definitio. Institutio. Necessitas.

2. Extrema vnctio est Vnctio hominis
infirmi, à Sacerdote in determinatis partibus
corporis facta, oleo per Episcopum consecrato
, sub præscripta verborum forma, ad salutem
anime, ac etiam corporis, si expedit divinis
ordinata.

3. Hoc Sacramentum Christus D. in-
stituit & S. Iacobus promulgavit.

Probabile est, esse institutum unâ cum
Sacramento Pœnitentiæ, cùm sit huius
contummativum. Gonet in Manuali
Thomist; § 1. De Extrema vnct.

De EXTREMA VNCT: 233

Et sic quando Christus D. Marci 6. misit Apostolos, oleo ungere infirmos, hoc Sacramentum potius insinuavit, & non instituit. Nam Apostoli nondum Sacerdotes hanc Vnctionem, etiam non baptizatis, conferebant.

4. De necessitate hujus Sacramenti, idem dic, ac de necessitate Confirmationis.

Materia, Forma, Minister.

Materia remota hujus Sacramenti est oleum olivarum simplex ab Episcopo benedictum; Proxima verò est vntio.

Forma: *Per istam Sanctam vntionem & suam piissimam misericordiam indulgeat tibi Deus, quidquid deliquisti per visum; In Nomine Patris &c.*

Eadem forma in omnibus vntionibus repetitur, mutato partium ungentium nomine.

Nec per tot vntiones & formas hoc Sacramentum multiplicatur. Quia hæ partiales vntiones & formæ ordinantur ad vnum finem, sc: ad tollendas reliquias peccatorum, quæ ex sensibus oriuntur.

134 De EXTREMA VNCT.

5. Minister hujus Sacramenti, est proprius Pastor, vel alius Sacerdos de illius licentia.

Subjectum.

6 Homo fidelis lethaliter infirmus, est capax hujus Vinctionis. *Infirmatus quise ex vobis &c.* Iacob. 5. Non tamen expectandum extremum periculum. Ministretur ergo hæc sacra Vinctio infirmis de quorum vita timetur, præ se-
rio deficientibus, amentibus, lucida intervalla habentibus, & devotionem ad hoc Sacramentum tempore lucidi intervalli ostendentibus. Infirmis in phrenesim lapsis, si dum erant sanæ mentis, illud petierunt, nec Sacramenti irreverentia timetur. Imò secundum Samuellem de Lublino, & Armillam, licet antea non petissent; modò sint personæ, bonæ viræ, scèus, si vita sit notoriè mala.

Cæcis à natiuitate, sardis &c. mutilatis; in partibus vicinis ministratur, quia licet exterius per hæc non peccaverint, peccare tamen potuerunt per po-
ten-

De EXTREMA VNCT: 237

tentias interiores illis correspondentes.

Ex vulnere moritu is

7. Hoc Sacramentum negari debet
sanis, conflictum, mare procellosum,
ingredientibus, ad mortem damnaris,
mulieribus in partu existentibus, nisi ex
morbo in periculo mortis versentur, a-
mentibus a nativitate, pueris rationis
usu carentibus, peccatoribus obstinatis,
mortuis: de quibus si dubitetur, datur
sub conditione.

Partes vngendæ

8. Necessario vngendi sunt quinque
sensus, tanquam quinque peccandi radi-
ces. Aliquæ particulares Ecclesiæ etiam
pedes propter gressum, & renes propter
concupiscibilis ardorem vngunt. Sed
renum vntio in mulieribus pudoris gra-
tiâ omittitur.

9. Observes: Sacerdotes non in pal-
ma, ubi Chrismate sunt vnti, sed in ex-
teriori manûs parte, vel infra palmam
vngi debere: licet absolutè nihil referat
in palmis vngi.

236 De EXTREMAVNCT:

10. An vero inter partes vngendas necessariô sit servandus ordo, negandum est. Sed quòd utrumque organum, sensûs ex præcepto sit vngendum, tenet Bonac. in præf. punc; 5. ex Naldo, vbi viget consuetudo.

11. In casu necessitatis, vnum oculum, aurem, manum, narem, & os, velociter sine forma Crucis vngere sufficit, & vnâ formâ dicere. *Per istam vñtionem, & suâ pijsimam misericordiam indulgeat Tibi Deus, quidquid peccasti per visum, auditum, gustum, odoratum & tactum.*

Iteratio.

12. In vna infirmitate, in qua infirmus non nisi semel appropinquat morti, non debet hæc sacra Vñctio iterari. Sed si post Vñctionem in periculo mortis factam, à quo infirmus liberatur, elapso aliquo tempore arbitrio prudentis viri, in aliud periculum incidat, etsi plenè non convaluerit, potest iterum vngi.

Effectus.

13. Extremæ Vñctionis tres præsertim nume-

De EXTREMA VNCT: 237

numerantur effectus. 1. est gratia tollens reliquias peccatorum: quæ sunt debilitas ad resistendum diaboli tentationibus, debilitas ad sustinenda mala, proclivitas ad malum. Hic effectus est primarius. 2. Est remissio peccatorum. 3. Sanitas corporis, quando expedit.

Præter hos sunt & alij, scilicet diminutio pœnæ pro peccatis debitæ, protestatio decedentis, quod in fide moriatur, spiritualis animæ hilaritas, devotionis excitatio, robur contra dæmonis insidias, tandem diabolicæ potestatis arctatio.

Sed hi ultimi quatuor ad primum reducuntur.

DISTINCTIO X.

De SACR: ORDINIS.

1. **C**ongruè hoc Sacramentum dicitur Ordo, quia per illud in certo dignitatis Ecclesiasticæ gradu debitè collocamur,

Definitio, Institutio, Necessitas.

2. Ordo, est Signaculum quoddam Ecclesiæ,
scilicet,

lia, per quod spiritualis potestas traditur Ordinato, Mgri in 4. dist: 24.

3. Institutus à Christo D. in vltima Coena dicente: *Hoc facite in meam commemorationem.* Et licet tunc præcipue institutum Sacerdotum, ac tamen & alij Ordines instituti, vtpotè eminenter in Sacerdotio contenti, & ad hoc ordinati.

4. Est autem Ordo principaliter institutus ad communem Ecclesie vtilitatem, & ad aliorum salutem, in quos spiritualis potestas exercenda. Est necessarius simpliciter toti Ecclesie & non cuiuslibet in particulari.

Materia, Forma, Minister

5. Materia remota Ordinis est res quæ Ordinando traditur. Proxima, est talis rei traditio. Forma, sunt verba ab Episcopo modo imperativo prolata, cum facultatis, quæ confertur, expressione.

6. Solus Episcopus est Ordinarius Sacramenti Ordinis Minister.

Conditiones.

7. 1. Confirmatio, 2. Prima tonsura.

ta. 3. *Ætas legitima.* 4. *Intentio.* 5. *Morum probitas testimonialibus comprobata.* 6. *Dimissoria, si alibi ordinatur, etiam pro prima tonsura.* 7. *Vita bonitas, hoc est, esse in gratia. & sic supposito mortali peccato, necessaria confessio vel saltem contritio pro exigentia casuum. Nam si communicandum, necessaria confessio.* 8. *Scientia.* 9. *Temporum interstitia. Et sic Minoribus initiatus per annum expectet subdiaconatum, & eadem interstitia serventur inter alios Ordines.*

10. *Tempus. Conferantur ergo Ordines Sabbathis quatuor Temporum, nec non Sabbatho *Sitiones*, & Sabbatho sancto, tempore Missæ. Minores tamen conferri possunt diebus Dominicis & Festivis, dummodò Episcopus non videatur tenere generalem ordinationem. Sed prima Tonsura quolibet die conferri potest.*

11. *Locus. Qui in ordinatione solenni est Ecclesia. In privata, sacellum, vel capella.*

12. Titulus. Hic triplex est. Beneficij. Patrimonij Paupertatis seu Professionis in Religione approbata. &c.

13. Carere impedimentis de quibus
MOX.

Ætas.

8. Pro tribus Minoribus, septem completi. Pro Acolythatu, duodecim completi. Pro Subdiaconatu vigesimus secundus, pro Diaconatu vigesimus tertius, pro Sacerdotio vigesimus quintus, inchoati. Pro Episcopatu trigesimus completus. In defectu ætatis ad sacros Ordines solus Papa dispensat.

Si ultimus dies ætatis sit inchoatus potest quis ordinari. Quia in favorabilibus dies inchoatus, habetur pro completo, l. quâ ætate ff. de testam.

Scientia.

9. Prima Tonsura non detur, nisi scienti rudimenta fidei, & nisi legere & scribere scienti. Item nisi intendat mundo renuntiare. Trid; sess; 23, c. 4. quoad omnes partes.

Mino.

Minores non dentur ei, qui saltem
linguam latinam non intelligit. Trid;
l. c: 11. & addit. *Nemo ijs initietur, quem
non scientia spes maioribus Ordinibus dignum
ostendat.*

In S bdiaconos & Diaconos non ordi-
nentur, qui literis & ijs, quæ ad Ordi-
nem ex. rcendum pertinet, non sunt in-
structi. Trid: c: 13. & addit. *Sciant maxime
decere, si saltem diebus Dominicis & solemni-
bus, cum altari ministraverint, sacram Com-
munionem perceperint.* Per literas, intelli-
ge divinas, quas v: g: Catechismus Ro-
manus, & similes libri continent.

Sacerdotium denegetur non habenti
scientiam, quâ populus necessaria ad sa-
lutem doceatur, eiq; Sacramenta admi-
nistrentur. Trid. l. c: cap. 14.

Mortaliter peccant qui indigno con-
fert Ordines. quia infideliter dona Dei
dispensat, Ecclesiæ detrimentum facit,
honorique Divino. S. Th. in suppl. q 36.
a 4. Hæc conditio ab alijs vocatur Exa-
men.

Impedimenta.

10. Prohibentur promoveri ad Ordines. 1^o ò. ignoti. 2^o ò. bigami. 3^o ò. neophyti. 4^o ò. corpore vitati. 5^o ò. de thoro illegitimo nati. 6^o ò. ævi. 7^o ò. ad rationem obligat. ante factum rationem, v. g. titores. 8^o ò. homicidæ, quamvis p^ostè occidant, v. g. carnifex, se vel alii in muricibus. 9^o ò. hermaphroditici, etiamsi sexus virilis prævaleat, præcipuè, si res sit notoria. 10. omnes alij irregulares.

Numerus Ordinum.

11. Septem sunt Ordines. Ostiarius. Exorcistatus. Lectoratus. Acolythatus. Subdiaconatus. Diaconatus. Presbyteratus.

Hi vnum efficiunt Sacramentum Ordinis. Vnum inquam perfectione finis, cum omnes ad unum finem ordinentur.

Omnes ratione Sacramenti gaudet, cum omnes secundum S. Th. in 4. d. 24. a. 2. q. 1. 2 in O. characterẽ imprimant.

12. Isti Ordines differunt inter se: 1^o j

enim sunt Majores & Sacri, alij Minores, & non Sacri. Majores, quia majora illis incumbunt ministeria. & dicuntur Sacri, quia habentes tales Ordines possunt tangere res sacras. Obligantur ad castitatem & ad officium Divinum, unde sunt Deo specialiter mancipati.

Minores vero dicuntur, quia minora illis incumbunt ministeria, nec habent annexa, votum castitatis & Officium Divinum.

13. Majores sunt : Subdiaconatus, Diaconatus, Presbyteratus. Minores, Ostiariatus. Lectoratus. Exorcistatus, Acolythatus.

Prima tonsura.

14. Prima tonsura non est, nisi, largo modo, Ordo, sed solum dispositio ad Ordines. Multo minus Cantoratus, cum non habeat specialem respectum ad Eucharistiam.

Imò nec Episcopatus est propriè Ordo, sed Ordinis eminentia & extensio, S. Th. in 4. d: 24. q. 3 art: 2. in O & in Suppl: q. 40 a. 5. Vide dicta in 4 Sent:

Thomist. d: 51. Idem docetur de Papatu, à fortiori, nec Archiepiscopus, Primatus, Metropolitatus, Patriarchatus, Cardinalatus, est Ordo.

15. Definitur Tonsura: Est professio quædam vite spiritualis, per quam homo numeratur in Clerum, & fit capax beneficij Ecclesiastici, aliorumq. privilegiorum.

16. Dicitur, Prima Tonsura, quia ante omnes Ordines primò conferri solet, Qui illam suscipit, appellatur Clericus,

17. Sic confertur: Tondentur capilli in summitate capitis admodum Coronæ, quæ significat perfectionem vitæ; & quilibet dum tondetur, dicit: *Domine pars hereditatis meæ, & calicis mei, tu es qui restituas, hereditatem meam mihi.* Cath: Rom.

18. Tondentur capilli ad significandum, quòd sicut capilli, qui sunt pars corporis supervacanea, tondentur, ita anima Clerici debet contemnere res externas & esse vacua coris humanis. Cath: Rom: de Sacri Ord:

19. S. Petrus dicitur primam tonsu-

ram primò instituisse in memoriam Coronæ spinæ impositæ Capiti Christi : Cath: Rom: ibid.

Ostiatorius.

20. Est *Spiritualis potestas*, per quam ordinatus in Ostiarium, potest dignos recipere, & indignos, ab introitu templi repellere, ad Eucharistiæ sacramentum recipiendum.

Ejus materia remota, claves Ecclesiæ; proxima, earum ab Episcopo traditio, cum quibus ab Archidiacono, aut ab alio vicem gerente deducitur ad claudendam & aperiendam januam Ecclesiæ. Aliqui pro materia addunt cymbalum. Forma verò: verba Episcopi, in quorum prolatione & clavium traditione character imprimitur.

Lectoratus.

21. Est *Spiritualis potestas*, quâ ordinatus in in Lectorem potest prophetias in Ecclesia legere. Ejus materia remota liber prophetiarum, proxima, traditio: Forma, verba Episcopi, in quorum prolatione & mate-

riæ traditione character imprimitur.

Exorcistatus.

22. Est spiritualis potestas quâ ordinatus in Exorcistam potest demonem exellere, ne quæpiam ab Eucharistia sumptione impediat. Ejus materia remota liber exorcismorum. Forma, verba Episcopi, in quorum prolatione & materiæ traditione character imprimitur.

Acolythatus.

23. Est spiritualis potestas quâ ordinatus in Acolythum potest ad altare vrceolos cum vino & aqua, accandelas deferre. Ejus materia remota saltem vnus vrceolus, & candelabrum cum candela extincta Proxima horum traditio. Forma, verba Episcopi. Character imprimitur in traditione vrceoli secundum S. Th. in Suppl. 3. p. q. 38. art. 5. ad 6, cum iste actus sit principalior, & immediatius ad Eucharistiam ordinatus: sit enim præparatio materiæ. In candelabri traditione, vrpote actu secundo, character potius extenditur quam imprimatur. Et licet

Aco-

Acolythus à candelabri ministerio denominetur, non ideo fit quia principalius sed notius.

Subdiaconatus.

24. Est spiritualis potestas quâ ordinatus in Subdiaconum potest calicem cum pane & vino ad conficiendam à Sacerdote Eucharistiam præparare. Ejus materia calix vacuus, cum patena vacua. Proxima, horum ab Episcopo traditio. Forma, verba Episcopi, in quorum prolatione & materiæ traditione character imprimitur.

Opatovius de Sacr: Ord: præter assignatam materiam proximam, assignat traditionem libri Epistolarum: Sed Gab: à S. Vinc: hanc dicit esse complementum & partem integram ad significandum actum secundarium.

Hac servantur in collatione

Subdiaconatus.

25. Primò examinatur quoad scientiam & alia requisita. 2. datur illi titulus, vel beneficij vel Patrimonij, ut habeat unde vivat. Si verò ante ordinationem

fecerit pactum de non petendo, vel restitueudo postquam ordinatus fuerit, id quod illi pro titulo datum, peccat graviter, utpote in gravi materia decipiens Episcopum & incurrit suspensionem. v. De la Cruz de susp: n: 15. Si durante suspensione exercet Ordinem susceptum, incurrit irregularitatem à solo Papa dispensabilem. Si casus occultus, Episcopus dispensat. Nav: in Man: c: 27. Tertiò paratur cum alba, cingulo & ministropulo. Quorum significatio in sequentiis explicabitur. Hæc alijs ordinibus sacris applicanda

Diaconatus.

26. Est Spiritualis potestas quâ ordinatus in Diaconum potest Evangelium solemniter in Ecclesia canere. Materia remota liber Evangeliorum, proxima ejusdem traditio: Excepto Sacerdotio, sufficit materiam tradere per Archidiaconum. Sæ v. Ordo n: 6. Forma sunt verba Episcopi in quorum prolatione, & materię traditione character imprimitur.

Opus

Opat: de Sacri Ord: disp: i. q: 4. præter traditionem libri Evangeliorum assignat pro materia proxima manuum impositionem. Sed Gab: à S. Vinc: pro perfectione & complemento.

Tempore tamen Apostolorum materia erat manuum impositio, & modo est apud Græcos. Unde ad similes difficultates dicendum est materiam à Christo D. in genere: in specie verò ab Ecclesia determinatam v. Gonet in manuali Thomistarum de Sacri Ord: c: 3.

Presbyteratus.

27. Presbyter ex Græco idem dicit quod Senior, non tantum spectando ætatem sed & morum gravitatem, prudentiam & doctrinam.

Attendendo rem, Presbyter est qui habet potestatem conficiendi corpus & sanguinem Christi D. Quia Presbyteratus definitur spiritualis potestas quæ Ordinatus in Presbyterum, corpus & sanguinem Christi D. conficit. Ejus materia remota est calix cum vino & patena cum hostia. Proxima horum

traditio. Forma. *accipe potestatem offerendi Sacrificium Deo. Missamq; celebrandi in Nomine Domini.* In hujus prolatione & materię traditione character imprimitur.

28. Institutus à Christo D. in ultima cœna, panem & vinum in corpus & sanguinem convertente. Et tunc instituti alij Ordines, utpote in Sacerdotio eminenter contenti, non recurrendo ad alias difficultates quando instituti.

Officia Ordinum.

29. Officium Ostiarij est januam Ecclesię aperire & claudere. 2. cymbalum tempore Sacrificij pulsare. 3. excludere ab Ecclesia indignos. Tales sunt infideles, hæretici, excommunicati, interdicti. 4. admittere dignos. 5. Missę assistere, ne quis proprius quàm par est ad altare accedat. 6. cohibere strepitus, clamores, & alia, quę celebrantem turbant: &c.

Officium Lectoris.

30. Est prophetias in Ecclesia legere. Catechismus Rom: dicit, etiam lectiones ex novo testamento annuntiare: sed
hic

hicaſtus ſecundarius. Nam materia hu-
jus Ordinis eſt liber Prophetiarum.

Refertur ab Opat: Lectorem aliquan-
do legiſſe Evangelium ſupra pulpitum :
quod intellige extra Miſſam & dum no-
cturnum officium peragitur.

Adverte. Dum dicitur, officium Le-
ctoris eſſe prædicare; intelligè, recitativè,
legendo publicè Prophetarum libros.

2: Officium Lectoris eſt catechumenos
fidei rudimenta docere.

Cave, ne in Minoribus exiſtens, pa-
nes & novos fructus benedicas : hoc e-
nim Lectori jam non committitur.

Officium Exorciftæ.

31 Eſt nomen Domini ſuper energu-
menos, hoc eſt, ab immundis ſpiritibus
obſeſſos, invocare &c.

Officium Acolythi:

32. Eſt cereos deportare, dum Evan-
gelium legitur, offerturq; ſacrificium.

2do. Subdiacono vtreolos cum vino &
aque ad Euchariftiam conficiendam præ-
parare.

L. 6.

Offi.

Officium Subdiaconi.

33. Est, 1. Panem & vinum in sacris vasis, Diacono, ut Sacerdoti offerat, preparare ac ministrare. 2. Epistolam in Missa solenni cantare. 3. Palis & Corporalia abluere. 4. Crucem in Processionibus deferre, &c.

Officium Diaconi.

34. Est, Episcopum sequi concionantem. 2. Ministrare ad altare, 3. Solemniter baptizare ex commissione Parochi, sed in necessitate. 4. prædicare, saltem per modum catechizantis. 5. in Missa solenni Evangelium cantare, & in Matutino Homilia n. recitare, &c.

Officium Sacerdotis.

35. Est, 1. offerre Missæ Sacrificium, quâ ratione dicitur, sacra faciens. Huc revocatur preces pro populo ad Deum fundere, & esse Mediatorem inter Deum & hominem. 2. benedicere, quâ ratione, dicitur sacras. 3. præesse, quâ ratione dicitur præsul, vel etiam sacer Dux inter personas consecratas, 4. prædicare,

re, quâ ratione dicitur, sacra docens. s. Sacramenta conficere & ministrare, quâ ratione Sacerdos, dicitur, sacra dans. Unde in Pontificali hæc assignantur. Offerre, benedicere, præesse, baptizare (quo revoca alia Sacramenta) & prædicare.

Plura de his videbis apud Opatovium de Sacram. Ordinis.

36. Secundum aliquos, ait Gab. à S. Vinc. v. Ordo, officium Diaconi & Subdiaconi præstari possunt ab existente in Minoribus, sine itola tamen & manipulo, aliàs esset irregularitas ex delicto. Qui verò nullis ordinibus initiatus, præfata officia nullo modo exercere valet, refert idem Doctor.

Onera Sacrorum Ordinum.

37. Qui in sacris Ordinibus constituti speciali obligatione tenentur ad castitatem, suntque sacrilegi per violationem ejusdem. Præterea tenentur sub p: mortali ad dicendas horas canonicas.

38. Occasione hujus, scias quatuor

esse genera Personarum obligatarum ad horas Canonicas. In Sacris Ordinibus constituti. Beneficiati. Professi choro adiecti & Moniales.

Effectus Ordinum.

39. Duo præsertim numerantur, sc. augmentum gratiæ & character.

Ritus Ordinum.

40. Hi sunt, 1. Ordines non conferantur post prandium. 2. Sacri non dentur sine Missa. 3. dentur in Ecclesia Episcopali nisi aliter Episcopus ordinaverit. 4. cum debitis vestibus. Minoribus initiandi cum superpelliceo accedant. In Subdiaconum ordinandus, cum amictu, alba, cingulo, manipulo & Dalmatica accedat. In Diaconum præter hæc, cum stola. In Sacerdotem cum his, insuper cum casula, omitta Dalmatica, accedat.

Significatio vestium in Sacris constitutorum.

41. Amictus significat velum, quo Christi facies in domo Caiphæ velata fuit à Ministris dicentibus: prophetiza nobis Christe, quis te percussit.

Alba

Alba significat vestem albam, quâ Herodes Regem gloriæ Christum induit irrisorie.

Cingulum quo *alba* comprimitur significat primum ligamen, quo Iudæi, Christum comprehendentes ligarunt.

Manipulus significat secundum ligamen, quo Canis D. flagellandus, ad columnam ligatus fuit,

Stola significat tertium ligamen Christi, quo, ad crucifigendum ductus, ligatus fuit.

Casula seu *Planeta*, significat purpuram, quâ Christus ducendus in montem Calvarie crucifigendus, in domo Pilati indutus fuit. Vel etiam Crucem, quæ in humeros ejus imposita fuit. P. M. Camillus in Cæremoniali Missalis O N.

Alia significatio ex S. Thoma.

42. *Amictus* significat fortitudinem ad divina. *Alba* : puritatem. *Cingulum* repressionem carnis.

Subdiaconus habet *Manipulam* in sinistra quasi sudarium ad extergendum vul-

tum, quo significatur extensio minimarum culparum (significat etiam *manipulus* fructum bonorum operum.)

Diacono additur *Stola* significans applicationem ad ministerium in ipsis Sacramentis.

Dalmatica vestis larga significat largam Sacramenti dispensationem. Ipse enim sanguinem dispensat (sed hoc jam non est in usu) in dispensatione autem largitas requiritur.

Stola in utroque humero Sacerdotis, plenam potestatem dispensandi Sacramenta.

Casula: Charitatem quia conficit Sacramentum charitatis sc: Eucharistiae, Ita S, Th: in supplementis 3. p: q, 40. a: 7. excepta utraque parentesi

Significatio vestium Episcopaliū.

43. Episcopis adduntur novem ornamenta super Sacerdotes, quæ sunt caligæ, sandalia, succinctorium, tunica, dalmatica, mitra, chirotheca, annulus, baculus, quia novem sunt quæ ipsi supra Sacerdotes possunt, sc: Clericos ordinare, Virgines benedi-

cerē, Basilicas dedicare, Clericos deponere, Synodos celebrare, Christus conficere vestes & vasa consecrare.

Vel per *caligas* significatur rectitudo gressuum.

per *sandalia*, quæ pedes tegunt, contemptus terrenorum.

Per *succinctorium* quo stola ligatur cum alba, amor honestatis.

Per *tunicam* perseverantia, quia Ioseph dicitur tunicam talarem habuisse, quasi descendantem usque ad talos, per quos significatur extremitas vitæ.

Per *Dalmaticam* largitas in operibus misericordiæ.

Per *Chirothecas* cautela. Per *Mitram* scientia vtriusque testamenti, unde & duo cornua habet.

Per *baculum* cura pastoralis, quæ debet colligere vagos, quos significat curvitas in capite baculi, sustentare infirmos, quod ipse itipes signat baculi. Sed pungere lentos, quod significat stimulus in pede baculi. unde verius.

Collige, sustenta, stimula, vaga, morbida, lena;

Per

Per *annulum* Sacramenta fidei, quâ Ecclesia deponatur Christo Episcopi enim sunt in Ecclesia loco Christi.

Sed ulterius.

Archiepiscopi pallium habent, signum privilegiate potestatis, significat enim torquem auream quam solabant legitime certantes accipere. Hæc S. Th. in terminis loco cit.

DISTINCTIO XI.

De MATRIMONIO.

DEFINITIO & INSTITUTE.

PRæambula Matrimonij sunt Sponsalia, quæ sunt *mutue summarum nuptiarum promissio*. S. Th. in Suppl. q. 43. a. 1. Matrimonium verò secundum rationem contractus naturalis consideratum est *legitima conjunctio maris & femine in usum conjugij, individuum vitæ consuetudinem retinens*, Labat de Matrim. dub. 1. §. 2.

Sed in ratione Sacramenti consideratum, est *novæ legis Sacramentum à Christo*

D.

De MATRIMONIO 259

*D. institutum causativum gratia unitiva. N.
P. Salazar.*

Gratia enim quæ in hoc Sacramento datur, significatur per modum vinculi & conjunctionis & ordinatur ad mutuam supportationem. Item, ad honestam procreationem & educationem proles. Musc. in Exam. approb, tit: 1 q, 5. Neo solû in hoc Sacramento significatur gratia coniungens conjuges adinvicem, sed etiam significatur minus principaliter unio Verbi cum humanitate, & conjunctio Christi cum Ecclesia.

2. Iuxta varietatem temporum est varîè institutum matrimonium. In statu innocentiae, est institutum in officium naturæ, ad propagandam speciem humanam. In statu naturæ lapsæ, ultra hoc, in remedium concupiscentiæ. In lege Gratiæ à Christo D. in ratione Sacramenti. S. Th: in Suppl: q, 42, a, 2 Institutum inquam, sive Ioan: 2. in Nuptijs: vel Matth: 19. dicendo: *Quod Deus conjunxit homo non separet.*

Differentia inter sponsalia & Matrimonium.

Diffe.

3. Differunt in hoc, quod Matrimonium sit indissolubile, & non possit contrahi, nisi post annos pubertatis utriusque; Sponsalia verò multis casibus solvuntur, & statim post septennium contrahi possunt.

Materia & Forma.

4. Materia remota, sunt ipsi contrahentes, vel corpora ipsorum.

Utriusque conjugis consensus mutuò per verba, vel per nutus, expressus, est materia proxima, & forma hujus Sacramenti, sub diversa tamen ratione. Quatenus enim consensus conjugum habet rationem traditionis, est materia, quatenus habet rationem acceptationis, est forma. Sumitur ex D: Th: in Suppl: q: 42. a. 2. ad 1. & 2,

Et sic verba Sacerdotis, *Ego vos coniungo*, non sunt forma hujus Sacramenti. Horum verborum non est sensus, *Ego vos coniungo*, aliàs non conjunctos, sed confirmo, & benedico vestram conjunctionem. vel, ego vos coniungo in facie Ecclesie, ut pro veris conjugibus coram hominibus
sitis

De MATRIMONIO. 261

fitis, De la Cruz, de Matrim, q: 1. n. 1.

Minister.

5. Minister Essentialis Matrimonij ; sunt ipsi contrahentes : cùm ipsi tantùm ponant formam , vt patet ex Concilio Florenti in Decreto Vnionis Armenorum. Sacerdos enim tantùm est Minister accidentalis , aliàs Matrimonia clandestina non fuissent valida ante Concilium Trid. quod est contra Sess. 24. c. 1.

Bona Matrimonij.

6. Sunt, Fides , proles , Sacramentum. Fides, ne cum alijs conjuges miscantur. Proles, vt Christianè educetur, Sacramentum, vt Matrimonium non separetur

Finis Matrimonij.

7. Est, 1. propagatio speciei, & conservatio individuorum. 2. remedium concupiscentiæ, 3. commoditas obsequij vtriusque ad invicem.

Eff. eius

8. Sacramenti Matrimonij, est Gratia
vni-

vnitiva, hoc est. gratia sanctificans, vt importat mutuam concordiam, decen-
tem vsum Matrimonij moderando car-
nis concupiscentiam, familie pruden-
tem gubernationem, Christianam pro-
lis educationem, rerum domesticarum,
diligentem curam, dispositionem, & fi-
delem dispensationem: vltic. 2 p. Tyroc;
artis Romanic; §: 4. n. 25.

Barna.

9. Antequam Matrimonium contrahatur,
ter à proprio contrahentium Parocho tribus
continuis diebus festis in Ecclesia inter Missarum
solennia, publice denuntietur, inter quos
Matrimonium contrahendum. Iudic. de fl. 14.
cap. 1.

*Hac faciant coniuges, vt rectè susci-
pant hoc Sacramentum.*

10. 1. Careant impedimento, præci-
puè dirimente. 2. Careant peccato mor-
tali alias peccarent mortaliter sacrilegè.
3. Confiteantur & communificent. Sed
hoc consilium. 4. deuotè & reverenter
accedant, 5. habeant rectam intentionem,

nem, & non contrahant libidinis causâ.

*In celebratione Matrimonii hæc
facienda.*

11. 1. Contrahant in facie Ecclesiæ;
2. coram proprio Parocho, vel alio Sa-
cerdote de Parochi seu Ordinarij licen-
tiâ. 3. adsint saltem duo testes. 4. inter-
roget Parochus contrahentes, an velint
contrahere Matrimonium de præsentî,
& notificetur de illorum mutuo consensu.
5. Parochus dicat hæc: Ego vos con-
juncto in Matrimonium, In Nomine Patris &c,

Post Matrimonium.

12. Parochus in libro ad hoc deputa-
to nomina Conjugum, testium, diem,
& locum contracti Matrimonij descri-
bat, & librum apud se diligenter custo-
diat.

Impedimenta impediencia tantum.

13. Impedimenta Matrimonij dupli-
cia sunt: alia tantum impediunt, ne li-
citè contrahatur Matrimonium, validum
tamen est. Alia, contractum dirimunt,
tquam invalidum.

11. Impedimenta tantùm impediētia sunt quinque: votum, interd. ctum, sponsal. 3, catechismus, & crimen

15. Crimen est multiplex, quo commissio, non licet ducere vxorem. 1. occisio vxoris adulteræ propria authoritate facta. 2. Presbytericidium, per iudicem declaratum. 3. Matrimonium cum Moniali scienter contractum. 4. suscipio proprii filij in Baptismo aut Confirmatione malo animo, vt scilicet contrahat cognationem cum propria vxore. 5. publica pœnitentia. Sed hæc, iam non est in vſu. 6. raptus alienæ sponsæ. Sed hoc, post Trid: est etiam dirimens secundùm dicenda in sequentibus. 7. incestus cum propria affine, vel etiam cum consanguinea. Sed hoc secundum negat D. Th: & alij apud de la Cruz, q: 4. n. 1 de Mat. Hoc impedimentum criminis, iuxta Sanchez, Ledesma, & alios apud Bonacc: de Matr: qu: 3. punct: 14. n. 21. non inducit mortale, etsi dispensatio non petatur.

16. Si quis dispensationem desiderat, adeat

adeat Episcopum, qui in omnibus tantum impedientibus impedimenti dispensat, excepto voto castitatis perpetuae & Religionis. Candelabrum aureum de Matr: n: 110 ex U: Antonino & Palud.

17. Nomine voti intelligitur votum simplex Religionis aut castitatis, vel votum non nubendi.

18. Nomine Interdicti venit prohibitio, quâ certo anni tempore interdicitur Matrimonium ab Ecclesia. Item si ab Ordinario loci, aut Curato interdicitur contrahere Matrimonium, donec constet non esse impedimentum, aut aliam ob causam.

19. Tempus Interdicti incipit à media nocte præcedente primam Dominicam Adventus, usq; ad Festum Epiphaniæ, & à media nocte ante Feriam quartam Cinerum usq; ad Dominicam in Albis inclusivè, Frid: sess. 24. c: 10.

Interdicitur autem hoc tempore solennitas nuptiarum, v: g: accipere benedictionem in Ecclesia, aut convivium solenniter celebrare, & contra faciens

peccat mortaliter, quia in re gravi transgreditur præceptum Ecclesiæ. Bonacius loc. cit. 1: 4. cum alijs Doctõribus.

Non interduntur hoc tempore sponsalia. Item, non prohibetur contractus Matrimonij & confirmatio atq; Banorum publicatio: dum modò nullæ adhibeantur nuptiales solennitates. Item, non prohibetur privative traducere tempore Interdicti sponsam in domum sponsi.

20. Impedimentum sponsaliorum, vtdum quis contraxit cum aliqua de futuro, non potest cum alia contrahere de presenti.

21. Impedimentum Catechismi est, dum quis susceptor fuit in Catechismo tantum & non in Baptismo & Confirmatione, v: g: tenendo baptizandum, & respondendo ejus nomine Ministro interroganti, an credat, an renunciet diabolo &c.

Impedimenta dirimentia.

22. Error, conditio, votum, cognatio, crimen, Culsus disparitas, vis, ordo, ligamen, honestas,

Si sis affinis, si forte coire nequibis,
 Si Parochi, & duplicis desis presentia testis,
 Raptāq; sit mulier, nec parvi reddita tuta.
 Hac facienda vetant connubia, facta retractant.

Error Personæ

23. Tuus est, si quis putat contrahere cum Batharina, & contrahit cum Agneta &c.

Conditio.

Quando Liber ducit servam, putans esse liberam, & è contra.

Votum Solenne.

Quale communiter est Religiosorum.

Cognatio.

Quæ est triplex, spiritualis, legalis & naturalis.

Crimen.

Est quadruplex. 1. Si adulteri sibi invicem promiserunt de Matrimonio contrahendo, post mortem alterius conjugis. 2. Si vir & fœmina convenerunt ad occidendum conjugem, ut inter se contrahant, & detecto occidunt: oritur inter eos impedimentum dirimens etiam

268 De MATRIMONIO

nullo præmisso adulterio. 3. Si vnus conjugum occidat alterum conjugem animo contrahendi Matrimonium, etiam eo nesciente, cum quo intendit contrahere, dummodò interveniat adulterium cognitum ab ipsis adulteris. 4. Si adulteri contraxerunt vivente innocente, dummodò vterq; adulter sciat alterum conjugem esse superstitem. Et sufficit adulterium subsecutum, vt docet Armilla v. Matrimonium. n. 33. & Bonac. de Matr. q. 3. punct. 6. n. 8

Cultûs disparitas.

Vt si fidelis contrahat cum infideli, id est, cum non baptizata.

Vis,

Quando quis cogitur ad contrahendum Matrimonium per metum v: g. mortis, vel notabilis verberationis: & si tunc interius consentiat. Nam alias hoc impedimentum non esset iuris Ecclesiastici, sed naturalis: cum defectus consensus, seu intentionis, ex se verum contractum destruat. Scias: in fœmina minor metus requiritur.

Ordo

Ordo sacer.

v. g. Subdiaconatus, Diaconatus, & Presbyteratus.

Ligamen.

Id est, qui Matrimonio rato licet non consummato iunctus est, non potest contrahere cum alia, nisi post mortem prioris.

Publica honestas.

Ex Sponsalibus de futuro oritur. ut si quis despondeat puellam, licet eam carnaliter non cognoverit, nullus ex consanguinitate ejus potest eam ducere; nec ipse aliquam de consanguinitate sponsae. Hæc propinquitatis tantum extenditur ad primum gradum.

Affinitas.

Id est, cognatio quædam ex copula carnali procedens. Quando enim duo habent copulam, tunc consanguinei redduntur illis affines. Consurgit autem affinitas non solum ex copula licita Matrimonij, sed etiam ex copula illicita. Et quidem ex copula licita ad quartum gradum.

270 De MATRIMONIO
dum, ex illicita ad secundum gradum
inclusivè.

Impotentia còcundi.

Matrimonium clandestinum.

Hoc est, in absentia Parochi, & duo-
rum testium contractum, est illicitum,
& novo jure Tridentini, nullum.

Raptus.

Inter raptores & raptam, quamdiu
rapta est, in potestate raptoris, non po-
test esse Matrimonium. Et raptor, auxi-
liantes, consulentes, faventes, excom-
municantur, manent perpetuò infames.
Quodsi sint Clerici de proprio gradu
decidant & teneantur raptor, rapta de-
center arbitrio iudicis dotare sive eam
in uxorem ducat cessante rapto & liberta-
ri restituendo, sive non. Trid: sess, 24
cap: 6.

Nota. raptum tunc propriè committi,
quando mulier vi rapitur ad Matri-
monium, non verò si rapiatur ob aliam
causam, etiamsi rapiatur causa libidi-
nis. Sanchez. Et declaravit Sacra Con-

grega-

De MATRIMONIO 271

gregatio, quam insinuat Summa Dianæ,
v. *Inpedimenta Matrimonij.* n. 22.

Hæc duo Opuscula, scilicet, de decem
Dei Præceptis, & Sacramentis, desum-
pta sunt ex Opusculis Sententiarum Mo-
ralium proprio labore compositarum.

Hæc subsint infallibili iudicio
S. Matris Ecclesiæ.



Erra:

Errata sic corrige.

christallus.	crystallus. 17.
De fide libus	De fidelibus. 30.
maximè	maximè 45.
non au dicitur	non autem dicitur. 47.
venereris	venereis. 55.
apenda	aperienda. 81.
Præcipatio	Præcipitatio. 84.
alinâ	alienâ. 88.
Abgaro	Abagaro. 109.
arreptios	arreptitios. 117.
spaiula	spatula. 118.
imbiba	imbibita. 123.
traditur tempora-	traditur res tempora-
lis	lis 142.
judicijs	indicijs. 152.
de	die 154.
principium	principum. 156.
baptizo	baptizato 185.
verbus	versibus. 190.
falsus	fassus 191.
pertinet	pertinent. 241.
a. 2. q. q. 1. 2.	q. 1. 2. 2. q. 2. 247.
peccant	peccat. 241.
proprius	propius. 250.

Cetera corrigat benevolus Lector.

